

IOANNIS FIENI
Andouerpiani

DE FLATIBVS
HVMANVM CORPVS
molestantibus,
COMMENTARIVS NOVVS
AC SINGVLARIS.

*In quo Flatuum natura, causa & symptomata de-
scribuntur, eorumq; remedia facili & expedita
methodo indicantur.*



IN OFFICINA SANGTANDREANA,
cllo lo xci

ILLVSTRISSIMO ET GE-
NEROSISSIMO EQVITI, DO-
mino *Carolo Rymio, Domino de Bellen, Schuer-
nelt & Eeckenbeke, regio in consilio secretioris
Consiliario, & Casareo quondam apud Turca-
rum Imperatorem oratori vigilantissimo,*

IOANNES FIENVS

S. D. P.

CVM apud omnes in confesso sit, claris-
sime vir, humanò generi nihil deside-
rabilius, nihil optatius, nihil deniq; præstan-
tius diuinitus dari pòtuisse præter sanitatem,
& vitæ huius incolumitatem: non potui non
mirari tantum thesaurum, tamq; incompa-
rabile bonum apud plerosque tam turpiter
vilescere & negligi: cuius quidem dignita-
tem si penitius introspicerent, cum Amphi-
one Sicyonio poeta exclamarent:

O Beata Sanitas, te præsentè amœnum

Gratiis ver floret; absque te nemo beatus.

Hæc enim sapientiæ, scientiarum, artiumq;
omnium piissima fautrix: Hæc vitæ huius
tam turbulentæ vnicum solatiū: Hæc illa est,
cuius præsentia actiones humanæ vigent,
vis corporis, forma, diuitiæ, & quæcunq; a-
pud homines in pretio haberi solita, valent:
qua collapsa, causarumque hostilium vi &
malignitate expugnata, concidunt quæ prius
alebant omnia, & morbus, ad mortem cer-
tissima via, succedit. Morbum expellere quis
poteest, nisi euitatis & exclusis causis ipsum
generantibus & fouentibus? hæc sane nec

cuitari possunt, nec excludi antequā cognoscantur. Potissima igitur curandorum morborum ratio in causarum cognitione consistit. Porro diligenti hārum habita animaduersione, perspicuū euadet, homine, in hoc terratum orbe, nihil miserabilius, nihil, si diuinio rem eius partem excipias, magis caducum, iniuriisque rerum omnium obnoxium esse. Quid enim est in rerū natura a quo homo non impetitur, laceratur, conuellitur? Cælum enim & sidera suis cōuersionibus & malignis aspectibus, pestes, ardores, extrema frigora, incommodaque varia hominibus inferunt. Elementa etiam multo maioribus malis noxia percipiuntur. Aer enim grādine, pluuiā, procellis, nebulis, tonitru, fulmine: Terra motu terribili, suisque ex hiatibus, voraginibus & speluncis auram pestilentem expirans: Aquarum colluies, inundationes, lacus, stagna, paludes, suis putridis euaporationibus: Ignis tandem incendiis & conflagrationibus, quam infinitis modis humano generi perniciosa fuere? Porro animalium omne genus vnanimi consensu videtur hominis internecionē machinari: imo nec herbæ, frutices, arbores, eorumque fructus, a peruerso illo nocendi genio immunes reperiuntur. Ceterum hæc omnia, tanquam non satis malorum in humanum genus conferrent: Homo ipse furta, rixas, cædes, bella, aliaque innumera committēs facino-

cinorā, homini lupus fit. Atqui omnium crudelissimum, iniquissimum & teterrimū est, quod homo in propriam naturā tā iniquus sit, tam sæuiat, vt intempestiuis libidinibus, diurnis nocturnisque comestationibus corpusculum hoc per se tam inualidum & imbecille adeo concutit, vt præceptis in omne genus morborū ruat, diuinam sui partem animam contamineat, & iram dei in se prouocet. Recte itaq; dicebat ille, Hominis vitam militiā esse super terram. Hinc est quod viri sapientes tam infinitis malis occursuri, nihil magis in votis habuere, quam artem quampiam posse inuenire, qua se suosq; muniant, ab iniuriis memoratorum vindicent; & ab hoste morbo obsessos liberent: sicque arti huic inter reliquas nobilissimæ ab Apolline deo data sunt principia auspicata, quæ deinceps ab Æsculapio celebrari cœpta, a Machaone & Podaleirio tantopere exculta sunt, vt in summo pretio ab omnib. tū potissimum ab Homero haberetur, cum diceret:

Est medicus vnus vir multis antefendus,

Tela excindendique & lenia pharmaca gnarua

Plaga inspergendi,

Asclepiadei deinde (a patre Æsculapio sic appellantur) filiis suis, iiq; nepotibus, artem suā, non scriptura, sed ordine quodā in mēte filiorum ad Hippocratis vsq; tempora traderunt. Hippocrates autē diuinus (ad Herculem enim & Æsculapium generis sui ori-

ginem referebat) tantum in arte profecit
 in medica, vt ob artis præclara opera, splen-
 didos honores apud Coos suæ patriæ ho-
 mines consequutus sit, nec minores apud
 Theſſalos & Athenienſes, qui eū Eleuſiniis
 ſacris ſecundum ab Hercule publice initia-
 runt. Hic omnium primus artem ſuam ſcri-
 ptis mandauit, monumentaq; ſua nobis re-
 liquit: quæ tanquam a ſpinis & ſentibus do-
 ctiſſimus Galenus ita repurgauit, in eumque
 digeſſit ordinem & methodum, vt artem o-
 mnibus fere numeris abſolutâ, poſteris tra-
 didiſſe merito quis affirmare poſſit. Ceterû,
 cum nihil ſit in rerum natura tam ex cultum,
 tam omnib. partibus perfectum, quod vlte-
 riorem culturam non admittat, cœpere po-
 ſteri, noſtri potiſſimum temporis excellen-
 tes viri, pro ſuo quique ingenio certatim,
 quas medicinæ partes nō ſatis pro ſua digni-
 tate habitas viderent, recudere, recoquere,
 meliori ordine digerere, quæ ſuperflua erāt
 reſcindere, deſiderata ſupplere, tantaq; in-
 duſtria & animi propenſione omnia retrac-
 tare vt vetere exuuiο reiecto, noua facies
 arti aſſumpta eſſe videatur: quippe nulla me-
 dicinæ pars quantumuis difficilis, abſtruſa,
 & recondita latere poteſt, quæ modo in lu-
 cē non prodeat. Cælū equidem mente con-
 ſcendere, ſidera, eorumq; motus obſerua-
 re, Elementorum naturas perſcrutari, Ter-
 ræ penetralia rimari, herbarum fruticum-
 que

que vires summis laborib. & vigiliis inuestigare, animalium omne genus cognoscere, imo propria viscera crudeli spectaculo dilacerare non detrectant viri præclari, quo sacra quædam Ægide aduersus tot causarum malignarum procillas tecti, ab earum se iniquitate vindicarent, & incolumes quantum fieri potest conseruarent. Hæc ea est ratio, illustrissime simul ac doctissime vir, quæ me adigit, vt operas meas, & horas bonas in communem usum collocarem: quo factum est, vt id temporis, quod ab occupationibus meis multis & variis relictum fuit liberum, authorum assiduis lectionibus impenderem, multaque utilia adnotarem: ex quibus, opusculum præfens De flatibus humanum corpus diuexantibus. excerptum, amicorum quorundam rogatu passus sum sub nominis tui auspicio in lucem prodire. Excipe igitur vir illustrissime animo benigno ingenioli mei primam sorturam: quam sartam tectam contra inuidorum calumnias tuo patrocinio defendas obsecro. Quippe eo lubentius & maiori cum fiducia hanc tuo consecraui nomini, quod animi tui erga me promptitudinem & benevolentiam multoties, cum tuas, cum familiaris infirmitates varias & graues iuarem, expertus sum: tum maxime quod multi iugam tuam eruditionem, feruentem sapientiæ amorem, prudentiam & in rebus gerendis dexteritatem tam semper admiratus fui, vt

id quod maxime: nec mihi dumtaxat, verum
 omnibus ingenuis, & cum primis principi-
 bus viris, animi tui dotes & egregia facta tan-
 tæ admirationi fuere, vt ipse Carolus v. Cæ-
 sar te in oratorem suum ad Turcarum Im-
 peratorem seligeret, & Constantinopoli
 per quinquennium integrum detineret, o-
 mniaque negotia sua & rerum molimina ita
 concrederet, vt omnia bona, fausta ac felicia
 a te expectarent omnes. Nec fefellit opinio,
 quippe tanti momenti munia tibi commis-
 sa, tam felici consilio & successu, tantaque
 sapientia, fide, & sedulitate confecta tradi-
 disti, vt illico te post reditum in patriam, cō-
 silij secretioris consiliarium conuocauerit;
 Philippus quoque filius Hispaniarum rex in
 hoc vsque tempus continuauerit. quod sane
 summam indolis tuæ innocentiam & felici-
 tatem demonstrat: argumento est, te Deo
 optimo Max. semper curæ fuisse: cui te cum
 tota familia commendo. Antuerpiæ ex ædi-
 bus nostris, Calendis Februarij, 1582.

Tuæ illust. celsitudinis cliens

Ioannes Fienus

Antuerpianus Medicus.

IOANNIS FIENI AN.
douerpiani Medici, in librum
suum de Flatib. Præfatio.

CVM tam diuersa sint mortalium inge-
nia, nec voto viuatur uno: accidit quæ-
que sua natura ductum, et quo animi feruor
trahit, lubet em subsequi. Hos quidem ad Mu-
sicam vel Mathematicam: illos vero ad hone-
statem morum, vitamq; religiosam propen-
siores esse. Atqui, quos natura & vëtris obe-
dientia finxit, præcipientes in luxuriã ferun-
tur, plusq; opera in bene curanda cute, pecu-
niisq; per fas nefasque accumulandis, quo
nihil æstuanti luxuriæ desit, quam in rebus
honeste gerundis insumunt. Hoc genus fuco-
rum, quemadmodum cum hominibus præter
corpus nihil fere quicquam commune habet:
sic cum sonitu eius transit memoria. Ceterũ
quorũ animus melius habitat, & de diuina
sui parte rite colenda pensitant, nullum tem-
pus meditationibus liberum transmittunt,
quo perspectiora quæuis & faciliora tradant
nepotib. nomeng; suum aternitati consecrēt.
Horum cum in singulis doctrinis nostro hoc
auro præclarissima extent ingenia, tum vel
maxime in arte medica, in qua a sentibus &
spinis repurganda, & omnis generis supelle-

Et illic collocupletanda tātōpere multi desuda-
 runt, ut nulla anteaēta etas, quantumuis
 industria, tātōs ei paucis annis auctus addi-
 derit. Quippe nulla vnquam scientia tam
 est omnibus numeris absoluta. quin vel noua
 quaedam a veteribus intaēta accrescant, vel
 nō satis elucubrata ad incudem reuocentur,
 perpolianturque. Humana enim industria
 meditando alitur & indefesso calescit impe-
 tu. Equidem generosus animus quid priuato
 confecerit studio censurae doctōrū subiiciēs,
 maiore in posterum sollicitudine sua disponit
 studia. Si enim quae fecit a viris apprime do-
 ctis approbentur, deus bone quam pungens
 stimulus spontē currenti additur. Sin autem
 minus feliciter nata sterilecant, vigorisque
 expertia ab iisdem coryphaeis vilipendātur:
 iam nouis calcaribus flagellisque recuperan-
 di nominis & fama impulsus, vi quadam, &
 vno (quod aiunt) spiritu indefesse ad erudi-
 tionis culmen contendet, ut quod primo ni-
 xu non attigit, secundo adimpleat. Quomo-
 docunque itaque res agitur, ingenuus gene-
 rosusque (ut dixi) animus deperdit nihil, lu-
 crum autem facit maximum. Quae causa est
 ut ego, ne silentio vitam transigerem, aut
 mihi soli natus viderer, eam medicinae par-

tem, qua de Flatibus agit, magnumque mortalibus momentum adfert, sumpserim elucidandam: eo quidem magis, quod nullus praesertim huius plagae Septemtrionalis incolis morbus aut infestior est, aut frequentior, minusque a medicis etiam mediocriter doctis cognitus, quam quae flatibus suscitatur. Quin etiam nulla medicina pars est, quae a scriptoribus minus exulta, magisque neglecta iaceat: cum neminem hactenus videre contigerit, qui de flatibus tractarit accurate, praeter unum Hippocratem. Is tamen ita scripsit ut parvam utilitatem inde haurire queant, qui cum iis misere colluctantur. Mirabile fateor ingenij acumen venerandi senis in demonstrando cuiusvis morbi causam spiritum esse: verum argumentis utitur longe quaesitis, talibusque, quae potius auctoris sui ingenium, quam morborum inde procreatorum aut cognitionem aut curationem doceant: quodque omnium maximum est, flatuum in corpore a cibo, potu aut pituitosis humoribus generationem, praecipuam partem, admodum perfunctorie percurrit: totus autem in aeris ambientis per inspirationem hausti vi & efficacia declaranda versatur. Nec mirum. Saculum enim ipsius, tempestiva parsimonia celebre, nullisq;

*luxuria fœditatibus cōspurcatum erat:
 tum etiam regio quam incolebat, & præci-
 pue patria ipsius Cōus insula temperata, du-
 ros hosce ex Flatibus cruciatus minime gi-
 gnebat. Nostra vero hac ætate obingluuiem
 & in cibo potuque intemperantiam, paucos
 inuenias, qui huius tyrannidi aliquando non
 sint subiecti. His itaq; flatulento spiritu exa-
 gitatis hominib. ut pro nostro virili succur-
 ramus, neue deinceps imprudenter ex per-
 uersa victus ratione eosdem colligant, pro-
 uideamus: operæ pretium me facturum exi-
 stimaui, si relicto Hippocrate, qui de iis docte
 magis quam utiliter scripsit, quæ ego habui
 de eorum tractatione sana & utilia præce-
 pta in communem vsum conferam.*

IOAN.

IOANNIS FIENI
DE

FLATIBVS

commentarius.

Quod Flatus Spiritus sit, & de diuisione Spirituum.

C A P. I.

NEmini dubium esse existimo, eam substantiam, siue aer, ventus, aut flatus, quæ eximiis viribus prædita cum sit, oculorum tamen effugit obtutum; Spiritus nomine insigniri. Hippocrates enim cum diuersis in locis, tum vel maxime in lib. de Flatibus, hos Spiritus nomine dignatur. Et Gal. scribit in *Epid. 1. Commat. 9* hæc verba: Quoniam & de flatibus deinceps mentionem fecit, sunt quoque & hi in spirituum genere. Dictum est autem in Prognost. comment. & in lib. de Spirandi difficultate, de spirituum in respiratione differentiis, veluti & de flatibus in Prognostico. Ructus quoque in spirituum genere existunt: atque ob id quodammodo communicant cum spiritibus respirationis: quatenus autem in Flatuosorum spirituum genere sunt, eatenus cum flatibus communi-

cant: quare & ipsi flatuosum ventre procreari spiritum ostendunt. Cum itaq; ex his Galeni verbis satis constet flatum esse spiritum: spirituum autem multam esse differentiam: non alienum ab instituto fore arbitratus sum, eorum naturam paulo altius perscrutari, & a summis generibus paulatim ad eam speciem quam declarandam proposui, diuidendo descēdere. Spiritus vel in corpore nostro, vel extra corpus consistunt. Qui extra sunt positi, in triplici habentur differentia. Vt enim viuētis Dei, & vniuersæ naturæ, sic & animæ suus est Spiritus. Dei Spiritus occultā dei maiestatem potestatemq; præferēs, per omnia sparsus permeat, vbiq; præsens omnia complectitur. Hic animos habet in potestate, & eos quocunque vult, adducere potest. Spiritus naturæ is est, quem omnes Philosophi iuxta ac poetæ celebrant, quem Plato animum mundi: Galenus mentem huc ex superioribus deductam appellauit. Hunc Aristoteles hac definitione planius expressit: Spiritus est substantia animata & genitalis in stirpibus ac in animantibus existens, perque

*Lib. de mū-
do ad Alex.*

que omnia pertinens. Hic longe lateque diffusus omnia continet, omnia lætificat, vitalem mundi animam ipsamque naturam secum afferens, & quæcunque subierit vitalia faciens. Terrio vero peculiaris rei cuiusque mortalis & concretæ spiritus, illius formæ subternitur, eamque denso concretoque corpori necit, mediam inter vtrunque conditionem sortitus, iungitque disparia res vtriq; affinis ac familiaris: atq; hic profecto ab altero, qui vniuersitatis atq; totius naturæ est, regitur & cōseruatur. His trib. spirituum differentiis iūgit Arist. quartā. A sicca (inquit) exhalatione ventus oriri solet, cum a frigore ita vt fluat, illa truditur. vt nihil aliud ventus sit nisi aer multus fluctuans & coactus; qui etiā Spiritus appellatur. Aer enim (vt ante diximus) eximiis viribus præditus, cum oculis non sit conspicuus solaq; consideratione cognoscatur, & effectu fiat manifestus, nemini dubium esse debet, quin & Spiritus nomine insigniri debeat, præsertim dicente Hippocrate

Omne quod inter cælum & terram est, Spiritu repletum esse. Porro qui in cor-

lib. de mūdo.

lib. de

Flatib.

pore sunt spiritus, totidem membris cō-
plectuntur. Aut enim naturalis est, aut
vitalis, aut animalis: qui tres vno com-
prehensi nomine, infiri spiritus dicun-
tur. His aptissime (vt microcosmi cum
vniuersi machina sit perpetuus consensus
& similitudo) flatus seu spiritus flatio-
sus iungitur. Naturalis spiritus fit, cum
alimenti purior magisque aerea pars
concoctione in eam transit sanguinis
tenuiorem substantiam, quæ vaporis
speciem quandam exhibet. Hic tum a
spiritu iecori ingenito vim accipiens,
per venam cauam vna cum reliquo san-
guine in cordis ventriculos transfundi-
tur. illic denuo caloris vi accuratius
elaboratus, in aeris prope speciem mu-
tatur, fitque spiritus vitalis, qui in to-
tum corpus per arterias diffusus vitam
elargitur. huius portio per ceruicis ar-
terias in plexum retiformem, indeque
in cerebri ventriculos delata, hausto
per nares & elaborato aere incremen-
tum recipit, & vi spiritus qui cerebro in-
genitus est, conuersione quadam fit spiri-
tus animalis. hic vniuerso corpori par-
tibusque singulis impertitus, sensum
& mo-

& motum confert. ab his modo dictis
 spirituū speciebus multum distat ille de
 quo nobis sermo futurus est, eorumque
 qui in corporibus nostris versantur, quar-
 tum locum obrinet, eiusdem plane ge-
 neris & naturæ cum vento, vocaturque
 nō solum Spiritus flatulentus, sed & Fla-
 tus. eiusmodi spiritus crassus ac vapore-
 sus est, neque æthereus substantia, neque
 tenuis ut illi. Naturam vero eius intel-
 liges, si, qualis in austrina, qualisque in
 aquilonia constitutione sit ambiens aer,
 in memoriam reuocaris. Siquidem au-
 strino flatulentus; aquilonio vero natu-
 ralis in nobis spiritus est similis. Atqui
 insitis spiritibus, utpote qui ab aliis
 tractantur sat commode, relictis ad
 flatuosum ordine & methodo explican-
 dum nos accingamus.

*De Analogia seu proportionē Flatus
 cum Vento. Cap. 2.*

CUM primis considerandum est duo
 potissimum esse, quæ corpora
 nostra præ ceteris ad inflationes, ut
 ad reliquas omnes morbosas affectio-
 nes, præparant, nimirum victus ratio,

& regio. Alimentum initio dissimile, tãdem nobis simile redditur, & in substantiam corporis nostri mutatur. Cuius itaque naturæ id fuerit, eiusdem etiã longa cõsuetudine corpus euadet. Omni namq; alimento, quantumuis feliciter in ventriculo concocto, genuina perpetuo insitaque natura mordicus retinetur. quare lactuca aliaq; huiusmodi frigida, tametsi coctione vincantur superenturq;, vētriculū tamen & corpus reliquū refrigerāt, ex iisq; sanguis profertur frigidior. Sic vinum aut alliū, calidum: pisces, caseus, & carnes salitæ, crassum efficiūt sāguinem. Ex quib. perspicuū est non spiritus duntaxat & humores quibus conseruamur, sed totius corporis constitutionem mutari. Victus itaq; ratio refrigerās, quia natiuū calorem opprimit, ad flatuū generationē corpus præparat. Exuperantia insuper & copia etiam optimi cibi & potus, quæ naturæ grauis sit, neque perfecte coqui, neq; in bonū sanguinem verti potest, sed multas cruditates accumulatur. hinc obstructions & putredines generantur: a quibus natiuus calor, perinde atq; a multo oleo lucernæ flamma, strangulatur. Hæc sane cruditas & humorum copia, cum apud

quosuis, tum vel maxime apud septētrionalis plagæ incolas, colligi assolet. hi enim, tāquam nimis vulgare sit ferro hostem cædere, laqueo suffocare, aut aperto Marte alterū in alterius necem ruere, fucata quadam simulatione necessitudinis, mutuo sese conficiunt: poculis quippe certant, ingētia vasa exiccāt, dies noctesque comissando transigunt, & hesternæ crapulæ nouas adiungunt ebrietates, nec prius ingurgitādi finem faciūt, quam tan to pere insatiabile abdomē explerunt, vt absorpta reddant vomitu, aut in crepandi periculū veniāt: huius dicti immemores, plures gula quam gladio periisse. *Hippocrates.* Vbi cib. præter naturam plus ingestus est, hic morbum facit. Non itaq; mirū, si hoc genus helluonum excremētorū flatuūq;, quæ præ copia non facile excludantur, magnum faciat prouentum. Regiones etiam magnū, vt diximus, momentū adferūt. Calida enim & æstuosa, velut æstas, spiritus inflammat, humores extorret, & bilem auget: ex quib. calidissimi & acutissimi morbi suscitātur. Frigida autē & humida, qualis est quæ ad Septētrionem vergit, vt hyēs e gelida, spiritus consopit, po-

ros occludit, corpus multo humore superuacaneo onerat; & natium calorem opprimit. Inde debilitata coctione cruditates, ciborum in ventriculo potumque fluctuationes, destillationes, morbi chronici, calculi, lumbrici, flatus, aliaque eius generis innumera sunt. Quæ quidem omnia haud dissimilem generationis originem (vt obiter hoc ingeramus) sortiuntur, ab iis quæ in magno mundo nascuntur. vnde non minus eleganter quam sapienter Aristoteles hominem τὸν μικρόκοσμον appellauit, quod nimirum similitudinem & analogiam cum magno mundo habeat. Quemadmodum enim in magno mundo quatuor sunt elementa, Ignis, Aer, Aqua, Terra; sic eiusdem generis & naturæ sunt in paruo. vt in quolibet denique illorum variæ gignuntur substantiæ, in terra lapides & frutices, in aqua varij generis animantia, in aere tonitrua, fulgura & pluuiæ: sic in homine ossa & calculi pro saxis & lapidibus; lumbrici, ascarides pediculiq; pro animantibus: destillationes pro pluuiâ: ac flatus in corpore nostro genitus, ventum

tum exprimit. Vtque paucis dicam, vera totius vniuersi imago in homine re-
lucet: nec mirum. Deus enim opt. ma-
ximus cum in prima rerum creatione
sex dierum spatio totum vniuersum ad-
mirabili artificio fabricasset, cuncta-
que suo collocasset ordine, nec quic-
quam præterea ad decorem tanti ope-
ris desiderari posset: deerat solus homo
tam excellentis fabricæ absolutissima
quædam tanquam ἀνακεφαλαίωσις, quæ
diuinam illam sapientiam & potenti-
am dignis encomiis extolleret, & ma-
gnificum opus miraretur. Porro in
cælo nihil tam sublime est, neq; in ter-
ra tam abditum quicquam, cuius vi-
ua imago & exemplar diligenter riman-
ti, in homine non cognoscatur. Nam &
paruo mundo suus Deus est animus. Sūt
& spiritus angelici, intellectus & volun-
tas, ipsiq; sua habitacula. sunt etiam ca-
lidum, frigidum, humidum, siccum, ex-
terioribus correspondentia elementa.
In calido apparent coruscationes, &
variæ ignitæ imagines, phrenitis, in-
flammatiō, erysipelas, causus. In humi-
do destillationes, & ex iis indurati to-

phi pluuiam & grandinem repræsentantes: fluxus deniq; & refluxus humorum in suis alueis, venis & arteriis conspiciuntur. Ceterum in terreo elemento huius parui mundi omnium planissime apparet cum magno mundo similitudo. Quod enim in terra sunt lapides & saxa, hoc in corpore nostro sunt ossa: quinimo & ipsa saxa Ouidio magnæ parentis ossa dicuntur:

*Metamor-
phos. 1.*

Ossaque post tergum magnæ iactate parentis.

Magna parens terra est, lapides in corpore terra

Ossa reor dici.

Quod in terra plantæ, frutices, & arbores, hoc in homine pili sunt. Porro (inquit Gal.) generatio pilorum eadem est quæ plantarum. Nam quemadmodum ex istis quædam arte & arbitrio agrorum, quædam iuxta naturales causas proueniunt: eodem modo & in animalium corporibus aruo quidem alicui triticum aut hordeum, aut aliquod cereale seminum in se insita habenti, caput assimilatur. aliis vero herbis, quæ in aridioribus crescunt regionibus, reliqui totius corporis pili similem generationem sortiuntur. Quid quæso de terræ motu dicam? quando contingit
intra

intra terræ viscera plurimas generari
 exhalationes per virtutem Solis & a-
 strorum, ex materia ipsius terræ, &
 humiditate terræ immersa; si egredi
 nequeant ob eam nimis compactam,
 aut ventorum grossitiem, necesse est
 terræ motum quadam in parte fieri. Sic
 videmus ex spiritibus flatuosis corporis
 nostri cavitatibus inclusis, exitumq; quæ-
 rentibus, magnos subinde tremores fie-
 ri; quam rem pulchre Ioannes Langius
 depingit. Certe ait, si magna paruis con-
 ferre fas est, quemadmodum vêtus visce-
 rib. terræ inclusus, terram erupturus tre-
 mulo conquassat motu: sic aer flatulen-
 tus musculorum aliarumq; corporis par-
 tium quæ distendi possunt velamine cir-
 cumseptus, eas palmo concutit, donec
 per distentum velamen erupit. huius cau-
 sam cum plebs ignoret, illic subesse ani-
 mam arbitratur. Quippe quamdiu sine
 iniuria effluit, & patentib. viis innoxius
 discedit: nullus est tremor corpori; sin au-
 tem discedendi facultas obturatis mea-
 rib. crepta est, nec fugæ locum inuenit:
 perlustrando omnia, angustias locorum
 dimouet & claustra sua conatur effringe-

re. sic euenit vt spiritu luctante & egres-
sum quærente corpus concutiat.

Datur & alia huius tremoris ratio. Cor-
poris namque cavitatibus inclusus fla-
tulentus spiritus, viscerum calore & in-
sisto motu euerberatus, cursu parum li-
bero incalescit tenuiorque redditur. Hic
qua data porta, in vniuersum corpus,
partesque principes, sese insinuat, & ce-
leri motu in loca sensibilia irruens, non
modo sua qualitate ea afficit, sed &
substantia tenui stimulat, distendit, di-
uellit, vulneratque eas partes omnes
quibus obuius fuerit. omnis enim causa
mordax motaque, siue frigida siue cali-
da, animanti horrorem & rigorem in-
ducit. Tertio vero, hic spiritus cum vl-
tro citroque permeans, facultati expul-
trici molestus fit, tum ipsas partes con-
tristat; quæ ita exagitatae, festinantes ad
expellendum noxium, contrahunt ac cō-
stringunt sese, & concussione quassatio-
neque vexantur. Quare Flatus, qui simi-
lem cum vento conditionem sortitus
est, similes etiam producit effectus. Ve-
rum nunc tempestiuum est quid flatus
sit explicare.

Quid

Quid Flatus sit. (ap. 3.

NVllos hactenus videre contigit
 qui Flatus descriptionem tradant,
 aut ex quorum monumentis rectius
 ea colligi poterat quam ex Galeno. Fla.
 tus (inquit) est vapor ab humore; pi-
 tuitoso cibo aut potu, ab imbecillo ca-
 lore excitatus. Verum hæc definitio
 cum conuertibilis (vt Dialectice lo-
 quar) non sit; perfecta minime esse po-
 test. Varij namque vapores ex cibo &
 potu in ventriculo contentis ad cere-
 brum exhalant, vt in ebriis accidit. ad
 oculos etiam, vt in suffusione per con-
 sensum ventriculi, qui flatus nec sunt
 nec dicuntur. E contrario autem flatuo-
 sus ille spiritus ex humore melancholi-
 co in hypochondriis enatus, vere
 flatus est, nulla tamen definitionis par-
 te comprehensus. Limatius itaque ve-
 lim Flatum hoc modo describi: Flatus
 est multitudo quædam halituosi spiri-
 tus ex cibo & potu, humore pituitoso
 aut melancholico ab imbecillo calore
 in animalis corpore excitus. Dico, mul-
 titudo, quod levis halitus aut vapor,
 a quibus nunquam corpus etiam opti-
 me

*lib. 5. in
Aph. 72.*

me constitutum immune est, nullo modo flatus dicatur, aut vllum inflationis sensum præbeat. Cui sententiæ Gal. subscribit dicens: Ventosos ab Hippocrate dici putandum est, qui in ventre colligunt copiam flatuosi spiritus, qui vel per ructus vel bombos seu crepitus, inferne erumpens excernitur, vel remanet, & continentes partes distendit. Ventus quinetiam teste Arist. nihil aliud est, nisi aer multus fluctuans & coactus. Quare autem hic vaporis loco halituosum spiritum substituam, ex eodem Arist. iisque quæ deinceps dicentur, discendum arbitror, cum nihil certi hac de re ex Galeni scriptis haurire quis valeat; utpote qui hæc, halitum, spiritum halituosum & vaporem per omnia sua opera indistincte confundat. Halituosum enim Spiritum ex succis sensim excoactis gigni docet Therapeut. 14. Vaporem esse humorem extenuatum, de Sympt. caus. lib. 1. & de Simpl. med. facult. lib. 1. Halitum demum medium quid esse inter leuissimum tenuissimumque spiritum & sanguinem, qui plane absolutus attenuatusque est, de Naturalibus

bus facult. lib 3. Quæ quidem omnia coincidunt confundunturque, & veluti Synonyma, vnam eandemq; rem significant. quare Physicis qui accuratius & subtiliustalia perscrutantur, differenda relinquo. Porro nec definitioni obest quod Gal. dicit, Auctiorem calorem, si incidat in crassam & glutinosam pituitam, in crassum flatum eam resolvere. Quandoquidem calor, tametsi in se validus sit, comparatione tamen facta ad humoris quantitatem & æqualitatem, merito imbecillis existimabitur; utpote qui eleuare spiritum, minime tamen resolvere possit. Eadem habenda ratio in iis est, qui immoderato potu vel robustissimum calorem opprimunt. Atqui quo in loco flatus generetur, deinceps dicendum erit.

De loco generationis Flatuum. Cap. 4.

PRæcedente cap. diximus ex Hipp. & Gal. sententia, Ventosos appellari eos, qui in ventre colligunt copiam flatuosi spiritus, qui vel per ructus, vel per efflatus inferne erumpens excernitur, vel remanet & continentes partes

distendit. Ex quibus verbis facile colligere est, ventriculum & ei annexa intestina locum & quasi mineram generationis eorum esse: nam per ructum non poterant, nec inferne erumpere, nisi in ventriculo aut intestinis ortum sumpsis-
sent. Ventus quoque in magna hac mundi machina non aliunde quam a terra nascitur: Cum enim imbre terra perfusa est, inquit Arist. tum ea & ab eo calore qui in illa est, & a superiore con-
calefacta, respirationes reddit, in quo ventorum vim diximus consistere. Vbi autem maximam vim aquæ terra excipit; ibi magna vis halituum oriatur
necesse est, non secus atque ex viridi-
bus lignis largior fumus. In homine profecto quod terræ maxime respon-
det, ventriculus est. Galenus enim con-
ferens ventriculum hominis cum ter-
ra, inquit: Idcirco animalibus vice terræ
fabrefecit natura ventriculum, veluti
promptuarium quoddam cibi, quem-
admodum stirpibus terram. Quippe
venæ ad ventriculum productæ, chylum
ex eo in nutritionem totius corporis
exugunt, non aliter quam radices stir-
pium

pium in terram demissæ, toti plantæ ex ea assumunt nutrimentum: tota namq; hæc actio naturalis cum sit, haud secus in animalibus quam in plantis perficitur. Ventriculo itaque cum terra maxima proportio est. sed terra ex se arida & exsucca, nisi largo humore imbuatur, fructus non fert, vt Virgilius ait:

Georg.
lib.2.

*Tum pater omnipotens fecundis in aëribus æther
Coniugis in gremium lætæ descendit, & omnes
Magnus alit, magno commistus corpore, foetus:*

Humectata autem ventos, vt supra demonstrauimus, efficit. Sic ventriculus noster, cum sit membranofus & aridus, nisi mediocri cibo & potu irrigetur reficiaturque, reliquum corpus suo alimento defraudabit, & in marcorem atrophiamque deiiciet. Atqui liberalior potus si ingeratur, fluctuationes & flatus excitantur. Superfluum enim nutrimentum & copiosius quam ventriculus subigere potest, insitum eius opprimit calorem redditque languidiusculum: nihilominus tamen is, sui muneris haud immemor, coquendum cibum aggreditur. Verum cum exacte conficere haud possit vapores, excitat quos minime dis-

cutit, efficitque flatum. Sensim deinde prima coctione impedita, pituitosi, crassissimi, glutinosique humores generantur, non in ventriculo dumtaxat, sed & intestinis maximeque colo. Ex his simili quadam ratione atque ex cibo a languidiore calore eleuati spiritus, si quidem nebulosi sunt, sine vehementi dolore ventriculorum & abdomen, nihil grauius machinati, distendunt: paulatim vero circumiacentium viscerum calore extenuati, qui in angusto prius stringebantur, dilatari nunc mouerique incipiunt, & ampliorem locum capeffere: modo sursum, modo deorsum, horsum prorsumque fluctuantes, quærunt exitum: quem si nanciscantur, ilico euanescent, & omnis cessat dolor. Sin autem durioris stercore, aut crasso phlegmate obturatis intestinis, transitus impediatur: detenti recurrunt, magnoque cum murmure fremunt, intestina conuellunt, & maximo impetu confertimque regurgitantes laborant, & iter sibi vi ac pugna parant. Cum enim calor vicinorum viscerum eos extenuet, extenuati promptius imo propria sponte moueantur, motique
multo

multo tenuiores & apti, quo longissime penetrare possint, reddantur: per omnia irrumpunt, & fulminis instar quouis celerissime feruntur, exiguos meatus diducunt, unitatem solvunt, nec quicquam tam solidum, quod sua tenuitate cum intolerabili dolore nō permeent. Pulchre huic flatui conveniunt, quæ Seneca vē-
 to tribuit: nempe quod eius vis non potest cohiberi, nulla eum teneat compages, soluatque indomita naturæ potentia quodcunque vinculum. Spiritus namque inuisita res est. Optimum (ni fallor) de eo iudicium ferent illi soli, qui eius ferociæ periculum aliquando fecerunt, & cum eo colluctati sunt: ilico enim furibundus hostem deiicit. Quemadmodum itaque alium suæ generationis locum ventus non agnoscit quam terram: sic etiam Flatus aliis in locis raro quam in ventriculo, & subditis intestinis veluti terræ cauernis, gignitur. Inde dilapsus in viscera quæcumque & in reliquum corpus permeat. Rarum enim & peruium humanum corpus est multosque habēs meatus, per quos spiritus fertur: qui ubi maior influxerit, nec emittitur, corpus

*lib. 6. Natur.
quæst. ca. 18.*

(vt diximus) concutit, rigorem inducit,
& grauiſſima, quæ poſtea recenſebimus,
Symptomata infert.

De ratione generationis Flatuum. Cap. 5.

Generatio Flatuum a calore eſt. calor modo intenſus, modo remiſſus & languidus; cuius quidem ratione vt a materia illi excitantur, ſic & diſcutiuntur. Viſcerum enim calor validus, prius illos diſſipat quam vim accipiant, imo & ab initio ne exoriantur impedit. Abſolutum frigus nullos ſpiritus excitat, vt in extremis cruditatibus apparet. Ob id Hippocrates docet, in diuturna læuitate inteſtinorum ſi ructus acidus ſuperueniat, bonum eſſe ſignum; quod nimirum prius quam ructus ederetur, nullum eſſet coctionis ciborum veſtigium, propter caloris natui quendam interitum; qui poſtquam coepit quaſi repullulaſcere & reuiuifcere, adhuc languidior, ob paruam quam fecit in ſumptum cibum operationem, ſpiritus excitat, & per ructum reſoluit. Non itaque magnus calor, nec extrema frigiditas, ſed media conſtitutio flatum teſte Galeno efficit. Flatus ait in ventriculi

lib. 6.

Aph. 1.

culi spatiis oriri solet, cum vel humores
pituitosi ibi contenti, vel cibi ab imbecillo calore in vapores resoluuntur. Etenim ut absolutum frigus vaporem haudquaquam excitat, (neque enim extenuare, neque conficere, neque dissolvere cibum potest) ita vehemens calor magna ex parte vincens ea quæ comprehendit; plusquam pro vaporis generatione cibum extenuat, nisi is suapte natura facile in flatum transeat. Calor autem in cibos agens si parum validus fuerit, ut eos quodammodo dissolvit, ita non omnino conficit: atque hinc flatus exoritur. Atque ut vno verbo absoluam: quemadmodum in externis rebus videmus, ut frigidissima constitutio, maxime spirante borea, aerem sereniorē reddit, accalidissima per æstatē constitutio ambientem nos aerem purum efficit, mediæ vero constitutiones nebulas pariunt: ita in animantibus accidit. neque enim calor per extremam imbecillitatem, neque cum vehementes sunt ei vires: sed quum medium inter has affectiones obtinet, flatum gignere potest. Porro non absolute vera hæc oratio esse vide-

*de Sympt.
caus. lib. 6.
cap. 2.*

tur, cum non a mediocri dumtaxat, sed vehementi etiam calore ipsemet Gal. 12. Methodi med. flatus fieri docet. quod quidem manifestum est, partim ex eorum generatione ibidem tradita, partim ex curandi ratione. Ait enim: Si ex accidenti aliquo coniunctus his humoribus crassis & glutinosis halituosus spiritus est, qui ex iis quibus continetur corporibus erumpere prorsus non potest, gravissimis omnino doloribus, qui ita se habent, cruciantur: quippe id accidit illis duplici ex causa: vel obstructione vel calore. Nam & obstructio spiritum cohibet, nec exire permittit; & crassa glutinosaque cum calefiunt, flatuosum spiritum gignere solent. Et paulo post: Quo pacto igitur dolores eos, quos frigidus humor in medio intestinorum interclusus excitavit, sanare conveniet? Sane non perfusionibus & cataplasmatibus, quæ valenter excalefaciant: lenti enim omnes, crassique, & frigidi humores, ab iis quæ calefaciunt, nisi etiam valenter digerant, liquantur, & in flatum mutantur. Oportet igitur eos

eos incidere simul & concoquere : quas res tenuantia medicamenta præstabant , potissimum tamen si calida vehementer non sint. Ex his Galeni verbis facile videre est , vehementem calorem non impedire quo minus flatus fiant , aut si quidem facti sint , non eos discutere , verum cum nulli sint , ex materia de integro excitare : adeo vt idem Galenus crebro admoneat , a nullo *Lib. 3. cap. 43. ibid.* tantopere in eiusmodi humorum abundantia metuendum esse , quam ab immoderato calore , qui eos liquet , atque in flatum vertat , digerere autem non valeat. Optime id animaduertit medicus ille Italus (vt est apud Paulum Aeginetam) qui omnes fere cholicas affectiones frigidis remediis , præter omnium opinionem persanauit : nec ipsūmet Paulum hæc res latuit : Medendum (inquiens) doloribus , qui ad gelidos , tenaces , & spissos humores referuntur ; prouidendo , ne vehementer calida adhibeantur remedia : Nam ab admodum caloricis præsidiorum materiis liquefacti funduntur , magisque in flatu-

lentum spiritum rediguntur humores
eiuscemodi. Ceterum non ex pituitosis
duntaxat humoribus validus calor flatus
efficit, quos absumere non potest, sed ex
quavis assumptorum nimia prorsus hu-
miditate, vt in iis qui largiore potu vini
vel cereuisiæ se impleuerint, vel iurulen-
tis distenderint, vel vllius rei lentore ac
crassitie maiore sese inferserint, quam ca-
lor pervincere queat. Calor itaque vehe-
mentissimus, flatus etiam excitat. Hoc in
febrib. quoq; perspicuū euadit, in quibus
quidem licet calor præter naturam ve-
hemens exuperet, multa tamen potio
ventrem inflat, haud aliam ob causam,
quam quod copia naturam obtundat.
vnde tria in flatibus tam generandis, quā
iisdem perspiciendis requiruntur: calor
debito infirmior suapte natura, aut ab
oppressione: locus idoneus sensuq; præ-
ditus, & materia flatibus efficiendis
commoda.

De Flatuum differentiis. Cap. 6.

Flatuum non vna eademque, sed di-
uersa natura est: alius enim quie-
scens est, alius motus. Quiescens flatus
crassus est, tardi motus, nebulosus & fri-
gidus,

gidus, alia raro symptomata, præterquam quod hypochondria, ventremque tumidum, & sine multo dolore turgidum reddat, inducens. Hic frequenter diuexat eos qui crassam, recentem, pauloq; dulciore cereuisiã, lac aut aquã, potissimũ inter prædium & coenã, biberunt: tunc enim per intēpestiuam potus assumptionem interrupta ventriculi concoctione, non aliter enervatur eius actio, quam si in feruentem lebetem frigidissimam infundas aquam, vnde fluctuationes & nebulosi spiritus exoriuntur, qui abdomen totum instar tympani inflant distenduntque: quæ distensio moderata sobrietate, efflatibus, vnoque aut altero secessu subsidet. Sin autem longa mora inter intestinorum tunicas se insinuat, periculosam cholicam affectionem minatur. Flatus motus, quia subtilis est & tenuis, cum intolerabili dolore vagabundus discurrens, tanquam Proteus quispiam varius efficitur. Excutitur enim aut retinetur: exit cum sono, aut sine sonitu: & per os, aut per anum. Per os ructum facit acidum, fumosum aut inspidum. per inferiorem partem de-

*Lib. 9. Epist.
Epist. 22.*

*Suet. in vi-
ta Claudii.
cap. 23.*

*Gal. de
Sympt. caus.
lib. 6. cap. 6.*

mittitur sine strepitu, & Peditus dicitur:
aut cum strepitu, vocaturque Ventr-
is crepitus. Porro hi tanti momenti sunt
in humano corpore, vt Stoici, teste Ci-
cerone, dixerint, crepitus æque ac ructus
liberos esse oportere. Claudius etiam Cæ-
sar dicitur edictum meditatus, quo veni-
am daret, efflatum crepitumque ventris
in conuiuio emittendi, quod periclita-
tum quendam ex pudibunda coertione
comperisset. Cum autem per neutram
partium flatus defertur, sed in corpo-
re retinetur, inflationem efficit: sym-
ptoma nimirum ventriculi ob imbe-
cillitatem non potentis tum redundan-
tem, tum nebulosum spiritum expel-
lere. Porro intestinorum alias aliæ
partes, cum huiusmodi spiritus in ipsis
& continetur, & mouetur, varios exci-
tant strepitus: qui licet non omnes for-
titi sint nomina, possunt tamen sic de-
clarari, vt nemo, vel mediocris ingenij,
non intelligat, & quale, & quantum sit
excrementum, & in qua potissimū par-
te circūuoluatur. Quippe si acutum te-
nuemq; sonum reddiderit spiritus, per
tenue & omnino angustum defertur in-

testinum, ipseq; & purior, & magis aereus esse deprehenditur. Quod si spiritus inflandi vim habeat, exiguum similiter strepitū excitabit, dum per tenuia intestina reuoluitur, sed non adeo exacte acutum & tenuem. Atq; omnes huiusmodi strepitus in ieiuni intestini spatiis consistere solent, eoq; minus resonāt, quo magis ad reliqua inferioraque intestina descenderint. Porro sunt alij bombosi, (vt ita dicam) bombis latissimarum tibiarum non absimiles, quales habere solent ij, qui Tymbaulæ (id est Siticines) nominantur; quæ ob materiam, ex qua constant, purum sonum reddere non possunt, & viæ, qua spiritus transit, latitudo sonum efficit grauiorem. Atqui huiusmodi flatus in crassis consistunt intestinis, vbi fuerint excrementis vacua. Quod si humiditas aliqua in ipsis contineatur, ab hac quoque prodibit quædam bombi species, quam *Βορβορυμὸν*, id est murmurillum, vocant, futuram nuntians humidi excrementi deiectionem. Etenim eiusmodi strepitus species, vtrumque significat: deiectionem quidem, quia

a mouente natura fit ; humidum vero excrementum , quia murmurationem habuit comitem. Porro strepitus flatum foras missum sequens , si murmurilli speciem refert ; deiectiones ab ipso fore pronuntiat: Si vero purus, resonans clarusq; fuerit, alterum duorum, aut intestinum esse inane, aut in superiore eius parte excrementa admodum dura contineri, significat. Qui vero veluti stridorem refert, is ab instrumentorum angustia & inflante spiritu, atq; pauca humiditate procedit. Huic loco par erat adiungere differentias sonorum ex flatibus in sensu auditus euenientium: differentiis enim flatuum explicandis hoc caput dicatum fuerat: ceterum multo commodius & maiore legentium vtilitate eas reseruauimus in caput vndecimum, vbi ex professo de aurium dolore tractatur.

Quot morbi genera Flatus producant. Cap. 7.

TRia statuit Galenus summa morborum genera, Similarem, Organicum, & communem, qui Vnitatis solutio dicitur. Similaris est, qui eucrasiam naturalemque constitutionem peruertit.

tit. Organicus, qui vel conformatione, numero, magnitudine, seu compositione instrumenti symmetriam infringit. Porro communis fit, quando partium vnitas dissoluitur. Horum trium generum flatus vnumne, duo, an vero omnia inferre queat, perscrutemur. Quando, inquit Hipp. corpus cibis expletum est, ac spiritus quoque multitudo vehementer excellit, cibique diu ventri immorantur, quum præ multitudine exire nequeant, & inferior venter, & alius sit obturata, per vniuersum corpus flatus permeant, sanguineque plenas corporis partes, maxime petentes, eas infrigidant. Infrigidatis autem locis unde radices sanguinis prodeunt, per vniuersum corpus horror consequitur. Vniuerso namque sanguine frigefacto, totum corpus horret. Hanc sententiam Galenus confirmat, inquit, Eiusmodi sane affectus iis qui se cibis natura frigidis & consistentia crassis ac glutinosis referferunt, quando in ipsis intestinorum tunicis flatuosus spiritus continetur, potissimum incidit. Nam cum hæ duplices sint, vbi me-

lib. de flatibus.

*Meth.
med. 12.*

dio earum spatio eiusmodi collectus humor est, in flatulentum mutatur spiritum. Sane is & crassus, & tardi motus & frigidus est. Vbi igitur retinetur, tum tunicas distendit, tum succus vnde oritur, intestini partes quas contingit, vehementer refrigerat, duplicique occasione affliguntur qui sic laborant. Horum virorum instar omnium auctoritate & testimonio manifestum est, flatum sua frigiditate morbum quem similem vocant, quique in intemperie consistit, proferre posse. Atqui non modo hunc, sed & vnitatis solutionem. Cum enim duplici occasione dolere eos qui sic laborant, tunicaeque cum retinetur distendi asserat, nec distensionem sine dilaceratione fieri posse certum sit, sequitur ne intelligi quidem posse vnitatis abesse solutionem, quum flatuosus spiritus cum dolore ingruit. Duæ namque in vniuersum doloris causæ sunt; vna, inæqualis intemperies, quæ subito & confertim inuadit: altera, dum continuitas soluitur. Siquidem partes a se inuicem diuulsæ, siue ab humore, siue a spiritu flatulento id fiat, dolent

lent ob continui diuortium. Quippe si frigidum Hippocrates non alia de causa vlceribus mordax esse dicat, quam quascunque contingit partes, earum contrahat, condenset, constringatque substantiam, constringendo vero molles continui partes diuellat, earumque continuitatem soluat: si præterea in acutissimis febribus violentius exiccata nervosa corpora, ac ob id in se coacta conuellantur: nimia deinde repletio in latum ea & profundum extendens, sed longitudine abbrevians, ob id continui diuortium faciat, quanto difficiliorem continui solutionem flatuosi illi spiritus suscitabunt, qui eius solius ratione tot tamque grauia & enormia procreant symptomata, quæ medici totam curam ad se trahunt. Tertio, ex sequentibus patebit, totum interdum abdomen a flatu præter naturam intumescere, vt in Tympanite solet: iecur deinde, & lienem mirifice obstrui, instar scirrhi indurescere, & in maiorem molem, quemadmodum & ventriculus, efferri: quæ sane omnia morbi instrumentales

*Gal de
diff. morb.*

veniunt appellandi. Quocirca & tertium morbi genus quod organicū appellant, a flatibus excitatur. Porro vbi pars aliqua in tumorem attollitur, atque iccirco meatus illius occluduntur, siquidem talis particula nullam habeat propriam operationem, obstructio ipsa meatuum dicetur morbus dumtaxat: tumor vero nequaquam, sed obstructionis causa. Ceterum si affecta pars aliquod munus proprium obtineat, hac ratione tum obstructio ipsa, tum particulæ tumor, morbus est appellandus. Triplex itaq; morbi genus, simplicium intemperiem, instrumentalium immoderationem, & vnitarum partium solutionem flatuosi spiritus producant.

De causis flatuum. Cap. 8.

PAUCI admodum sunt, vel potius nulli, cuiusvis sortis & conditionis homines, qui non aliquando flatuum iniuriis subiiciantur: ventriculus enim, prima coctionis officina, cibos per gulam tanquā per longas quasdam manus attrahit, attractos complectitur ac retinet, retentos comminuit, conterit & immutat, purumque ab impuro secernit: hoc per
in

intestina deiicit, illud vero exugūt mescraicæ venæ, & in iecur transferunt. Cum igitur ventriculus ob imbecillitatem attractum cibum non amplexatur nec continet, fluctuat: fluctuantem rite cōficere non potest: quod cum non facit, recte suo munere non fungitur. validus enim sit oportet & robustus. Robur, teste Galeno, in quatuor qualitatum optima temperie, quæ eius est substantia, consistit. Huius itaque substantiæ ratione nutrimentum in propriam eius quod nutritur qualitatem mutat: auxilio est circumiacentium viscerum, cordis nimirum, iecoris & lienis, renum & septi transuersi calor, qui ventriculo veluti magnus ignis lebeti subditur. Quando itaque perperam instituta victus ratio (nullus enim est, quantumuis diligēs valetudinis conseruator,) qui non subinde eius limites transiliat) aut vis extrinseca eius robor dissoluat, aut subditum ignem eneruet: sequitur necessario ventriculi virtus etiam labascet, & secūdam causæ exilitatem aut vehemētiam, ipsa variet. Porro frigiditas externa vt in regionib. frigidis, & statu aquilonio penetrans vsq;

ad interiora, in corporibus debilibus & raris natium calorem offendit. Ambientis etiam nos aeris nimius ardor, naturalem calorem euocās dissipansq; viscera sua caliditate destituit: diminuto calore, concoctio non perficitur, & flatus generantur. Atqui naturalis calor robustior, magna ex parte vincens ea quæ comprehendit, plusquam pro vaporis generatione cibum extenuat, nisi is sua pte natura facile in flatum trāseat. Porro vētricus, tametsi validus sit, natia vis vigeat, nullaq; adsit caloris imbecillitas; ab alimentis tamen flatum gignere idoneis frēquenter offenditur. Quæcumque itaque seu alimenta seu medicamenta ex propria natura flatulenta sunt, aut sua frigidityte & multitudine ventriculi robur dissoluunt, & natium eius calorem opprimunt, flatuum causæ esse merito iudicantur. Eiusmodi sunt leguminum, seminum cerealium, & fructuum fugacium, quos ὀψάρις Græci appellant, maxima pars. Hæc omnia, inquit Galenus, & iis multo magis, quæ ante exactam maturitatem mādimus, flatuosa quidē sunt, verum subducuntur celerius. Et iterum

in

*De alimēt.
fac. lib. 2.*

in principio eiusdem libri sic argum-
 tatur: Omnia edulia quæ primo libro
 fuerunt commemorata, plantarum e-
 rant semina exiguum quiddam a fructi-
 bus discrepantia: Sed horæi fructus
 omnes flatulenti sunt: Omnia igitur
 plantarum semina magis aut minus e-
 dunt flatus in corporibus nostris. Ci-
 bus enim, qui ex fabis conficitur, flatu-
 lentus est, etiam si coquatur diutissi-
 me: id quod sentientes nonnulli cæ-
 pas ipsis adiiciunt, cum quicquid fla-
 tulentum cibariis inest, corrigatur per
 calefacientia & tenuantia. Porro si fri-
 xæ fuerint, sicuti & legumina omnia, fla-
 tum quidem deponunt: sed concoctu
 sunt difficillimæ, tardeque prætereunt,
 & crassi succi alimentum exhibent. At-
 ramen quocumque modo apparentur,
 instant, ne per longissimam quidem co-
 ctionem id vitij amittentes. Qui certe
 volet animadvertere affectus, qui singu-
 los cibos sequuntur; quandam ab esu
 fabarum totius corporis tensionem,
 quasi a flatulento spiritu persentiscet,
 maximeque qui ad huiusmodi escu-
 lentum non fuerit assuefactus, aut

ipsum minus recte coctum assumpserit. Pīsa licet tota sua substantia sint fabis consimilia, non tamen sunt vsque adeo flatulenta. Hæ duæ leguminum species quod copiose apud nostrates ferantur, plebiq; admodū sint familiares, & in multo apud omnes vsu, ob id noxa quā inuehunt minus percipitur; nam quæ libenter & magna cum voluptate assumimus, ea arctius complectitur & retinet ventriculus, atque multo facilius concoquit. Cicera non minus fabis sunt flatulenta: verum tamen cū non sint tantopere ab omnib. expetita, nihil adeo ab iis metuendum: qui tamen libenter iis vescuntur, inter coquendum calaminthi, cepæ, anethi, aut pulegij non nihil adiiciunt. Lentescetiam, phasioli, dolichi, idq; genera alia, stomachū male habent, eumq; & intestina inflant. Fructus præterea horarij fere omnes huic vitio obnoxij inveniuntur: crudi enim sunt, multoq; humore excrementitio & inutili scatent, maxime qui ad maturitatem necdum perueniunt; pituitosi quoque sunt, & ex propria natura flatulenti. Insuper frigiditate sua & humiditate, præsertim si immodice-

moderatus ingerantur, calorem natiuū obtundunt, & languidiusculum efficiūt, adeo, vt quos eleuat flatu minimè discutere possit. Inter hos principem locum obtinent mora prunaq; , maxime recentia & post cibum sumpta. Cerasa omnis generis, sed potissimum quæ Iuliana Plinio, vulgo cerata Hispanica appellantur. Melones deinde, pepones, cucumeres, cucurbitæ, poma, & pira. Sed hæc quidem cocta minus inflant crudis: inflant tamen ipsa quoque magna ex parte; sed innoxia fiunt, si vna cum carminatiuis vulgo dictis, hoc est, calefacientibus, tenuantibus & flatum expellentibus, anisi nimirum aut marathri semine, comedantur. Ficus etiam, inquit Gal. nutriunt vberius *lib. 2. de Aliment.* ceteris autumnalibus fructibus, flatibus tamen hæ quoque implent: attamen cito ex his orti flatu intereunt, qui ex facili per aluum subeunt. Castanæ item largius in cibum sumptæ, capiti dolorem inferunt, ventrem inflant, aluum astringunt & ægre concoquuntur. Radices quoque, rapum, raphanus, napus consimilesq;, flatuosæ sunt. Cerealiam etiam semina, panicum, milium, triticum, præ-

sertim elixum, & hordeum, singula non parum flatuosi spiritus conferunt, sed rapum & raphanus ceteris magis. Pisces quoque in hoc catalogo ascribo omnes; pituitosi enim sunt ac flatulenti, præsertim qui sunt ex cetaceo genere prægrandes, & ex minoribus qui viscidam habent & glutinosam carnem; quales sunt anguilla, salmo, lampetra & tinca: idq; cum primis elixi; assii vero minus inflant, minusq; etiam illi, qui friabili ac molli carne constant, quales sunt quos saxatiles appellant; tametsi Cornelius Celsus flatulentos eos minime esse asserat eo loco quo succincte admodum causas flatus excitantes enumerat. Inflāt (inquit) omnia fere legumina, omnia pingua, omnia dulcia, omnia iurulenta, mustum, atq; etiam id vinum, cui nihil adhuc ætatis accessit. Ex oleribus, allium, brassica, cæpa omnesq; radices, excepto siscere & pastinaca: bulbi, ficus etiam aridæ, sed magis virides: vux recentes, nuces omnes, exceptis nucleis pineis; lac, omnisq; caseus; quicquid deinde subcrudum aliquis assumpsit. Minima inflatio fit ex venatione, aucupio, &c. Recte hic Celsus omnia pingua

*Cels. lib. 2.
cap. 26.*

pinguia inflare dicit; nam ex sententia Galeni stomachum subuertunt, tarde coquuntur, implent, & coquendo turgescunt; siue id flatibus inde per imbecillum calorem eicitatis, siue pingui materia rarefacta, & tanquam exundante fiat. Dulcia etiam, præsertim si crassa sint ac lenta, inflandi vi pollent: mustum enim, ni pertranscat velocius, ventrem flatibus implet, difficulter concoquitur, crassum gignit humorem, & dolorem infert capiti. vnde recte in suis problematibus quærit Aristot. Quare bibere de nouo musto sit valde periculosum ipsi stomacho? quia est indigestibile. ergo multum inflat ventrem & quodammodo dysenteriam prouocat. Lac capiti non bene firmo & hypochondriis, quæ leui de causa inflantur, inimicū: vt paucissimos inuenias quibus ventrē flatib. non distendat: quod testatur Hipp. cum dicit, Lac dare caput dolentibus, & quibus hypochondria sublata murmurant, malum est: Galenus etiam in eundem Aphorismum: Vbi enim iis qui integra valetudine fruuntur, lac capitis mouere dolorem, & hypochondria inflare videmus:

Lib. 5.

Aphor. 64.

quibus profecto iam dolitat caput aut inflata sunt hypochondria, aduersissimum esse cogitatione colligere facile possumus. Lactis itaque vltusummo-
 pere vitandus flatuosis. Mulsum etiam
 & defrutum inflare consueuerunt, & a-
 qua mulsa, potissimum cruda: iubet e-
 nim Hipp. eam mulieribus dormituris
 administrandam, dum nosse quis velit
 an mulier grauida sit, Si scire (inquit) ve-
 lis an mulier conceperit, dormitura a-
 quã mulsam potui dato, & si ventris tor-
 mina patiatur, concepit; sin minus, non
 concepit: tormina patitur propter fla-
 tuosum spiritum qui facilem exitum nō
 habet: hic ab aqua mulsa excitatur, nam
 & mel ipsum dum crudum est, ventrem
 & intestina flatibus implet. Huc facit
 cereuisia quæ septemtrionalibus populis
 vini loco est, quæq; ad Dioscoridis zythū
 proxime videtur accedere: admodum
 profecto flatuosa ea est, maxime recens,
 cruda & imperfecte cocta, aut in loræ
 modum per prius coctæ materiam dum-
 taxat transfusa. Hæc quidem quo te-
 nuior & crudior est, hoc nutrit minus,
 inflat vero & refrigerat valentius, parum
 ab

Lib. 5.

Aphor. 41.

Lib. 2. c. 89.

ab aquæ qualitate discrepans. Eiusmodi cum primis habentur, Brabantia, Hollandia, omniumque Belgarum præcipue plebeiorum ceruisiæ, turbidæ enim plerumque sunt & male coctæ: vnde vinarum meatus obstruentes refrigerantesque, stranguriam producunt, calculosis nocent, breuem spirationem efficiunt, pituitam augent, ventris inflationes, tormina & colicos cruciatus generant. Veteres vero, defæcatæ, claræ, bene & ex optima materia a diuitibus (qui proprio vsui eas, haud venales præparant) coctæ, tanto magis perniciosas has qualitates exuunt, quo propius ad vini naturam accedunt. Atqui negligentius præparatæ, cum vsu earum assiduus sit, copioseque ingerantur, dictu mirū quam grauiam inferant accidentia, nulla tamen frequentiora quam inflationes, easque grauissimas: adeo vt pauci vel potius nulli omnino sint, qui ex cereuisiæ huius largiore vsu, flatuum cruciatibus non reddantur obnoxij. Si tamen vel copia vel acrimonia irritatus ventriculus intestinaque deorsum propellant superfluum, & aliud copiose soluatur, aut

ipsa ceruisia defecatio tenuiorq; per ductus vrinarios largiter reddatur, aut reiciatur vomitu, (multis enim hæc eueniunt) tum de inflationibus tantopere nō est metuendum : quippe moderata portio, & quantū ad sitim restringēdam, & deducendum cibum satis sit, multo est naturæ nostræ, quam aqua gratior, ad vini tamen dotes neutiquam ascendere valet. Porro aquæ vitia, Galeno teste, ex eius frigidityte dependent omnia; cuius quidem ratione in præcordiis diutissime moratur, fluctuationes excitat, in flatum mutatur & corrumpitur, & ita ventriculi robur resoluit, vt deterius proinde cōcoquat : sed nec digerendo per corpus alimento aliquid magnopere conducit. Vinum autem comprehensivum iam aquæ vitiis, aduersam quodammodo naturam habet, cum nec inflat præcordia, imo si inflata sint, sublidere faciat; nec inibi moram trahit propter caloris mediocritatem. Medium itaq; quodammodo ordinem inter vinum & aquam cereuisia communis occupat, ad aquæ tamen quam vini naturam magis inclinans. inflat enim, & diu satis propter crassitiem

in

*Lib. . i.
de simpl.
facult.*

in præcordiis hæret: verum non ita calorem natium obtundit, aut ventriculū eneruat. Defæcata autem, vetus, & exquisitè cocta, vino est vicinissima. Digestionis enim vias aperit, ad celeritatem deductionis in corpus conducit, boni succi est, & ad miscenda cōcoquēdaque ea quæ in ventriculo & venis sunt, idonea, & parum admodum inflat, multis nominibus musto, defruto, & aliquot crudioribus vinis præferenda: quoque magis ad vini facultates accedit, hoc magis ab aquæ vitiis declinat. Aquæ quidem potus tum glacialis, tum etiam putealis, nihil boni confert, potissimum iis qui ventriculo sunt frigidiore, non ea dumtaxat ratione quod ilico post cibum hausta (vt Galenus vult) eum faciat innatare, cum sese interponens inter cibum & ventriculi corpus, separationem & fluctuationis sensum inuehat: id enim & vinum, & optima cereuisia, imo quiuvis potus efficit: sed quod grauis cum sit & frigidissima, calorem naturalem quasi strangulat, concoctionem impedit, ventriculū, pectus, ac pulmonem male ha-

bet, vrinam cohibet, laterum dolores, hydropisim, colicum affectum, & iliacam passionem difficillimam generat. Ceterum flatus procreare non huic modo aut illi rei tribuendum, verum quodcunq; id tandem sit, vel vinum, vel cereuisia, vel lac, vel aqua, aut iurulenta alia quantumuis salubria, quorum nimia portione homines sese distenderint, aut alterius rei lentore, crassitieue maiore quā calor pervincere possit, inferserint, spirituum flatuosorum causa sunt. Quippe immoderata copia ventriculi actionem hebetat, & imbecillam reddit: imbecilli ventris symptoma, Galeno teste, sonitus est fluctuantis humoris. Venter enim cum pro sua natura se habet, ac constrictoria virtute vtitur, quamlibet exiguum sit quod in se continet, vndique constringit & nullum vacuum relinquit locum. Cum autem plenus est, sonitus fluctuantis in eo humoris, veluti ex vacuo obauditur, non equidem exacte quacunq; parte complecti assumpta valet. Quocirca laxum quoddam spatium efficiens, permittit ea quæ in se continet humida pro figurarum varietate ex alio loco in aliū transire

transire, ac fluctuationum sonitus edere. Tunc venter intumescit, inflantur turgidaq; redduntur præcordia, & multa cruditās, pituitosi, crassi, lentique humores sensim congeruntur. Hæc quidem cruditās si cum ventriculi quādam vexatione copuletur, vigilq; eā ob causam æger maneat, nec somnus adrepāt, valde malum. Vigilia enim & vexatio ventriculi inquietudinem pariunt, & per lectū reuolutiones. assidue vero huc illuc reuolui, flatūs efficit, flatuumq; materiam sursum efferri cogit. Ex immoderata itaq; ciborum & potuum copia, fit cruditas, ex cruditate crassi sensim & visceridi humores coaceruantur: in quos medicamenta calida tam simplicia quam cōposita, siquando (vt plerumq; fit dum ignorantis medici consilio vtuntur infirmī, aut sibi ipsis mederi student) incidant: flatūs quidem non de se, sed e tali pituita suscitant. Quinimo & vinum quātumuis generosum, quod alioqui suapte natura dissipandi flatūs facultatem habet, quicquid deniq; est liquidum, si non suavi, certe sua copia calorem opprimente, aut eius rei cui miscetur natura, infla-

Meteor. lib.
4. cap 3.

tionem producere potest. Porro omnium earum causarum, quas hactenus recensendo prosequuti sumus, nullæ deteriores sunt, nullæque ad hos a flatu affectus creandos promptiores, quam in multâ noctem computationes extrahere, pleno abdomine, multoq; potu distento cubitum concedere, & inter duos pastus, aut paulo post cibum sumptum, bibere. Ea enim cibi concoctio (inquit Arist.) quæ in corpore procuratur, ad elixationem accedit; præsertim cum in re humida & calida a corporis calore fiat: cruditatesque nonnullæ similes sunt non plenæ elixationi. Quemadmodum itaq; cum in feruentem lebetem multum aquæ frigide, aut alterius liquoris infundimus, elixatio hebetatur, interrumpiturq; feruor, ac ita impedita elixatione relinquitur cruditas: eodem modo si statim a prandio aut cœna bibatur, incepta concoctio, quæ elixatio quædam est, interrumpitur, fitq; cruditas; quâ fluctuatio ilico & inflatio sequuntur, & totius ventris tympani instar distensio. In huius rei confirmationem dicit Galenus: Bibendum ilico post cœnam nō est, antequam cibus fuerit concoctus. Siquidem

dem innatant cibi, si bibāt, ita ut eos ventriculi corpus propter humorem interpositum non contingat. Triplici itaq; de causa (ut summatim, & veluti per generalem dudum dicta complectamur) inflationes generantur; obstructione nimirū, calore, & frigida humidaq; ventriculi intemperie. Nam & obstructio spiritū cohibet, nec exire permittit: & crassa glutinosaq; cum calefiunt, flatuosum spiritum gignere solent, omnibusque fere hoc modo affectis, præcordia perpetuo turgida inflataq; sunt, & quicquid assumunt, facile in flatus conuertitur, totumque corpus ampliore fere mole, quam pro naturæ modo, cernitur. Ventriculi autem frigida & humida intemperies, siue naturalis ea sit, siue postea sensim acquisita, aut modo per oppressionem naturæ caloris a nimia repletionem cibi & potus inducta; nihil reliqui habet ad flatuum generationem. Quare ventriculi regio ab ambientis aeris frigiditate quam optime est munienda, summoq; studio a pedum immoderata frigiditate est cauendum: utpote quæ citissime per nervos ventriculo communicata, eius

*Gal.
meth. 12.*

calorem opprimit, colicum cruciatum omneq; inflationum genus citius quam quisquam ratus est procreat. Atqui flatuum causas quum hætenus abunde satis (ni fallor) recensuerim, tempestivum est quibus signis illi adesse cognoscantur, doceamus.

De signis flatuum. Cap. 9.

Signa Flatuum sumuntur ex corporis cuiusque constitutione & materia quæ in eo redundat & dominatur, ex vitio præcedente pituitoso, flatulento, & tensione hypochondriorum, sine gravitate. Ex ructu item, borboriginis, crepitibus dolore turgido & vago cito nascente, & cito iterum desinente: tumore tactui cedente pellucido, & in tympani modum sonante. Frequens ructu crepituq; auditur flatuum eruptio, cui mox leuamen succedit: aut si quavis de causa impedito transitu regurgitent recurrâtque, tensiui dolores in omne corpus euagantur, vagiq; transcurrunt, & instar spiculi acutissimi momento nunc sub mammillis, nunc inter scapulas vel membranas costas vestientes, vel alia quavis in parte se infigunt. Verum tum haud diu
vigent

vigent, quod tenues sint & subtiles, facileq; in ambientem aera dissipentur. Somnia fiūt de volatu aut saltu fluuios suspensio corpore superante, interdum etiā tonitruī & tempestatis. Frequēs aurium tinnitus, partiū corporis palpitatio, oscitatio, & crurū, brachiorum, digitorūq; tetanos. Magna item in colicum dolorem, in aliosq; morbos a spiritu flatulento productos procliuitas. Torsiones creberrimæ circa vmbilicum molestant, & nausæ vomitionesq; cuiuslibet humoris corrupti, sed potissimum pituitæ mouentur. Alius obturata & grauiter impedita nihil excernit, imo ne spiritū quidem transmittit: interdū autem pituita vitrea magno conatu aut sola, aut facibus paucis iisq; duris inuoluta, procedit. Stercora excreta nonnunquā bovinis similia, & flatibus plena vt aquæ supernatent, videntur. Ceterum dolor non fixus vno in loco hæret, nec perpetuo excruciat, sed per interualla incrudescit, & veluti circuire videtur plurima loca occupans, ac modo in hac, modo in illa parte vehementior infestans. Atqui non singulis singulæ notæ flatu.

lentis obueniunt. Noui enim quosdam quos tormina circum vmbilicum, & sæui dolores enecant; alius tamen optime suo munere fungitur, bis terue sua spōte singulis diebus excrementa deiiciens, nec dolor tamen leuatur: indicium aut flatum intra coli tunicas se insinuasse, aut ex frigida vitreę pituitę intemperie, aut ab eius acrimonia ex putredine acquisita vellicante intestina, aut demum ex commistione bilis cum pituita illum enasci, qui deinceps expultricē facultatē ad expellendum irritat. Porro cum præ nimia pituitæ copia meatus obstruuntur, excremētōrū trāsitus impeditur: iis re-
rentis, adauclaq; obstructione, spiritus flexuosis intestinorū gyris orbibusq; interceptus oberrat, acerbissimosq; cruciatus adfert. quos percurādos temere aggredimur, nisi prius vitreū humorē enematis aut phlegmagogis per os sumptis exturbemus. At si ex flatuoso spiritu sine materia coli dolor fiat, rēssionem magis experiuntur laborantes, atq; rugitū sentiunt & murmura, dolores celeres, flatuū cursus & recursus, vtpote qui exitū quærant, nec inueniant, præcessitq; flatus

tus generantiū ciborū ac potuū vsus. Si quidem crassi & glutinosi humores a superueniēte calore liquecant, & in flatus (quod frequenter admodū accidit) vertantur; iam intermixta erūt, & ex utroq; coniuncta signa, dolorq; tanto molestior, quāto causa maior: coniunctę enim causarū vires simplicioribus sunt multo efficaciores. præter eum itaq; dolorē qui pali infixi similitudinem habet, a frigidityte vitreæ pituitæ acquisitū: alius etiam ex distensione vehementissimus sentitur, qui per totam ventris cauitatem discurrens, ventriculum interdum vna cum intestinis afficit. Cum enim spiritus ob impeditum transitum egredi non possit, nec ob sui crassitiem, aut corporis densitatē, meatuumq; conuenientiam exhalare, nec tantam eius copiam intestina continere; in ventriculū regurgitat, eiusque impedit concoctionem, propterea quod interponens se inter cibum & ventriculi corpus, locum quendam vacuum relinquit. Quæ res efficit, vt complectendi facultas non vndiq; prorsus cibos cōtingat: vnde fluctuatio, inflatio priore maior, grauitasq; se-


titur, & spirandi difficultas ventriculo comprimente septū transversum, adest. Ingravescit autem molestia & inquietudo, si cibū aut potum ante exactam restitutionem ægri ingerant, præsertim lactis aut aquæ aliqualem quantitatem. magis enim tum vētriculus propter intemperiem afficitur, & humor fluctuās vehementius distendit & inflat. Leuantur vero ad infimas partes ventris descendente cibo, & flatibus siue per ructū siue per aluum exclusis. raro autem excluduntur dum viget malum; pertinet enim vtrinq; eorum cohibitio: & si qui forte ructus tum edantur, inanes sunt sine vllō leuamine. Accedit quandoq; tumor & eminentia quædam circa os ventriculi. Dolor etiā aliquando retro iuxta spinam eiusq; vertebra, aliquando etiā iuxta totum thoracem ingruit, sæpe autem vtrinq; occupatos habet. Porro signa reliqua, potissimū particularia quælibet corporis partes a flatuosis spiritibus exagitate indicantia, suo loco, quo symptomata ab iisdem illata tractantur, apposui mus: quare iis hic omissis, ne sæpius per eandem viam sit recurrendum, lectorem

lectorem eo remittimus.

*De Symptomatibus a flatuoso spiritu
productis. Cap. 10.*

Secundum diuersitatem locorum quos flatus occupat, diuersa etiam procreantur Symptomata, ditissima proles vnicam sequuta fecundam partem continui solutionem. Hæc, siquid aliud, dolorē excitat. Dolor vero omnis, præsertim capitis, in membranis consistit: quæ si neq; ab intemperie aliqua, æstu, aut frigore, neq; ab ictu, neque ab odore graui, aut humoribus erodentibus offenduntur, necessario a flatuum ea ipsa in parte (quod rarius accidit) generatorum; aut aliunde, quod frequentius, eo latorum redundātia, dolent. Hi inter caluam & pericranium, vel inter cranium & duram meningem, vel inter vtrasq; meninges sese insinuant, easq; diuellunt, & diducunt ab osse. Hinc intolerabiles oriuntur capitis dolores. Interdum ventositas illa cerebri ventriculos, totamq; interiorem mēbranam, quam Piam matrem nominant, instar vesicæ distendens indicibilem quendam, molestum & dolorosum procreat affectum:

quem quidem alio modo ægri significare nequeunt, quam quod caput modo distendi, modo iterum concidere, & id quasi auferri dictitent. Hæc cum sua tenuitate omnia celeriter peruadat, accidit vt, si quæ maligna qualitate a putrescentibus in imo corpore humoribus imbuatur, mentem rationemq; perturbans, horribiles somnos, & quædam quasi melancholica deliria, ingentes capitis concussiones, & nonnunquam ipsam mortem afferat.

Vertigo, Græcis *δῆν* , fit, cū caput rotari seu circumagi videtur. Scotoma veto, cum vna cum rerum circulatione etiam tenebræ oculis obuersantur. Vtraq; fit multis de causis. Atqui nobis ea dumtaxat proposita est tractanda vertigo, quæ a flatuoforum spirituum in anterioribus cerebri ventriculis, turbulento inordinatoque motu procreatur. Hi enim tenebrarum offusiones adducunt, & imaginatricis facultatis iudicium peruertunt. Vndererum obiectarum rotatio & conuersio se obiicit, simulque se circumagi & cadere existimant qui id patiuntur. Vertigo itaque
nihil

nihil aliud est, quam turbulēta commotio spirituum crassorum & flatuosorum in anterioribus cerebri ventriculis. Hic Spiritus in cerebro interdū habet localem generationem ex inæquali cerebri intemperie, interdum ex infernis partibus, ventriculo videlicet & præcordiis sursum fertur: quod facile colligere est ex iis quæ capite præcedente a nobis dicta sunt. Ex cerebro quādoq; in neruorū propagines flatus insiliens, haud secus illas atq; loræ cordas adimplens atq; cōuellēs, spasmū flatulentū procreat, quo manuum pedumque digiti, aliquando crura seu brachia integra summo dolore extenduntur, vel in se contrahuntur.

AVrium etiam acerbissimum cruciatum hic spiritus profert, cum circum membranas in auditorio organo coercetur. Exitum quippe non reperiens vehementer illas distendit diuellitq; ab osse. Discernitur autem ab aliis earum affectibus, quod in hoc neq; ardor, neq; grauitas (nisi pituitæ copia ibidem collecta eum foueat) sed sola inest distensio cū strepitu aut tinnitu. Etenim plurimum interest multus sit an paucus,

crassus antenuis: item lente moueatur an celeriter. Nam si multus sit, crassus, & celeriter moueatur, sensorio exhibebit similitudinem aquæ rapido cursu cū fragore fluentis, vel tympani, vel id genus instrumentorum musicorum, quæ cum largo inflatu stridentem sonitum edunt. Quod si paucus sit, crassus, & celeriter moueatur; arboris confractæ, vel domus collabentis subitæq; ruinæ, vel catadupæ præ se speciem fert. Si multus, tenuis tamen & celeriter moueatur, tintinum excitat & eum strepitum, qui quasi exaudiri solet ad angusta ædium foramina, si quando insignis ventus perstrepat & se insinuat. Quod si vero multus sit, crassus, & non celeriter moueatur, sed lente, solet magna ex parte murmura excitare. Si autem paucus sit, crassus, & lente moueatur, exaudiri facit susurrum. Quando autem multus fuerit, tenuis, & lente moueatur, sibilum excitare consuevit. Vt plurimum ita affectis sensus vel interni, vel externi obtusi sunt & hebetes: maxime vero sensus auditus, ob spirituum crassitiem, impuritatem & frigiditatem; nec perpetuo quidem, sed per

per interualla dolor afficit.

IN dētium etiam radices spiritus illa-
bitur, & eorum neruum, aut maxillæ
membranam distendens; mirum quan-
to dolore conflictentur, qui eo pacto af-
ficiuntur, vt vix ex vlllo remedio crucia-
tuum lenimen inueniant. Facilis eius est
cognitio. Non enim perpetuus est, vel
ex æquo discrucians dolor per totum
paroxysmum, vt accidit quādo ex distil-
latione humores eo decumbūt; sed per
interualla ingrauescit, & celerrimo mo-
tu, veluti si spiculo infingerentur, affligit.

PVLmones, tametsi doloribus, vt Gal.
author est, non infestētur, ex disten-
sione tamē molestiā in pectore, vel in spi-
na percipiunt: id quod accidit ob mem-
branā eos ambientem, quæ ex fibrosorū
nexuum interuentu, ex pectore & dorso
suspēditur. Quoties itaq; flatuosus spiri-
tus sua multitudine, aut celeri agitatione,
hanc tunicā distendit, mirum non est
si extensionis sensum, tã in pectore, quā
spina æger percipiat, maximeq; offen-
datur: & quod peius est, venas interdum
disrumpit, sanguinisque effluxum & ta-
bem demum, licet rarius, ingenerat.

Pleuritim autē mendosam frequēti-
usefficit, camq; interdum admodū
difficilem, quoties isinter cutem & co-
stas, vel inter membranas costas succin-
gentes sese infert, easq; a vicinarū partiū
adhæsu diuellit. Spiritū hæc intercipit,
nec libere & magnum spirare sinit, quod
latus atq; thorax ad respirationē confe-
rāt, motuq; irritētur. Tussim siccā & fe-
brē interdū ex dolore efficit: vtq; paucis
dicam, falsis indiciis veram mentitur ex
phlegmone pleuritidē: vnde fit vt pleri-
q; medici, qui acutū nō cernūt, vel pau-
cis contēti, iisq; haud pathognomonicis
signis, facile fallātur, perperāq; instituta
curatione, grauissimorū symptomatū
fiāt authores. Longe lateq; a vera pleu-
ritide distat illa, quæ mēdosa nobis a fla-
tu dicitur. illius signa huc adferre præter
institutum foret: huiusvero quæ a flatu,
dolor vagus fere est, nec diu eadem sede
persistit, nisi valde nebulosus & crassus
sit: verū calore & fomentis mitescit, atq;
dissipatur; ortus quoq; est a frigide largi-
orepotu, aut nimia lactiscopia, a magno
haustu ceruisię frigidioris præcipue post
exercitationem, frigidis humidisq; pe-
dibus

dibus, aut aliis causis flatulentis iisq; euidentibus, vt ex præcedētibus didicimus.

Palpitation quoq; cordis, quæ παλμὸς Aristoteli dicitur, ex eorum numero est, quæ a flatulento spiritu fiunt, cum per cæcos ductus ille in pericardio se insinuauit: hic exitum non inueniens, vehementi diastole & systole fit molestus; adeo vt dum folliculum cordis extendit & amplificat, ipsum arteriæ motum intercipiat. Cū hæc affectio a flatu non ab humore fit, sic percipiemus: Humor aut multus, aut paucus erit: isq; crassarum aut tenuium partium. Multus & crassarum partium nullomodo per densam membranam potest dilabi, & per habitum corporis in ambiētem aera resolui. Multus & tenuis humor, tametsi tandem resolui & exiccari queat, eget tamen longiore mora, nec celeriter influere & dissipari, exacerbare & iterum conquiescere potest: argumentum maxime efficax, palpitationis causam flatulentā esse substantiam. Verum si hæc tum exigua, tum subtilium esset partium, facile euanesceret, nec eam de qua agimus palpitationem efficere valeret.

Non alienum igitur a ratione est, substā-
tiam quandam crassarum partium esse,
spiritum videlicet nebulosum, quem
quod vitalem facultatem opprimat,
molestet, & grauiter afficiat, nititur cor
excutere: suoque calore & agitatione
perpetua grossitiem extenuās dissipat,
desinitque palpitatio, a crapula, otiosa
vita, excandescencia, aut nimio subitoq;
metu, tanquam causis euidentibus seu
procatarcticis, plerūq; genita. Porro lō-
ge alia ratio est palpitationis, quæ per
humores pericardio contentos fit. Per-
petua enim est, raro præterquam in qui-
ete intermittens; ex motu incrudescit,
& ad multos annos, imo sæpe ad mor-
tem vsq; ægrum comitata. Tanta huius
vis est, vt interdum sit animaduersa vici-
nas costas (authore Fernelio) effregisse,
suo loco eas depulisse, & arteriam etiā
foras dilataisse in aneurysma, contracti
pugni magnitudine. Altera vero illa
quæ a flatibus, molesta sane est: verum
per interualla inuadit, nec vt hæc peri-
culosa, minimeque ab humorali vulgo
interstincta.

Nulla

NVlla sane crebriora grauioraq; ex ventoso spiritu infestant symptomata, quam quæ ventriculum, & colon intestinum afficiunt: quorum illud inflationis, hoc vero colicus affectus, seu dolor colicus, ab affecta parte, nominatur: omnes autē Ventosos appellat Hippocrates. Inflationis generatio vitio retentricis & complectentis facultatis prouenit. Nam eius probitas in duobus consistit, cū videlicet tempus complectendi cibum cum tempore cōcoquēdi exæquat, ac cum cibos prorsus vndique constringit, ita vt nullum locum relinquat inter ventrem & cibos vacuum. At qui iniustū complectendi tempus, excretio celer, & ciborum in inferiori ventre corruptela consequuntur. Imbecillum vero ciborū complexum, modo fluctuationes cum sonitu succedunt, modo inflationes. Ab his ventriculus misere contorquetur, & dolores ad dorsum vsq; descendunt. Ille enim sub septo transverso positus, & a malo punico initium ducens, leniter in sinistram deflectit: huc enim superior eius pars maxime deuergit, inferior vero magis in dextrā. Posterior pars vniuer-

sa spinæ insidet, cum qua ad primam vsque lumborum vertebra adhærescēs colligatur. Os autem illius nō spinæ, sed diaphragmati, iocinori, cordi, lieni, intestinis, aliisq; partibus communione membranarum, neruorum, arteriarum, & venarum connectitur. Vnde fit vt quoties ventriculus a flatuosis spiritibus vehementius distenditur, ilico doloris participes maxime fiant illæ partes, quæ distensæ ventriculi parti, mutuo nexu coniunguntur. Quapropter cum posteriores eius partes potissimum a spiritu distenduntur, tum maxime dolor, spinæ lumbisque insistit, & renum regionem acutissime inuadit, non aliter quam si difficillima nephritide quis excrucietur: quæ res non modo plebi, verum etiam doctissimis in arte magistris, interdum imponit, vt existiment renum calculo laborare eos, qui a distrahente flatu male habent. Verum id potissime vsu venit iis qui a dolore colico exagitantur, vt paulo post dicetur. Quum partes eius superiores extenduntur, dolor iuxta totum thoracem irruit, & maxime versus regionem

nem sinistram: cum inferiores, tum aliquando magis in regione hepatis, interdum autem in opposito latere afficit. Sin autem orificium eius apprime diducat, gula conuellitur, & veluti manibus quibusdam contrahitur, vt baculum videri infixum, infirmi clamitent, & vix quicquam inglutire valeāt. Quē admodum enim plenitudo (teste Gale- *Lib. 6.*
no) corpora repletorum in latum & *Aph. 39.* profundum extendit, sed longitudinem abbreviat, sic in ventriculi inflatione v-
su venit, vt is ex flatuum copia in latum & profundum distensus, longitudinem abbreviet, ac gulam conuellar. Quippe Erasistratus quoque musculos, si spiritu impleantur, in latitudine augeri, in longitudine vero minui, atque ob id etiam retrahi dicit. Porro cum præ copia multitudinemque totus distenditur, omni ex parte distensionis sentitur effectus: & quod diaphragma comprimatur (respirationis enim organum est) ab inflati vētriculi mole, difficilis fit spiratio: adeoq. hæc inflatio nonnunquam increscit, vt tumorem quendam iuxta os ventriculi efficiat. Leuātur excrementis infer-

ne subeuntibus , & flatibus siue per ructum, siue per alium exclusis.

COlicus dolor nunc venit ordine explicandus, qui nō vnā dumtaxat ventris regionem in omnibus occupat, sed prout sunt fluxus coli intestini, ita ille sedem mutat, nunc latus dextrum, nunc sinistrum, interdum renes, interdū vmbilici regionem, nonnūquam etiam totum ventrem inferiorem, sed vt plurimum latus sinistrum excrucians. Colon enim intestinum crassum a dextra ilium regione per iecoris caua ad sinistrū hypochondrium super ventriculi fundum fertur, lieniq; accumbit. Hinc in posteriora deurgēs, reni sinistro cohæret. Qua itaq; in parte (vt superius de ventriculi situ monuimus) flatuosus Spiritus ingruit potissimum, ibi vehementissimus dolor molestat. Cum autem vna in parte fixus heret, a cruda frigidaque pituita intestini anfractibus conclusa excitatur; nec tum penitus intercluditur spiritus. Pituita hæc intestinum corradit, dilacerat, atq; in id plerumq; perforantis terribelli more se infigit: vnde alte etiam dolor excruciat. Nauseam interdum & pituitæ

tuitur vomitionem excitat, neq; ructibus
 neq; flatibus emissis consopitur. Atqui
 flatulentus dolor, si absque pituita solus
 infestat, vagus est & instabilis, in variasq;
 ventris partes se contorquet, sæpe ob-
 murmurat, & arcte conclusus, nec ab ore,
 nec ab aluo erumpit. Hic in colo pluri-
 mus gigni cumulariq; solet: nam aliud
 non condidit natura excipiendi flatūs re-
 ceptaculum, quem tamen prima ventri-
 culi concoctio maxime progeniuit. in
 hoc itaq; intestino flatus congeritur ma-
 gno sensu doloris, præsertim cū propter
 obstructionem a lenta crassaq; pituita,
 aut a duris resiccatissq; fæcibus erumpere
 nequit. Fæces multas ob causas induran-
 tur, potissimum autem ex quiete, & se-
 cessus cohibendi conatu. Quies enim ita
 continet, quemadmodum motus excer-
 nit: quies sic astringit, vt motus aperit:
 quies res immotas, motio vero mobi-
 les efficit. Quocirca motus vomitum,
 deiectionem, sudores, urinam, natura-
 lesq; expulsionēs omnes citat & propel-
 lit: quies eadem retardat. Multas au-
 dias conquerentes mulierculas, quod
 tertio aut quarto quolibet die excré-

menta excernant, alias quinto aut sexto, nonnullas etiam, quæ ante octauum diem nullum alui beneficium habeant. Desides enim sunt plerumque, & inertes, frigida, voraces, & obstructa. vnde nec motus propellit, nec exigua bilis obfrigiditatem intestina ad expulsionem irritat. Copiosioris autem bilis in intestina transitum, obstructi meatus impediunt, & ordo peruersus in cibo sumendo aluum constringit: Haud mirum igitur si mulierculæ viris frequentius flatuosis affectibus diuexentur. Cohibitio excrementorum nō modo colicum affectum, sed alia quædā grauissima ingenerat accidentia. Stercora enim a natura secreta, deorsum pulsa, & ob insitam grauitatem in infimas partes dilapsa: si propter ciuilia negotia vrgentemve quāpiam causam detenta regurgitent, necessario obdurescunt, quod diutius cohibita, caloris vi continenter siccescant, ab hisq; nonnihil succi semper exugant mesenterij venæ, non solū in tenuia, sed & in crassiora intestina distributæ. Sic sensim illa præter modum exiccata, transitum & sibi & flatibus tollunt, & miserabilem interdū ileū adferunt

ferunt, atqui hunc raro, frequēter autem colicum affectū, & alia quædam symptomata longe grauissima. Cum nāq; flatus coarctatus elabi nequit, ex imo ventre toto amfractu in ventriculum resiliens, eū quidem distendit, & annexum sibi stomachum conuellit & contrahit, adeo profecto, vt nec inglutire quicquam vixq; verbum proloqui infirmi possint. Deinceps, quandoquidem eius osculū acutissime sentit, magno dolore ex conuulsione afficitur, vnde externarum partiū calor intro com meat, quo, quod naturæ noxium est, iunctis viribus expellat. Illæ suodestitutæ calore rigent, nerui contrahuntur, crura vacillant, & incredibilem angustiam perniciosus hic hostis parit. Hæc tam immania, & multis nominib; execranda symptomata, quis credat ab vnico flatu in corpore humano procreari posse? Atqui ita se rem habere ego sana conscientia testari possum multiplici edoctus experientia & obseruatione: ceterum plenius quæ dico intelliget quicumq; exacto trutino rem ponderabit. Excrementa quæ in hoc affectu colico inferne deliciuntur, flatibus plena

videntur. quod ita cognoscitur, si super aquam natent ac bubulo stercorei assimilentur: cruditas interdum, nausea & vomitus præcesserunt. Quippe talis hic affectus, est qui magnam affinitatem cum renum calculo vreteris impacto habeat, & difficulter hic ab illo discerni queat. quo fit ut ne dum vulgares medici, verum Galenus ipse in propria persona deceptus fuerit, existimans renum calculo se affligi, cum ex dolore colico male haberet: nec prius ab hoc errore sese vindicauit, quam iniecto rutaceo oleo pituitam vitream excreuisset, & ab omni mox molestia liber euasit.

O Rationis nostræ series videtur expostulare, prædictis Melancholiam flatuosam, quam Myrachiam Arabes appellant, subnectere. Hæc quidem tribus de causis generatur, nimirum a iecoris & venarum meseraicarum φλογώσι: a ventriculi frigidiorē, & crudo crassoq; humore pituitoso, aut melancholico. Ventriculus enim frigidus plus satis appetit, & parum concoquere potest. Cibus autem crudior crassiorq;, ante perfectam concoctionem a iecore calidiorē trahitur.

tur. Vnde cum secūda concoctio, quæ in iecore celebratur, non corrigat prioris defectum, fit vt mesenterij venæ a chyli crassitie obstruantur, ingensq; copia crudæ materiæ in iis colligatur. Hæc a calore præternaturali ebullit, & contumaces flatus exhalat, qui non facile discutiantur: rugitus deinde, ructus, & murmura concitantur. Porro (ait Galenus ex Dioclis sententia) alius oritur a ventriculo morbus, qui supra propositis non dissimilis est, nominaturque ab aliis melancholicus, ab aliis flatuosus, quem sumpto cibo maxime coctu difficili & caustico, sputum humidum, idemq; multum comitatur. Item ructus acidus, flatus, æstus in præcordiis, fluctuatio, non ilico sed quum retinuerint: interdum quoque ventriculi vehementes dolores, qui nonnullis ad dorsum vsque procedunt, concoctis deinde cibis quiescunt, mox aliis ingestis, rursus eadem reuertuntur accidentia. Vbi autem accessio ipsa inuadit, ventriculus & hypochondria misere cruciantur, neque ab illis cruciatibus liberantur, prius quam vomitu aut excretionem per aluum, noxia materia flatibus hy-

pochondria extendēs excludatur. Quod equidem sursum vomitu elicitur, quia a ventriculo debili & frigido effunditur: pituitosum est, viscidum, crudū, album, & interdum saporis expers, interdum autem subacidum, vel ex corruptione subamarum: Quod per inferna discedit, nigricans plane & flatulentum atque omnino melācholiæ soboles. ex hac nonnunquam ater & obscurus vapor in cerebrum exhalans, caput diuerberat atq; percellit, turbulenta insomnia infert, & mentem perturbans deliria quandoque efficit.

VEntositas hæc in corporis cavitatibus, intestinis videlicet & ventriculo, vt auditū est, collecta cōclusaq; si exitū naturalē non reperiatur, impetu sibi viā muniens, per cæcos conuiuentesq; ductus in iecur ambientes membranas venasq; capillares per caua & gibba hepatis disseminatas effunditur, easq; prorsus in modū scirrhi obsidet: sine scirrho tamen tāto opere distēdit, vt magnus plerūq; tumor circa iecoris regionem se efferat, iisdēq; notis atq; scirrhus sese proferat, nisi quod minus renititur, & breuiori tempore

pore genitus est: Etenim tantus plerumque apparet, vt vniuersum hypochondrium repleat, neq; costarum extrema percipi, neq; sub hæc digiti infigi possint, neque iecoris vlla figura sit aut circumscriptio. cognoscitur hunc a vaporosi & crassi flatus multitudine factum: quod non grauitatis solum, sed etiam distentionis sensum, vt Galeno placet, ægri percipiant. *lib. 5. de loc. affect.*

HAud dissimiliter Splen nonnumquam ex flatuoso spiritu distenditur, Tralliano teste: Quemadmodum (inquit) in ceteris plerisque internis corporis partibus interdum flatulentorum spirituum collectio, ita & in liene flatus quasiq; venti sæpe oritur excitatio, quam ἐμπνεύματων Græci nominant, & incrementum quandoq; tumori præter naturam simile, quod eadem gens ἐμφύσημα cognominat. Hic tumor instar scirrho renititur: a scirrho tamen eum interstingues, quod in scirrho cum renitentia, tumore, ac duritie, grauitas cum pondere in sinistro hypochondrio percipiatur. In tumore autem ex flatu tactui tumor nõ pertinaciter resistit, imo imposita manu

ad tactum cedit, & lien punctiōem tensionemque experietur, citra tamen pondus ac grauitatem, & breuiori tempore factus est. Hos vtriusq; visceris tumores a flatu fieri cum minime medicorū vulgus intelligat, deus bone, quam cæco iudicio curā huius mali ignorata causa aggreduuntur! uleporum ibi tum myriades præscribuntur; curatio, quo largius stipendium emungant, in longum protrahitur, ac demum cum plus damni (quis enim caligantibus oculis, quod rectum est videat?) quam commodi dederunt, scirrhum vel iecoris, vel lienis esse magna constātia affirmant, eumq; ex Galeni sententia immedicabilem. Verum hæc ignorantia turpiter suum illudit authorem: flatus enim hic nebulosus visceri impactus cum temporis successu a calore natio fomentis, inedia, extenuante calefacienteve victus ratione a mulierculis, empiricisque administratis discutiatur, euanescit hypochondrij tumor, dolor omnis consopitus silet, & huiusmodi doctores cum sua falsa persuasiōe ignominiose reiciuntur. Exhortor itaque ingenuos veritatis amatores, eosque qui bene
suo

suo nomini & famæ consultum volunt, ut penitus rem introspeciant, & sedulo addiscant, a flatibus exorta symptomata, ab aliorum morborum symptomatibus internoscere. Difficile quidem id, sed pulcherrimum quoque multam laudem doctis conciliet. Multi namque ægri, veluti iam iam acturi animam præ nimio dolore & molestia, non aliunde quàm ex flatuoso spiritu procreatis, misere exclamant. Qui si corruptus fuerit, a materia putrida & venenosa excitatus, & cum dolore intolerabili per membra discurret: tum viro in artis operibus bene exercitato opus est, qui & flatus molescentes, & materiam vnde eleuentur, cognoscat, hocque genus mali ab aliis morbis discernat.

HUc accedit Hydrops Tympanites, qui fit cum in abdominis membranas magnis cruciatibus sese flatus inferunt, ac demum varie impulsæ in abdominis spatium penetrant. de hoc loquitur Hipp. Quibus tormina adsunt, & circa umbilicum cruciatus & lumborum dolor, qui nec medicamēto, aut vlllo alio modo solui potest, in hydropem siccum

*Aph. 2.
Sect. 4.*

firmatur. Hydropis (vt hoc obiter dicā) tres sunt species: λευκοφλεγματίας, qui & anasarca, ascites, & tympanites, quem hydropem siccum appellauit Hippocrates. Anasarca est molis corporeæ incrementum præter naturā; cuius initio pedestument, potissimum circa vesperū, ab exercitatione, aut cū decliues diu pedes penderint: in hisq; digiti manet impressum vestigiū, corpus æqualiter molle, laxum & pallidum existit: dissolutum & quasi eneruatum minimo labore frangitur, nec alia ratione a phlegmatica cachexia, quæ virginibus peculiaris est, ac ob id virgineus seu amatorius morbus appellatur, differt; quam secundum magis & minus, quodq; illa tumidam habeat corporis vitiatā molem: hæc vero sine excedente magnitudine exanguis pallefcit, cor ad corporis motum contremiscit, in ascensu scalarum dyspnœa corripitur ægra, & corpus graue & iners cum difficultate mouetur. Vna & eadem vtriusque causa, immodica nimirum iecoris atq; venarum refrigeratio. Iecore refrigerato, αἱμάτωσις, hoc est sanguificatio, vitiatur:

vnde

unde sanguis crudus & aquosus relinquitur: qui si in venam cauam transumptus vsquequaque per corpus dispergatur, fit, vt dixi, anasarca. Si vero nimia aquæ copia iecur opprimens ambiëtem ipsum extrinsecus tunicam distendat, hydatides, idest vesiculae, efficit. Hæ si quando acciderit vt rumpantur, in eam peritonei regionem aqua effundetur, quæ est secundum epigastrium, fitque secunda hydropisis species, quæ ab vtris similitudine ascites dicitur. Hac venter sensim impletur, dum diuulsa laxataue cute supra modum intumescat, corpus vero reliquum marcescit ac liquefcit. Si abdomen impellitur, aut corpus in alterum latus prouoluitur, fluctuantis humoris sonus obauditur. Atqui in tympanite non fluctuatio humoris, sed sonitus qualem tympana edunt percussio vngue hypogastrio sentitur. Nam & in his, inquit Gal. per circumtensam pellem contentus aer verberatur, quemadmodum in hoc morbi genere per mediã cutim, qui in profundo est, flatus percutitur. Omnium harum hydropis specierum causa frigiditas visceris est & venarum: a ma-

*Aph. 12.
Sect. 4.*

iore tamen frigiditate aquosus hydrops, quem Asciten vocant, generari videtur: A minore vero tympanias: neque enim mutari in aerem flatuosum humiditas sine aliquo calore potest. Ingens etiam sitis omnem sequitur hydropisim, maxime autem asciten & tympaniten: illum quidem, quod humor, qui in locis detinetur, falsus est & putrefactus: hunc autem, partim ob eandem rationem, quod sincerus flatus sub abdomine citra humoris permissionem nunquam sit animaduersus: partim etiam quod flatus ventriculi humiditatem absorbeat: qua absumpta, is inarescit, potusque irrigationem desiderat. Hoc certe desiderium sitis est. Est enim sitis appetitus humidi aut frigidi, aut vtriusque. In externis etiam videmus, quod quamuis sit terra a pluvia quam maxime humectata: ventus tamen superueniens, miris modis, brevissimoque tempore eam exiccat, & humorem absomit. Idem in corpore euenire, nulli dubium esse existimo. videmus enim tympaniticos maiori siti quam apud inferos Tantalum extorqueri: adeo ut quo plus sunt potæ, plus sitiantur aquæ, vtq;

vtq; feroci quem secum in intimis visceribus conferunt hosti satisfaciant, sese ipsi in interitum præcipientes dant, nimioq; potu strangulant. in iis etiam qui colici cruciatibus diuexantur, sitis ob eandem causam infestat.

GEnitalia etiam membra eadem ex flatu pestis subinde male habet. Vterus enim copia eius quandoque tumet & distenditur, qui aut per cæcos ductus in vacuam ipsius capacitatem irrepfit, aut edito partu se insinuauit conniuen- te ostiolo, aut post vsum balnei aut stu- phæ, aut qua alia de causa illic genitus coarctatur. Conclusus valde vterum dis- tendit. Distensio vero in superiori eius parte, si maxime fiat, eo delata vi flatu- um, iam ascendere putatur, & ad septum transuersum ventriculumq; instar globi cuiusdã efferri, eumq; grauiter opprime- re. Hinc sæpe vel manibus in pugnum de- ductis, vel alio quouis duriore solidiore- ue corpore propulsus in propriam sedem deprimitur. Si autem alterutrū latus vte- ri præ ceteris distendat: iam conuulsione quadam is in dextrum aut sinistrum in- guen contorquetur, pectus, imusq; vter

inflatur, ac dolore concutitur, interdū sonitus toto corpore obauditur, ructus edūtur, strepitus circa ventrem, lumborum tumores, dolores circa renes & coxas fiunt, ventre digitis impulso, tympani sonus editur, ac flatu e ceruice manifesto prorumpit. flatuōsam perfrigerationem hanc Soranus esse dicebat.

Quemadmodum vterum mulieris flatus interdum subit, sic & in viri scrotum cum primis ingreditur, idq; cū morbo, vel sine eo, sed per se morbus: quippe cum morbo tympanite vidi nonnunquam virorum scrota ad magnitudinem vesicæ porcinae inflatae extensā esse. Flatus enim, qui prius solas abdominis membranas, & peritoneum occupabat, iā copia & multitudine inauctus, ampliusq; ob id spatiū desiderās, eas disrumpit, transitumq; sibi in laxā scroti cauitatem parit, neq; hāc dumtaxat partem, verum vniuersum corpus replet. Sine morbo autem virorum plerumq;, vt plurimum autem infantium recens natorum, scrota distendit, eāq; efficit herniæ speciem quam pneumatocelen, hoc est, ventosam herniam, Græci appellant; fitq; non

vno eodemq; modo. Quippe flatuosus spiritus cum in communem testiculos ambientem membranam, ὄρχεον Græcis, folliculum genitalem Latinis dictam, ingruit: totum scrotum æqualiter inflat. Cum vero inter vtriusvis testiculi tunicas erythroidem nimirum & darton se insinuat: alterum latus altero tumidius reddit. Tumor ex inflatione pellucidus apparet, nec vt in hydrocele grauis cognoscitur: si omni luce seclusa, cerea candela ex opposita parte conspectui obijciatur.

PRiapismus colis symptoma geminā habet causam; vnā arteriarum, quæ in pudendum inferuntur, impletionem: alteram flatuosi spiritus in fistuloso neruo generationem. Hic spiritus neruum affatim adimplens, & in tumorem distēdens, penem arrigit, & sine veneris desiderio tentiginem efficit. Est, inquit Gal. *Meth. med. 12,* & alius inflationis affectus Priapismus dictus, quo detentis vel inuitis pudendum arrigitur. Etenim cum neruus propriam colis substantiam constituens, natura cauernosus existat, vbi halituoso spiritu impletur, eiusmodi affectum exci-

tat: & iterum, Priapismus est auctio colis permanens in longitudinem atq; orbem tumefacti, citra rei veneræ appetentiâ: cuius affectionis causa, est flatulentus spiritus. Quod enim a spiritu in tumorem attollatur, manifestum est iis qui celeritatem eius cum intumescit, & quum iterum residet, perpendunt: quippe nullus humor tam celerem in alterutram partem mutationem efficere potest. Verum huic ex flatuoso spiritu Priapismo præcedit palpitatio: illi vero qui fit ex dilatatione arteriarum, minimè.

HActenus quomodo flatulentus spiritus internas corporis viscerumque cavitates adimpleat, quæq; in iis mala generet, abunde explicuimus. Superest paucis, quæ in corporis habitu proferat symptomata, dicamus. Is enim, ut est tenuissimarum partium substantia, ita non modo quod vacuum est, replet, sed continuitatem partium dissolvit, membranas a sese, & ab ossibus diuellit, & celeri motu non hanc aut illam dumtaxat partem, sed totum corpus magno cum dolore, veluti si spiculum infingeretur, pervadit. Quandoque etiam in modum auræ frigit.

frigidaë, sensiles neruofasque partes sine magno dolore afficit: ceterum hic spiritus, vt paucus est & tenuissimus, ita facile a calore natiuo fomentisue externis euanescit: Difficilius autem, cum crassior & copiosior sub cute vel membranis quæ ossibus circundantur, se insinuat, easque in tumorem, qui Inflatio, vulgo autem Apostema ventosum nominatur, extendit. Hanc Gal. ab œdemate distinguit, quod hoc ex pituitoso succo ortum habeat, ac proinde nobis prementibus cedat, digitiq; admodum alte in illud descendant: Inflatio vero fiat ex flatulento spiritu, alias sub cute, alias sub membranis quæ ossa integunt, aliquando autem sub musculis collecto. Hæc digitis pressa vestigium minime retinet, sonitumq; tympani percussa edit. Est quando tumorem quidem ille non excitat, sed sub cute consistens, ac ob eius densitatem non valens exhalare, palpitat: vitam ignara plebs hanc palpitationē nominat. Scite admodū hanc rem Ioannes Langius depingit in quadam Epistola sua, qua chirurgorum quorundam arrogantiam & inscitiam damnat.

*Lib. Epi.
Epist. 3*

Aliam, inquit, æque temerariam chirurgicorum inscitiam te celare non possum. qui cum musculos temporum, frontis, genæ, aut maxillarum ab intercutaneo aere distentos contremiscere vident, illic mox animam hominis & vitam latere, veluti erga stulo inclusam, proclamant. pariter quoque, quamuis nulla corporis per pharmaca euacuatio sit, magis ipsa phlebotomia periculi expers: attamen cum secta vena sanguinem in lebere ob flatulentum spiritum inclusum contremiscere vident, vitam cum sanguine effusam suspicantur: quem ob id repente, antequam tepescat, patientem absorbere cogunt. O audax chirurgorum ignorantia, qui nesciunt aerem vitalis & animalis spiritus fomentum, non modo per arterias cerebri, pulmonis, & cordis cauernas, sed per occultam inspirationem & poros, vniuersos corporis artus perreptare, qui ob arteriarum cum venis coadstomosis, sanguini quoque permiscetur. Quem etiam ex flatulento & viscoso humore non in musculis modo, & omnibus quæ distendi possunt membris (nempe ventriculo, intestinis, iocinore,

nore, liene, septo transuerso, ac in ipso puerperarum vtero) crebro generari accidit: cuius tremulo motu agitata matrice, foetū in vtero moueri puerperæ falso suspicantur. Hūc, inquam, tremulum non in musculis dumtaxat & aliis membris, sed præcipue in corde, motum Græci palmum appellant. Et certe si magna paruis conferre fas est, quemadmodum ventus visceribus terræ inclusus, erupturus tremulo motu terram conquassat, sic aer flatulentus musculorum aliarumq; corporis partium, quæ distendi possunt velamine circumseptus, eas palmo concutit, donec per distentum velamen eruperit. Hactenus Langius. cuius sententiā confirmat Galenus in hæc verba scribens: Id genus spiritus crassus ac vaporosus, nonnumquam quidem sub membranis, quæ ossa integunt, collectus detinetur, nonnumquam sub peritoneo, aliquando vero in intestinis & ventre: interdū & sub membranis musculos circumdantibus, quemadmodum & sub membranosis tendonibus: nonnumquam autem & in spatiis, quæ cogitatione percipiuntur tum musculorum, tum aliarū corporis

*Lib. 2. de
Art. curat.
ad Glauc.*

partium, quarum naturam exanatomis administrationibus didicisti, ad hunc quidem modum & musculus ipse spiritu impletur. Admirabilis itaque flatuum vis & potestas est, quæ tanquam fulmen quoddam per insensiles ductus in abstrusas quasque latebras sese insinuans, vel ossa ipsa peruadit, & in intimis medullis magna molestia afficit, inter os etiam & periosteon se ingerens, hoc ab illo magno conatu diuellit, diducitque: & distensionis sensum ingenti dolore affert. Hinc multorum querimoniarum de crurum tibiærumque; vehementibus per interualla molestiis, cum nulla tamen extrinsecus intemperies, nullus tumor, nullus denique dum premitur (nisi eius magna copia collecta ibidem sit) dolor afficit. Hactenus de Symptomatibus. nunc de prognosticis flatuum aliquid dicamus.

De prognosticis Flatuum. Cap. II.

OMnes a flatibus excitati affectus difficiles sunt, quocumque loco, si exitus iis negetur, subsistant. Hi namque quo densiores, & quauis in parte compactiores confederint, eo diutius ibidem remorantur, & difficiliora periculoso-
raque

raque symptomata excitant. Cum enim partes diuellendo a sese distrahunt, dolorem mouent: dolor humorum defluxus prouocat, humor autem in fissuras diuulforum corporum sensim subintrās, ibi tumorem efficit: ex tumore fit cutis & membranarum distensio & coarctatio: inde cum sanguis minime diffletur, corruptio & caloris præter naturam augmentio. Hic tumor si durus sit, renitens, ruber & pulsans, inflammatio: si vero albus tactui cedens, & a contactu foueam retinens, œdema. Si autem albus, renitens, & pellucidus conspiciatur, Inflatio dicitur. Interdū & Hydropem Spiritus efficit. Cum ait Hipp. ipsi flatus carnes pergressi, meatus corporis rarefecerint, sequitur post flatum humiditas, cui viam iam antea aer præstrauit. irriguo itaque corpore ab humiditate facto, liquefiunt carnes, humoresque in furas descendunt, atque morbus fit qui Aqua inter cutem appellatur. Omnibus his affectibus a spiritu flatuoso excitatis, maximo periculo subiiciuntur illi, quorum in corporibus diu perdurauerit. Quare recte habet Aphorismus ille: Quibus

lib. de Flatibus.

tormina adfunt , & circa vmbilicum cruciatus & lumborum dolor, qui neq; medicamento, neque aliter soluitur, in siccum Hydropem firmatur. Medicamentis autem, neque aliis remediis solvuntur, quod earum partium habitualis quædam intemperies est: qua perseuerante Tympanites fit, omnium specierum Hydropis perniciosissima, quam, saltem confirmatam, nunquam a quoquam percuratam vidi. Si itaque perniciosus est, imo lethalis tympanites, quod flatus cum excitantes nullis remediis propter fouentem causam cedant: merito dixit Hippocrates: Absque sono & crepitu flatum exire, maxime salutare esse: præstare tamen cum sono prodire, quam ibi cum reuolui; quod ex tali reuolutione vehementissimi dolores cruciatusque consequantur. Veruntamen si qui verecūdia moti, citius, cum sani sunt, mortem oppetere velint, quam ventris edere crepitum: nihilominus tamē multis audientibus id fecerint: alterum duorum scire oportet, vel delirare eos, vel dolore affligi. Si vero de industria crepitū emittat, nihil mali prælagit, nisi quod etiam

Prognost.

Lib. 1.

etiam tum sine sono elabi melius fit. Sonus enim aut spiritus flatuosi copiam, aut vasorum angustiam designat, qui tamen in recentibus præcordiorum tumoribus & doloribus obauditur non malus. Dolores teste Hipp. tumoresq; præcordiorum qui recentes sunt & sine inflammatione : sonus in præcordiis excitatus dissolvit, magisque si cum stercore & vrina excessit. Sin autem ipse non excesserit:at prodest tamen ad inferiores partes euolutus. Hos præcordiorum recentes tumores, quod a solo flatu distendantur, dissolui dixit sonitu in præcordiis excitato, is enim cum flatus indicium fit, eumque humori & solido corpori permixtum esse ostendat, nihil nisi vtile quiddam significare potest, nempe, aut flatū cū humore, cui permixtus est, per sedem excerni, aut si non excernatur, saltem ad inferiores aliquas partes descendere, ac sic ab utroq; symptomate, dolore & tumore, infirmum liberare. Hanc suam sententiam alio loco confirmat idem Hippocrates dicens: Quibus elata Hypochondria murmurant lumborum superveniente dolore, alius humectatur, nisi infer-

*Lib. 2.
prognost.*

*Aph. 73.
lib. 4.*

ne flatu erumpant, aut vrinae multitudo prodeat. Hypochondria murmurare, nihil aliud est, quam in ipsis sonitum a flatu excitari: eademque efferri, est tumida turgidaque fieri. Sed quomodo-cunque fiat, siue flatu seorsim, distributo humore per sedem erumpat, siue cum mediocri humore permixtus deorsum vergat: prorsus sine periculo est, & breui spatio a tumore & dolore liberat. Quippe lien & iecur bina viscera in hypochondriis sita, si vehementer doleant, id fit vel propter fortem inflammationem, vel ob spiritum flatuosum; si ob hunc superueniente febre doloris fit solutio: Quibus ait Hipp. iecur vehementer dolet, iis febris superueniens soluit dolorem: febrili nempe calore flatum discutiente. Inflammationi autem non superuenit febris, sed ab initio adest: nec dolorem soluit, sed multo eum reddit auctiorem. Porro febrilis calor quod flatum discutiat, vel ex eo patet, quod qui auruginosi sunt, ex flatu passionibus raro corripiantur, ob eam causam, quod calida eorum constitutio sit, dicente Hippocrate: Auruginosi non multum sunt

*Aph. 52.
lib. 7.*

*Aph. 78.
lib. 5.*

sunt ventosi. Calida namque huiusmodi corporum dispositio, utpote biliosa, haud patitur flatus accumulari, eosque dominium exercere, sed ilico resoluit & conficit. Phlegmaticis vero, & qui humido & frigido ventriculo sunt, item & sanguineis admodum sunt familiares, facilisque his in colicum dolorem prolapsus. Quod autem colici dolores vehementissimi maius periculum adferant, quam mitiores; & omnimoda excrementorum & flatuum retentio, horumq; in vna coli parte fixa collectio difficilior sit, quam si vagabundi per omnia discurrant, lippis & tonsoribus, nedum medicis, notissimum esse existimo. Quare etiam minus aderit periculi, cum per iniecta clysmata flatus elicitur, recrementa deiiciuntur, indeque leuatur dolor, quam si nihil horum eueniat. Atqui delirium, contractio neruorum, animi deliquium, partium extremarum frigiditas, sudor frigidus, vomitus continuus, omnimoda fæcum retentio, si a flatibus excitentur, (quod fit dum hi a venenata materia originem sumunt) lethalis morbus est, & horribili conuulsulo in-

tereunt miseri. Optimum itaque est corpus a flatibus prorsus liberum esse, aut saltem eos facile discuti. id quidem haud fieri potest, nisi sedula præcautione, quam prophylacticen Græci appellant, bona victus ratio in sex rebus non naturalibus sita instituat.

De victus ratione in flatibus observanda. Cap. 12

IN victus ratione probe instituenda, ne flatus in corpore generentur, aut, si geniti sint, cito discutiantur: quatuor veniunt observanda iis potissimum, qui eorum generationi obnoxium corpus sortiti sunt: Ordo, Modus, Tempus, & Substantia. Ordo in eo consistit, ne prædium aut cœnam a poculis incipiant: aut ilico post bolum vnum aut alterum (qui deprauatus mos apud multos inualluit) magnum haustum ebibant. Verum tum demum moderata potio convenit, cum magna cibi pars præsumpta fuit. Liquida deinde præcedant durioribus, laxantia astringentibus: & quæ facilis concoctionis sunt, iis quæ conficiuntur molestius. Modus etiam observandus est, ne videlicet maior cibi quantitas

titas assumatur, quam ventriculus sine
 difficultate superare possit: quod fiet, si
 cum aliquali edendi desiderio a mensa
 discedatur, nec copiosior potus ingera-
 tur, quam siti sedandæ, & deducendo ali-
 mento conueniat; alioqui corpus tum
 cibi, tum potus saburra prægrauatum,
 ad vitæ munia redditur ineptius, & ca-
 lor natius opprimitur. Nonnulli sa-
 ne aqualiculi, quorum venter sesquipede
 prostat, nunquam satisfactum appetitui
 existimant, nisi vel soli etiam integras
 amphoras pitissando absorpserint: vel
 in symposiis ingentia vasa vno spiritu ex-
 iccarint, nec minus tamen edant. Alij au-
 tem vsque adeo assueuerunt potui, vt vel
 nihil, vel parum admodum solidi nutri-
 menti admittant: quo fit vt in eiusmodi
 immoderata humoris ingluuie, fluctua-
 tiones & inflationes generentur, impo-
 tente ventriculo tantâ commode quan-
 titatem complecti. Temporis item ha-
 benda ratio, ne ieiuni, vel inter duos pa-
 stus, vel post absolutam coenam cum cu-
 bitum conceditur, vel etiam in lecto bi-
 bant: tum etiam ne cibo nouo ante prio-
 ris digestionem infarciantur, vel co-

missando in coena vsque prandium, aut in maiorem noctis partem coena protrahatur. Quippe & ab iis quæ substantiæ suæ crassitie, & lenore exiles corporis meatus obstruunt, cibis nempe crassum viscidumque humorem generantibus, difficilis coctionis, carne scilicet sale condita, aut fumo exsiccata, siue bubula ea sit, siue suilla; deinde natura sua multum frigidis, acidis, & austeris, summo cū studio abstinentum. Fructus quoque omnes horarij tam crudi quam cocti: verum illicane peius & angue exhibendi ab usu sunt. Item legumina, acetaria, lac, & quæcumque ex lacte fercula fiunt: placentarum item omne genus, pemmata, lagana, rhyemata, itria, taganità, & id genus alia, ac cum primis quod ex lacte, libo dulciario vel melle, ovis & butyro in sartagine aut furno frequenter nostrates mulierculæ solent ad delicias concinnare: tum etiam quod ex caseo recenti, beta, pasta, ovis & oleo varie fit, Itali tortam nuncupant, euitanda sunt. Nocentissima quoque sunt, quæcunque ex pasta Italica fiunt Turtellæ, Lasaniæ, Maccaroni, Vermiculi, & id genus

genus permulta ad palatum doctissime
 constructa. Crassissimis enim humori-
 bus corpus implent, & calorem natiuū
 ita obtundunt ac opprimunt, vt dein-
 ceptus coquat deterius, inque tantam len-
 ticiem & humiditatem vires suas exer-
 cere vix queat. Sed hic obiiciet mihi
 quis ex eorum numero, qui hæc in deli-
 ciis maximis æstimant, quique contem-
 tis melioribus deteriora gulæ causa pro-
 sequuntur, per multos auidissime illa co-
 pioseque vorare, incommodi tamen ni-
 hil aut parum admodum sentire. Qui-
 bus quidem hoc pacto responsum volo:
 Commune esse omnibus ex pasta alimē-
 tis, crassos glutinososque humores, &
 maximam excrementorum vim in cor-
 pore coaceruare, eius vias obstruere, fla-
 tibusque creandis promptam materiam
 subministrare. Verum tamen si in bonum
 & firmum stomachum incidant, com-
 modeque (quod vix fieri posse iudico)
 coquantur, & nullam videantur notatu
 dignam noxam inferre: id non arguit ex
 se innoxia illa esse. Certissima enim res
 est, vel plebi nota: Ingentia vasa vno
 exiccare spiritu, humanæ naturæ esse

perniciosissimum : & cicutæ pharmacum præsentissimam Socrati attulisse necem. Quare nihil concludit ille, qui propterea has res innoxias, & minime vituperandas probare studet : quod bibaculus quispiam magnos congios euacuet, & anus illa Atheniensis etui cicutæ assueuerit, & per consequens, quod vnus & item alter ex pasta alimenta conficiat. Suauia enim quæ magna cum voluptate assumuntur, ea arctius complectitur, omnique ex parte appressus concludit & retinet ventriculus, atque multo facilius concoquit. Quare tria in vniuersum sunt, quæ nutrimenta ex sua quidem natura noxia, efficiant innocentiora mitioraque: vsus nimirum seu consuetudo, voluptas & ventriculus firmus & validus: nam & euchyma cibaria ventriculum, si ea respuat, subuertunt: & saxatiles pisciculi, si infirmus is sit, molestiam pariunt. Ceterum illi si meis monitis fidem minime habeant, saltem moueantur diris Constantini Aphric. minis, quibus gulosos illos territat: Non gaudeant, ait, malo cibovtentes; quoniam si in præsentī nō læduntur, in posterum percussionem nō

enadent. Eodem pertinet ciborū varietas, quæ non mediocriter facit ad cruditates, & innumeros flatus in corpore multiplicandos: confunduntur enim plurima diuersissimarū naturarū, quæ dū inæqualiter concoquuntur distribuunturque, necessariū est, inde labor caloris innati consequatur. pisces deinde ceracei prægrandes, palustres, lacustres, quiq; in cœnoso fundo versantur, & ex putrilagine omniq; impuritate victitant, deuitandi. carnes enim eorū viscidæ sunt & glutinosæ, multumq; excrementitiæ & frigidæ. Abstinebunt etiam ventosia vino plus æquo refrigerato, ab aquæ potu, & a magno hauſtu cereuiſiæ ex frigido penuario depromptæ, idq; potissimū cum corpus externis caloribus æſtuat, aut immoderato exercitio & labore fatiscit: ab omni deinceps aeris excessu, præsertim frigido, qui confertim ventriculi regionem vestibushaud probe munitam contingat; & a pedum immoderata frigiditate & humiditate. Sæpe etiam saxis diutius insedisse, grauiſſima peperit ex flatibus symptomata. Otium insuper & diurna somnia inprimis cuitabit. vapores enim

enim eleuant, sed non discutunt; concoctionem aggrediuntur, sed non perficiunt. vnde cruda generantur phlegmata, flatuum vera materialisque causa. Ceterum cum ventriculus aut intestina in præsentiarum flatuoso spiritu distenduntur, a cibo & potu tum omnino abstinere, ac tenuem victum instituere, sobriumq; esse præstat. Etenim cum corpori solitus cibus aut subducitur, aut ex toto circumciditur, natiuus calor cibi alteratione & concoctione minime implicatus, agilis, vegetusq;, per omnia diffusus, vbique suam vim exerit & inualefcit, ac primum quidem crudos humores concoquit, crassos attenuat, lentos detergit, flatibus generandis causam adimens, per patentem vias eos excludit, generatosque dissipat & resoluit, & quo amplius eleuentur impedit: vtque semel dicam, hæc sola inedia, sufficiens medela est ad quemcumque ex cruditate & flatibus affectum dissipandum. Verum quidem est, quod ab iis ipsis cibi parsimonia extenuatis, in vacuo corpore multo maior molestia ex fluxu & refluxu subnascatur. Atqui haud diuturnum, hoc est, propediem

pediem enim erupturi tum sunt, & ab omni dolore infirmos liberaturi: multo tamen felicius id eueniet, si ab exercitio non omnino alieni fuerint. Hippocratis enim doctrina est, hanc nostram sententiam comprobans, digna sane quæ aureis characteribus singulorum foribus inscribatur: Non satiari cibis, & impigrum esse ad labores. Porro exercitiorum multa genera recenset Galenus, luctam, pancratium, pugilatū, cursum, & id genus plura, quæ hic explicare præter institutum præterque rationem foret. Hoc vnum nobis sufficiat, quod moderata corporis exercitatio, siue per pilam palmariam in sphæristeriis, siue per dimicationem, cursum, obambulationes, aut quouis alio modo, ieiuno stomacho vacuoque excrementis corpore instituta, mirifice omnes animæ facultates recreat, natium calorem per vniuersum corpus diffundit, humores concoquit digeritque, membra singula prompta, & ad suum officium agilia reddit, aluum soluit, tantaque efficacia flatum excutit, vt par sibi remedium non habeat, nullumque magis sincerum, magisque tutū

*Epid. 6.**De Sanit.
tuend.
lib. 2.*

fit, quam tempestiua exercitatio coniuncta parsimoniz. Alimenta itaque pauca sint, eaq; sinapi, aut alio quouis cōdimēto extenuante calfacienteve (nisi corporis totius dispositio biliosa aut sanguinea obftet) condita. Inter olera, Saluiam, hyssopum, thymbra, fœniculum, maioranam, pulegium, calamintham, hisque similia vsui sibi esse sciat infirmus. Carnes quib. vescetur, sint assæ, aromatatum accessu plerumq; conditæ, aut Saluia & roremarino suffixæ. Panis sit clibanites optime fermentatus, habens sibi quoduis ex seminib. calidis, fœniculum, anisum, petroselinū, vel melanthiū, quod Git vocant, admistū. Vino vtatur potēte, si ab imbecillo calore ij geniti sint: Sin biliosū corpus sit, aut plethoricū, aquoso, eoq; pauco. Statim a cibo sequentiū puluerum vsus sit flatulentis, eosq; hi familiares sibi habeant; mirum quanta id fecerint utilitate. Stomachum namq; roborant constringuntq;, nec sinunt vapores alimēti in cerebrum efferri, calorem natiuū excitāt, concoctionem accelerāt, chylū digerūt, excrementa deorsum propellunt, & quod vsui nostro accōmodatissimum

tissimū iudico, impense flatus dissipāt. vt

℥ Anisi conditi ʒ iij

Sem. fœniculi ʒ i β

Coriand. præparat. ʒ i

Cymini, carui, Seselios in vino albo
maceratorum, vt ingratus sapor mi-
tescat, añ ʒ i

Cortic. citri sicc.

Cinam. crassi añ ʒ iiii

Sacchari albi duplum omnium. fiat pul-
uis, cuius cochlear vnum sumat post ci-
bum, nec amplius bibat.

Vel sic.

℥ Coriand. præparat. }
Sem. Carui } añ ʒ i
Anisi }

Rosar. rub. }
Mastich. } añ ʒ i β

Menth. sicc. ʒ i

Nucis moschat. }
Cinam. Cubeb. } añ ʒ β

Redigantur in puluerem tenuissimum,
& cum sacchari rosac. tabuli ʒ viii. mi-
sceantur, sumatque cochlear vnum post
pastum. Sub vesperum etiam absoluta
fere coctione alimenti, vtile erit radi-
cis helenij conditi, aut zingiberis cru-
di aut conditi drachmam vnam den.

tibus leniter commansam inglutire, gē-
tianæ etiam aut imperatoriæ radices, cu-
bebarum saccharo incrustatarum, aut
piperis albi grana duo aut tria dentibus
duntaxat confracta & deuorata, mirifice
tardam concoctionem adiuuant, & fla-
tus in vētriculo collectos dissipant. Idem
quoq; præstant matutino tempore, post-
quam excrementa deieceris, sumpta. Si
interim alius sua sponte non deiecerit,
arte proritanda erit medicamentis illis,
quæ benedicta appellantur: Vt est Tere-
binthina optima, cuius ʒ iij in vino albo
bis terue lotas & nebulis inuolutas, ante
prandium deuoret, vel Rhabarbari ele-
cti ʒ ʒ commansam deglutiat: vel su-
mat hora vna ante coenam aloes optimæ
ad formam pilulæ redactæ scriptulum v-
num, vel medullam cartami cum cari-
cis: cassiam hic, quod flatulenta sit, non
admiserim. Hactenus de prouidentia &
victus ratione in flatuosis affectibus ser-
uanda, satis superq; dictum arbitror: quæ
si longa cuipiam videbitur, aut dolor agi-
tatis flatibus inducias non dederit, cu-
ratio quæ per medicamenta fit, venit
instituenda.

De communi flatuoforū affectu curatione. Cap. 13.

Mirabitur forsitan quis, quod quæ Symptomata antea recensui, eorum iam curationem instituam, cum per se nullam illa admittant. Sed is mirari puto desinet, vbi intellexerit nos legentium vtilitati consulere volentes, id fecisse. Qui enim flatuosum spiritum dissipat, causam aufert morbi: qui intemperiem corrigit, conformationis vitia emendat, & vnitatis solutionem restituit, is morbum curat. Ceterum qui ex his natum dolorem respicit, hic ad symptoma intentus est. Quapropter nos morbos flatulentos prius symptomata nuncupantes, ad dolorem quem inferunt diuersis in locis respeximus, quo optima methodo oratio procederet, deinceps vero symptomatum mitigationem, morborū autem curationem instituimus. Curationis indicationem præbet affectus cognitio. Affectus est partium a flatu extendente distractio; quam plerumq; dolor, vt corpus vmbra, sequitur. atqui affectus vna cum symptomate ablata causa euanescit, & partes ad pri-

stinum naturalemq; recurrunt habitum. Tribus itaq; remediorum generibus veniunt curandi ex flatibus orti affectus, nempe victus ratione attenuante, calefaciente modice, & exiccante, quemadmodum copiose satis capite præcedente explicatum fuit. Secundo medicamentis obstructions aperiētibus, crassam viscosamq; materiam incidentibus & purgantibus: quorum locupletem satis suppellectilem singulis curationum capitibus te inuenturum existimo. Tertiopotissima ratio consistit in flatibus quam citissime (antequam vires, doloris vehementia frangantur) discutiendis. Discutiuntur autem tenuium partium medicamentis: quæ si doloris particeps sit affectus, eam habeant facultatem, ut dolorem mitigare, caloris imbecillitatem roborare, caliginosum spiritum extenuare, & partium densitatem recludere possint: pro affectarum autem partium differentia, tum curationis materia mutatur, tum facultas intenditur aut remittitur.

De curatione doloris capitis. Cap. 14.

Porro variis in locis, vt paulo ante diximus, ille suam exercet tyrannidem.

Quemadmodum (inquit Gal.) in ventris & intestinorum regionibus ob caloris quidem inopiam, intetdum ex cibo & potu vapor flatulentus producitur, propter imbecillitatem vero facultatis comprehensiuæ adeo inflantur atque replentur ea organa, vt ipsius quidem repletionis gratia tendantur: ob tensionem autem impense doleant: sic etiam in partibus, quæ ad caput pertinent, possunt hæc eadem contingere: flatus enim vaporosus, atque eo adhuc magis viscidus, crassusue humor eum fouens, angustis meatuum capitis adeo vehementer impingitur, vt multo quandoque tempore ad curationem opus sit. Ab huius curatione auspicati, ad reliquarum partium mala condescendemus. Primum itaque flatus siue in cerebri meatibus solus oberret; quod ex motione doloris de loco in locum, & ex distensione citra grauitatem ac pulsus intelligitur: siue pituitosi humoris illum fouens multitudo subsit, sicque

*De compos.
med. se-
cund. loc.
lib. 2.*

cum distensione adfit coniuncta grauitas, & sensus frigiditatis: aut demum ex subditis corporis partibus in caput is influat, haud parum refert, ad rectam curationis methodum. Nihilominus tamen ab iisdem plerumque curationis initiis, in flatuosorum affectuum curationibus auspicandum existimo: partim equidem ex capite in totum corpus reuellendo, partim affecto loco remedia adhibendo, reuocamus cathartici per os sumptis, vel acribus enematis. Enemata autem in hunc vel similem modum optime fieri poterant.

℞ Maluæ, Mercurialis, Caul. rub. calaminth. añ M. ℥. Fl. Camomill. surf. añ ꝑ i. fiat decoctio in suff. quant. aquæ ad mediæ partis consumptionem. In colaturæ ℔ i ℥ dissoluantur.

Diacatholiconis

Sacch. rubri añ ℥ i ℥

Sp. hieræ simp. ℥ ii

Ol. anethini ℥ iij

Salis modicum.

Mistis omnibus, fiat enema, quod iniiciatur ante pastum, non tepide quidem; tepida enim inflant; sed calide, idq; sensim

sim, ne vi & impetu flatus magis sursum magnis torminibus compellat. optimum profecto hoc medicamentum est, quod sine vlla molestia intestinorum obstructions resoluit, dura stercora euacuat, & flatus, propria alioqui sponte in caput influentes, reuellit. Hoc eiecto, alter ex carminatiuis compositus clyster administrabitur.

℞ Rad. Althææ ℥ii Maluæ, calaminth. pulg. Rutæ, Saluiæ, añ Mi. Fl. Camomill. Stœchad. Anthus. an p i. Sem. Anis. rutæ agrest. Cubeb. añ ℥iii. pulpæ colocynth ℥i. fiat decoctio secund. artem. In huius decoctionis per colum transfusæ ℔ i. dissoluantur:

El. de dactylis ℥ i

Hieræ logod. ℥ ii

Sacch. rub. ℥ i ℔

Ol. rutæ. ℥ iii

Salis gemmæ ℥ i

Misce, fiat clyster ante pastum iniiciendus: potentissime sane materias sursum vrgentes, capitique impactas retrahit & reuellit, flatus discutit, & cum facibus educit. Verum si enema displicuerit, aut hæmorrhoides cæcæ, aliæve sedis affectus, quo minus admittatur, impedimento fuerint, hoc leni pharmaco vtatur ad

communium excrementorum (dura existente aluo) educationem.

℞ Diacatholiconis ℥ i

Sp. hier. simpl. ℥ i

Misce & cum saccharo fiant boli. dentur inuoluti nebulis. aut fiat in forma liquida.

℞. El. lenitiui ℥ vi

El. de Succ. ros. ℥ i

Sir. ros. solut. ℥ i β

Dissoluantur in decoctione Fl. & fruct. cordialium, fiatq; haustus. Leniter laxata aluo, si caput multis crassis viscidisque humoribus oblessum videbitur: portiones eos attenuantes & incidentes ex decoctione hyssopi, pulegij, Calaminth. Saluiæ, floribus stœchados, & roris marini, cum Sirupo de stœchad. melle anthusi eiusq; farina aliis in hunc modum concinnari poterunt.

℞ Hyssopi

Saluiæ

Calaminth.

} añ Mi,

Fl. Stœchad.

Anthus

Camemel.

} añ p i.

Sem. prœoniæ maris ℥ i

Anisi, dauci, petroselinî, añ ℥ ii

Coquantur secundum artem lento igne
ad

ad lb i colaturæ clarificatæ, addantur, Sir.
de Stœchad. mellis anthus. an. \mathfrak{z} i β . Aromati-
zetur cum Cinamomi \mathfrak{z} i. fiatque Apozema
pro tribus vicib.

Præparatis hoc pacto humoribus, flatibusque vtcunque attenuatis, purgabitur
sequentibus pilis.

\mathfrak{z} Mas. pil. Aur. \mathfrak{z} i.

Trochisc. alhand. gr. iij.

Misc. & cum Sir. de stœchad. fiant pilulæ
quinque, deaurentur, sumatq; circa me-
diam noctem. Vel in forma liquida.

\mathfrak{z} Agarici \mathfrak{z} ii

Salis gēm.

Zingiber

Turpet

} añ \mathfrak{z} β

Infundantur per noctem in aquæ stillat. Sal-
uiæ & Hyslop. an. \mathfrak{z} ii. postea exprimantur for-
titer: expressio adde Elect. Indi mai. \mathfrak{z} ii. cl. de
Succ. ros. \mathfrak{z} i. Sir. de stœchad. \mathfrak{z} i. Misc.

His ita peractis, & si opus fuerit, reitera-
tis, dolor ille a flatu distensus, si nec-
dum cesset, ad localia n edicamenta
ex Galeni consiliò est properandum:

Aliquando enim, ait, adeo vehemen-
ter in angustiis meatuum flatus vapo-
rosus, atque eo adhuc magis viscidus
crassusue humor impingitur, vt multo
tempore ad curationem sit opus, ac sane

*Lib. 2. de
compos.
med. sec. loc.*

quæ sic infarcta sunt, attenuare oportet, dilatareque meatus per quos excernantur, habita simul providentia, ne quid aliud amplius influat, utq; pars affecta corroboretur, ne ipsa flatulentum spiritum gignat. Maxime itaq; ex usu fore iudico, ut post institutas, ita ut diximus, tum præparationes, tum purgationes, habeatur capitis ratio: quod optime fiet per cucurbitulas cæcas, si nulla sit sanguinis repletio: vel cum scarificatione, si hæc adsit, scapulis affixas. Hic vulgus remedium quoddam habet vile satis, non si-
ne ratione tamen inuentum, & cum felici successu sæpius comprobatum; quod in gratiam studiosorum hic libuit adiungere. Rapum sub cinere coquitur, a quo cocto aufertur ea pars secundum rotunditatem, cui herba ipsa implantata erat, & calidissime pro tolerantia ægri post aures applicatur: qua tepescente, altera ut prius calens substituitur, reiteraturque hæc actio, donec flatus discussus est, & ablatus dolor: solet enim brevi tempore id fieri. quod autem dolenti lateri applicari debeat, aut utrique, si totum caput doleat

doleat, omnibus puto notissimum. In dentium doloribus a flatu excitatis, eodem modo vsurpatum convenit. Hæc si nondum sufficiant, odoramenta, quæ sua tenuitate facile cerebrum subeuntia, flatuum crassitiem extenuant, vt sunt castoreum, vel semen Git in aceto acerrimo maceratum: Aut inungat nares & aures oleo de castoreo, vel de Spica, vel etiam oleo communi, in quo coxerint, Euphorbium, Castoreum, Ruta, calamintum, aut Semina pæoniæ, actu calidis. Dehinc ad masticatoria deueniendum, quæ pituitæ reliquias facile educant, & calida sua temperie flatum discutiant. ℥ Mastich. ʒ ij

Rad. pyrethri	} añ ʒ ʒ
piperis albi	
Cort. rad. capp.	

Cum aceto Scillitico formentur pastilli, mane post reddita excrementa mastigandi. vel sic:

℥ Rad. pyrethri	} añ ʒ ii
Staphidisagriæ	
Nucis mosc.	
Zingiber.	} añ ʒ ʒ
Piperis albi	
Mastich. ʒ ii	

Formentur pastillicum aceto acri, quorū
 quilibet sit pondere ʒ ʒ, vel duorum
 scrupulorum. poterit etiam tentari quod
 materiæ post euacuationes reliquum est,
 errhinis medicamentis elicere, quæ hanc
 quidem nondumtaxat prouocant, sed &
 strenue tum propter agitationem, tum
 etiam ob horum calidam temperiem,
 spiritus dissipant.

℥ Helleb. alb. ʒ ii ʒ

Staphisagr.

Piper alb. añ. ʒ i

Zingiberis

Caryophyll.

Sem. nigell.

} añ. ʒ ʒ

Cum pauca terebinthina, & parum ce-
 ræ, fiant errhina caryophyllis paulo ma-
 iora. Horum loco potest naribus attrahi
 succus caulium rub. radicum ebuli, i-
 ridis, aut alterius cuiuspiam, per se aut
 cū aqua maioranæ aut betonicæ & mel-
 le mistus. Postquam hunc expurgandi ca-
 pitis modum per aliquot dies prosecuti
 sumus, nec amplius quicquam aut parum
 saltem pituitæ cerebri meatib. adhuc in-
 farctū esse putauerimus: tempestiue tum
 ad ea quæ caput exiccant & corroborant,

fla-

flatusq; discutiūt, transibimus. Huiusmodi cū primis sunt lotiones capitis ex lixiuio. Lixiuuū iuxta Gal. lib. 7 de facult. naturalib. est velut ablutio cinerū: ex aqua enim & cineribus id facimus: verbi gratia, libris tribus aquæ, libram vnā cinerum infundimus, sarmentorum & salicis maiorem copiam, brassicæ autem & fabarū minorem sumētes. Hi enim magis acres sunt, & omne lixiuium pro cineris qui eluitur natura, vires habet. Vehementer quidem lixiuium abstergit, exciccatur, & absorbit flatus, flatulentos & œdematosos tumores dissipat, incoctis in eo maiorana, betonica, asaro, baccis lauri & iuniperi, roremarino, & similibus, aut ex horum decoctione factum lixiuium; vt exempli gratia:

℥ Absinthii	}	an pi.
Saluæ		
Rorismar. sicc.		
Thuris, milii tosti	}	an ʒi
Ros. rub. siccatum		
Fl. Camomel. stœchad.		
Bacc. iuniperi		
Sem. pæoniæ		ʒi

Caryophyllorum, Piperis longi, Cubeb. li-
gni aloes an. ʒj. puluerizatis omnibus, fiat

sacculus interbassatus seu interpunctim cōfusus ex serico, tiaræ figuram representans.

Vtatur subinde Diacymino, diatrionpip. diacalamintho, seu confectiōe e baccis lauri ieiuno ventriculo, idque potissimum cum flatu, qui capiti molestus est, frigidus sit, vel a frigida causa eū fouente ortum habeat. Ceterum si spiritus flatulentus vna cum dolorifico calore (in qua sententia Gal. est lib. 2 de cōposit. medicament. secund. loca) in capite præpolleat: in principio quidem repulsoria curatione est vtendum, quæ ex facultate refrigerante constat. Quod vbi factum moderate est, ex mitigatoriis & concoctoriis quippiam ad repulsoria miscere oportet. Deinde discussoria addenda, ita vt paulatim repulsoria detrahamus, donec pharmacum ipsum plurimū digerens attenuatoriumq; reddatur, minus autem concoctorium & mitigatorium, ad hæc & discussorium sit. Quin & acetum, cum repulsoriam simul & attenuatoriam, imo & discussoriam habeat facultatem, vtpote quod secundum temperiem frigiditate quadam tenuium partium præpolleat, non secus quam exquisite

quisite serenus boreas: atqui per se solo aceto vtendum non erit, ob facultatis ipsius vehementiam, sed cum rosaceo, portulacæ, polygoni seu solani succo: aut rosaceum cum oui albumine & aceti momento stuppis imbibitumincipiti applicandum.

De curatione sonitus aurium a flatuoso spiritu. Cap. 15.

SI quidem spiritus flatuosus in sensus auditorij organo se insinuauerit, pertinaciterque (quod ex tinnitu, strepitu, stridore, sibilo, & murmure facile colligere est) inhæserit: post generales particularesque euacuationes, quas ex præcedente capite huc transferre licebit: non abs re erit loco affecto in hunc modum consulere, vt auribus ipsis ad-moucantur medicamenta incidētia & exiccantia; oleū nimirum amygdalarū amararum, aut id in quo castoreū, cuminum, ruta, seu nardus, fuerint incocta: quib. aceti tantillum & mel admiscere poteris, si vehementius attenuare ac discutere animus est: quæ omnia affectæ auri instillētur. Mirifice etiam iuuante docet Aëtius castoreum & spica na-

di æquis portionibus cum aceto & rosaceo mista & auri affectæ instillata. porri etiam succus cum lacte muliebri aut rosaceo infundatur: aut hoc,

℥ Nitri
Myrrhæ } añ ʒi
Veratri albi ʒss
Castorii ʒi

Terātur, & cum rosacei & aceti æqualibus partibus guttatim instillentur. Verū tamen melius hoc medicamentum operabitur, si prius suffitus fiat per embotum ex sequenti decocto mane & vesperi.

℥ Calaminth.
Maioranæ } añ Mi.
Centaur. min. }
Roris marini }
Bacc. Iuniperi Pi
Fol. lauri & absinth. añ Mß
Lupin. num. x. aut xii

Lumbricorum in vino lotorum & in sindone ligatorum Pß.

aquæ partem vnam,
Vini albi partes duas.

Coquantur & seruentur pro suffitu: post quem ilico instillentur tepidæ aliquot guttulæ supradicti medicamenti:

aut

aut si mauis illius, quod huc ex Reneri Solenandri consilio quarto transcribere placuit, obturatis postea auribus gossipio aut lana succida.

℥ Olei veteris ℥ ii
 Ol. porrorum
 Ol. amygd. amar. añ ℥ i
 Succi rutæ
 Succi raphani añ ℥ β
 Vini maluatici ℥ i β

Bulliant in ampulla vitrea ad succorum & vini prope consumptionem. deinde adde

Spicæ nardi	} añ gr. ii
Colocynthidis	
Castorij	
Masticis pulueratorū	

postea occlusa ampulla bulliat in duplici vase quod balneum Mariæ vocant per horas tres. auferatur ab igne, & in alio vase seruetur ad solis æstum per paucos dies, donec liquor clarescat: postea coletur per linteum subtile & exprimatur, & adde musci granum i. β. dissoluatur optime & seruetur in vsum. Interim dum vtitur suffitu, sunt continendæ & conterendæ dentibus fabæ, aut pisa aliquot. nam dum hoc fit, auditorius me-

atus obseruatus est magis patere, quo
eó fumus magis penetret. Huic virtute
& efficacia simile est medicamentum
quod sequitur.

R Succ.alliorum	} añ 3i
Succ.calaminth.	
Aquæ vitæ	
Ol.laurini	} añ 3ß
Ol.amygd.amar.	
Aloes hepaticæ	
Myrrhæ añ 3i	
Croci gr. iiij.	

Redigantur hæc in puluërem tenuissi-
mum, commisceanturque omnia, iis-
quë impleantur cepæ duæ magnæ exca-
uatae, contegantur, & assentur sub cine-
re, & diligenter fortiterq; succus expri-
matur. Huius aliquot guttulæ sæpe in
aures instillentur, & potissimum mane
& vesperi post suffitum. Vinum etiam
decoctionis florum chamæmeli & lauā-
dulæ optime collectos flatus discutit
per interualla calide infusum, nec non
sacculus ex iisdem floribus, roremarino,
stoechade, absinthio & calamintho cō-
cinnarus & interbassatus, atque post su-
pradiçtos suffitus & inunctiones, ita do-
lenti auri impositus, vt per totam noctē
hære-

hæreat : eique patiens incumbet. interrim dum iam dicta sollicitè administrantur, omittendum non erit quin lenibus enematis alius interdum eluatur, ne excrementorum cohibitio, nouam materiam suggerat.

De curatione doloris dentium a flatuoso spiritu contracti. Cap. 16.

QVandoquidem superius multis docuimus nihil flatui ad motus celeritatem deesse, & vel momento etiam densissima corpora peruadere : non mirum si sese in neruum qui dentib. subternitur insinuans, intensissimos, intolerabilesq; dolores, ob distensiones & frigidam intemperiem inferat. Horum itaq; curatio ad communium excrementorum educationem est ab enematis emollientibus auspicanda. Vt:

℞ Diacathol.	℥ i	ss
Sacch. rub.	℥ i	
Ol. Aneth.		
Ol. Chamæmel.		
Salis	℥ i	

} añ ℥ i ss

Dissoluantur in decoctionis communis clysterum ℔ i. fiatque enema. Si edu-

Etis facibus magis reuellentem & flatuum crassitiem carminantem optes, talem construito.

℞ Rutæ, stœchados, Betæ, Centaur. minoris, sing. M i. Fl. Sambuci, Hyperici, Chamemeli an. P i. Bacc. lauri, Sem. Cumini an. ℥ ss. Agarici, fol. Senæ Alexand. an. ℥ ss. fiat decoctio secundum artem. In colaturæ ℥ b i dissoluantur,

El. indi. mai.

Hier. logod. an. ℥ iiii

Mel. ros. col. ℥ ii

Ol. laurini ℥ iii

El. de bacc. laur. ℥ ii

mixtis omnibus fiat enema.

Porro enemata si non admittant ægri, pilulæ aloes non lotæ, pilulæ de hiera simplici, pilulæ aureæ & cochix ex usu erunt; præparata tamen prius materia si quæ subsit, sintque dolores remissiores. Verum si dolores intensissimi inducias non dederint, & materia sit exigua, omnium posthabita tam præparatione quam euacuatione ad id quod magis urget respiciendum. dolor itaque quamprimum sedandus. quapropter cucurbitula levis cum larga flamma bis terue spatulæ dolenti venit applicanda. postea

℞ Ni-

℥ Nigellæ	} an. ʒ iiii
Cumini	
Rad. pyrethri	
Rad. petros.	

Coquantur in vino sufficiente ad consumptionem medietatis, cum colatura actu calida, diu multumque colluatur dens. efficaciter enim flatum extenuabit & discutiet, intemperiem frigidam corriget, multamque viscidam pituitam flatuum materiam eliciet. vel in aceti acerrimi quantitate sufficente bulliant radices pyrethri ʒ ss, piperis albi ʒ i. qua decoctione colluat vt prius, & pituitam expuat. poterit etiam sacculus in hunc modum concinnari & afflicto detiaptari exterius.

℥ Calaminth.	} an. Mi
Hyslopi	
Chamemeli	
Milij tosti	} an. Pi
Furfurum	
Salis	
Cumini ʒ ss	

Mistis omnibus fiat Sacculus: quo facto, ferro candenti fictili imposito affundantur aceti acerrimi cochlearia tria aut quatuor: exhalantem fumum
h iiii

excipiat sacculus ollæ orificio appositus: sic enim simplicium vis excitabitur, sacculus calfiet, & commodè quod volumus efficiet. Solent etiam in hoc affectu nostrates mulierculæ, vt supra meminimus, pro magno secreto rapi sub cinere calente assi infimum orbiculum calidissimum post aures applicare. magna certe efficacia reuellit, & dolorem sedat, vt ego, qui eius rei experientiam & feci, & ab aliis factam obseruavi, testari possum. Narcoticis vti in hoc affectu neutiquam consultum mihi videtur: nimium enim congelatur & inspissatur status, ac instar crassissimæ nubis, neruosis partibus dentiumq; radicibus impingitur, nec aliud congelando effcimus, quàm quod leue solatium in difficiliorem affectum abeat. Verum si intolerabilis immensusque dolor ægrum percoquat, coactusque sit medicus eo remedij genere naturam consolari: suadeo vt narcotica vis calfacientibus refringatur, vtque eadem opera & symptomatis, & causæ rationem habeamus: quod ita optime fiet:

℥ Pyrethri
Piperis añ ʒ i

Opij ꝑ℞

Illigentur linteo, & ad horas duas vel
tres infundatur in acetum acerrimum,
& super dentem applicetur. vel,

℥ Sem. hyoscyami.

Staphisagriæ

Pyrethri añ ꝑ i.

Redigantur in puluerem tenuissimum;
cuius accipe ꝑ i. & cum aceto forti fiat
pilula, quæ super dentem teneatur vnus
horæ spatio; mirifice quidem dolorem
consopit, nec effatu dignam intemperie-
m procreat: tametsi solis resoluentib.
doloris acerbitem lenire, si id fieri pos-
set, magis pro voto esset.

De curatione ventosæ pleuritidis. Cap. 17.

MOlestus admodum is dolor est,
qui ex flatuoso spiritu in alteru-
tro, vel vtroque etiam latere subnasci-
tur, cum sese ille in thoracis cauitatem,
vel inter membranas costas succingen-
tes ingerit. Tum enim ad similitudi-
nem veræ pleuritidis tussiculam, in-
quierudinem, febriculam interdum, si-
tim & dolorem distensuum adfert. Qui
quidem dolor tametsi multis ex signis
a vera pleuritide discerni & internosci
possit

possit, nihilominus tamen Hippocrates ad maiorem securitatē iubet fomentis calidis dolorem pertentare: qui si ex fortu increseat, indubitatum relinqui ait, ex defluxu, & potissimum humoris calidi, eum produci. Sin mitescat, flatuosum spiritum hunc excitasse, aut leuem defluxionem eo decubuisse, quæ propter cutim ex fomentatione rariorē effectā facile expirat & resoluitur. Atqui consultū neutiquam est in hac pseudopleuritide, modo vehementior sit, solis fomentis contentū esse: verum oportet primo per intestina viam flatui sternere perquam erumpat. Excrementa enim communia plerumque in hoc affectu tam pertinaciter inhihentur, vel ex immoderatiore quiete, vel illorum siccitate & duritie per venas distributo humore, vel denique ex copia crassæ & viscidæ pituitæ obturatis meatibus ut sua sponte nihil alius excernat, nec efflatus fieri possint. moueri itaque & exonerari debet natura enemate communi: quo eiecto aliud subiicere maiore vi atque efficacia ad reuellendum purgandumque præditum: quorum descriptiones

scriptiones ex capite præcedente huc transferre haud difficile erit. Si quidem æger morosior ob inutilem pudorem, aut falsam in animo de enematis periculo conceptam persuasionem id minime admittat: sequens accipiat pharmacum ad fæcum communium educationem.

℞ Diacathol. ʒ iiiij
El. de da&t. ʒ ij
Sp. hier. f. ʒ ss

misce & cum saccharo fiat bolus, detur inuolutus hostiis. vel accipiat pulverem sequentem cum iure caponis aut vino albo.

℞ Pulveris Senæ præparat. ʒ iiiij
Rhabarb. el. ʒ ss
Diagridij gr. ii.
Sp. Aromatic. ros. gr. viii
Sacchari q. suff.

Mistisque omnibus, fiat pulvis: sumat in aurora. postquam hoc modo fæces sunt expurgatæ, & intestina vacua, consultum erit venâ iecorariâ affecti lateris secare, si sanguinis copia adsit, aut dolor vehemētissimus: alioqui minime suaserim: deinde per medicamenta localia et cū primis fomenta, tentāda est curatio.

℥ Calaminth.	} añ Mi.
Pulegij	
Rorismarini	
Rutæ	
Fol. lauri	Mß
Bacc. Iuniperi	} añ Pi.
Fl. Chamæmel.	
Sem. lini	} an. ʒ iiii
Fœnogr.	
Furfur.	

Coquantur in s. q. aquæ lento igne ad mediæ partis consumptionem; postea infunde tum herbas, tum ius ipsum in vesicam porcina[m] aut bubulam, & calide applicetur loco dolenti, aut immergatur in decoctum linteum quadruplicatum, vel potius spongia noua exprimatur leuiter, & imponatur; cum tepescit, denuo immergenda, sæpiusq; hoc est reiterandum. Per hunc sortum pulchre crassus & crudus spiritus concoquitur, extenuatur, & discutitur. post fomentum illinatur locus oleo Chamæmelino, vel de amygdalis amaris, & panno laneo albo calefacto contegatur. Sacculus etiam potest fieri ex ruta, thymo, absinth. Floribus Lauandulæ, Rorismarini, chamæmeli, Sem. nigellæ, Cumini, dauci,

dauci, Baccis lauri, aliisque infinitis, & eo modo quo cap. 16. diximus, concalfactus applicari. Ceterum cum hoc modo crassities flatuum extenuata fuerit, tempestiuum erit, quatuor aut sex digitis sub dolente loco cucurbitulam magnam sine scarificatione cum larga flamma bis aut ter affigere. tumenim multo promptius, & cum minore agri molestia extenuatus spiritus trahentem cucurbitulam sequetur, & dissipabitur facilius. Siquidem prius obnebulosam & densam substantiam pertinacius parti impactus, inobediens & immorigerus cucurbitulæ erat. Quippe hæc ita administrata affectum si nondum tollant, intusve fouentem pituitam crassam & viscidam flatum habeat: poterit illa hoc modo per incidentia & extenuantia præparari.

℞ Rad. Irid. petrosel. helenij an. ℥ i. Cort. rad. ebuli & tamaricis an. ℥ iiii. Saluiæ, Rorismar. Hyssopi, Absinth. rom. an. M ss. Cuscut. Mi. Sem, 4. calid. mai. an. ℥ ii. passul. enucleatarum p i. liquiritiæ rasæ ℥ iiii. bulliant in suff. quant. aquæ ad medias partes. In col. clarificatæ lb i. dissoluantur Syrupi de quinque rad. ℥ ii. Syr. de stœchade, Oxymellis squill.

Squill.an. ℥ i. Sacch. quantum sufficit ad conciliandam suauitatem. Aromatizetur cum Cinamomi ℥ i ss. fiatq; apozema pro 4. vicibus bis de die sumendis. præparata materia sequente phlegmagogo expurgabitur.
 ℥ Agar. trochiscati ℥ iiii. Zingib. ℥ β.

Infundantur in aquæ foeniculi & vini albi æqualibus partibus per horas xij. In forti expressione dissoluantur

Benedict. laxat. ℥ iiii
 El. de Succ. ros. ℥ ss
 Syr. de calaminth. ℥ i

Misce & fiat haustus: sumat diluculo cum custodia. vel,

℥ Turpet el. ℥ i
 Zingib. ℥ ss
 Sacch. albiss. ℥ ii

Redigantur in puluerem tenuissimum, & sumat cum iure pulli, aut vino tenui. Expurgata materia repetantur, si necessarium videbitur, fomenta paulo ante dicta cum inunctionibus & cucurbitulis. Interim diacymino vtatur: electuario de bacc. lauri, vel sequenti confectiōe.

℥ Conser. fl. Borrag } an. ℥ ss
 Conf. rad. Helenij }

Sp. Diacym.	} an. ʒ i
Dianisi	
De bacc. lauri	
Cinamomi ʒ ss	

misce & cum Syrupo conseruationis corticum citri: fiat electuarium molle seu opiata: sumat ieiuno stomacho pondus drachmæ vnius, per se aut in decoctione florum Chamæmeli, & Seminis Anisi, aut cum vino albo dissolutum. Non alienum etiam a ratione erit locū dolentem cum calida manu in mixtura vini sublimati & olei amygd. amararum intincta diu fricare, & postea pannum laneum album calide applicare. Eadem pro operatione in pulmonum inflationibus est procedendum.

De curatione palpitationis ventosa.

Cap. 18.

Palpitationis symptoma cordis est, nēpe eleuatio quædam ipsius atque depressio præter naturam a distendente spiritu facta, eo quidem molestius & periculosius ceteris ab eodem factis, quo nobilius viscus vitæ fontem afficit. Quandoquidem si multum offendat, aut diutius perduret, adeo facul-

tatem vitalem eneruat, vt ad lipothymiam, ac demum ad mortem repentinam permutetur. Sedulo itaque procurandum, vt bona victus ratione sollicitaque curatione cor corroboretur, flatūs dissipentur, & quod omnium primum est, horum causa amoueat. Aer igitur lucidus sit ad calidum & siccum vergēs, nulla aut nebulosa caligine, aut graui odore conspurcatus. Qui si natura talis non sit, arte paretur medicamentis suauem odorem spirantibus, & cordi familiaribus. Alienus æger sit ab animi vehementibus affectibus, præsertim subito timore & præcipiti excandescencia. A multo vsu vini (moderare enim sumptū conuenit) a venere, somno diurno, a potu frigido, ab iis deniq; omnibus, quæ capite de præcautione abūde satis diximus, abstineat. Aluus sua sponte laxa sit & fluxilis, aut mollibus enematis balanisve prouocata: vt,

℞ Rad. althææ ℥ ii. Herbarum quinque emollientium an. Mi. Sem. Anisi ℥ i. fl. Chamæmeli P j. Agarici, fol. Senæ orient. an. ℥ iiii. Fiat decoctio ad lb i. in colatura dissoluantur

Diacathol. Sacch. rub. an. ℥ i

Hieræ

Hier. s. cum melle $\text{z}\beta$
 Ol. Camemel. Aneth. an. zii
 Salis communis zi

misceantur omnia, fiatque clyster. vel
 fingatur Balanus communis ex melle
 cocto. cui, si magis validū desideres. ad-
 dentur hier. s. zi . aut hier. logodi $\text{z}\beta$. in
 delicatulis vitellus oui cum salis modi-
 co, candela sebacea, ficus inuersa aut si-
 mile quiddam sufficiet. Quod autem
 cibi sint eligēdi pauci, immodicæ humi-
 ditatis & flatuum expertes, boni nutri-
 mēti, faciliq; cōcoctionis, præcipue assi,
 hyssopo, foeniculo, melissophyllo, Bor-
 ragine, caryophyllis, aliisue calidi & sic-
 ci tēperamēti cordialib. suffixi, aut ali-
 ter cū his elixādo præparati, omnib. no-
 tissimum esse iudico. Atqui quibus du-
 biū videri possit, an vena in hoc affectu
 secari debeat, cum sanguinis ablatio vi-
 tale robur (quod alioqui sine sanguinis
 vltiore cōmotione symptomatis no-
 mine infirmum satis erat) eneruet, nec
 morb. sui ratione, vtpote qui in sanguine
 non consistit, minime eā requirat? Re-
 spōdeo cum Galeno, mirificū sanguinis
 missionē esse præsidium vel in omni pal-

*Lib. 5. de
 loc. aff.*

piratione: ait enim, Palpitatio visceris huius pluribus integra valetudine degētib. tū adolescentibus tum adultis subito sine alio manifesto accidente euenire visa est; atq; omnes eos sanguinis detractio iuuat: atq; hoc accidente plane liberati sunt qui post sanguinis missionē vfi sunt victu & medicamentis quibus esset extenuādi facultas. Sanguinis itaq; ablatio prodest, magis tamen gratia reuulsionis inhibentis ne ad ipsum cor iā imbecillum & affectum excrementa cōfluant, aut ob palpitationis motū id ea attrahat: quam quod sui ratione eā desideret, cum ob flatuum frigiditatem in intemperiem frigidam potius quam calidam inclinet. Secabitur basilica dextri brachij, verum confertim & semel sanguis non effluet, sed reiterato ad maiorem reuulsionem: ni ætas, virtus aut aliud quiddam eorum quæ venæ pertusionem solent impedire, obftet. Facta hac euacuatione, extenuans victus, & medicamenta incidentia, spiritumque dissipantia, palpitationem curant. intemperiem enim frigidam cordi inductam corrigunt, id ipsum corro-

corroborant, flatus dissipant, fouentem
eos pituitam absumunt, natium calo-
rem efficiunt robustiorem, & omnes a-
ninales naturalesq; actiones restaurant
& consolantur. Porro medicamenta hæc
præstantia, calida sunt, singularēq; vir-
tutis vitalis roborandæ habent præroga-
tiuam, vt sunt, diacinamomum, diaca-
laminthum, dianisum, Aromaticum
rosatum, diamoschus dulcis & amara,
mithridatū, & theriaca Andromachi,
quodlibet per se cum vino generoso &
fuluo, aut cum aliis in forma mixturæ
seu electuarij exhibitum: vt,

℥ Cort. citri sacch. conditi ℥ i β

Conser. fl. Borrag. ℥ j

Sp. Aromatic. ros. ℥ i

Sp. Diamosch. dul. } an. ℥ ii.

Sp. Diacalaminth. }

Sem. Citri

Sem. melon. mund. } an. 3 β

Coriand. præparat. }

Corall. rub. ℥ i

Puluerisanda terantur minutissime, &
cum Syr. de borragine fiat opiata: cuius
quidem magnitudinem nucis Ponticæ
diluatur in vino maluatico seu alio gene-
roso, & tribus horis ante pastum ma-

ne & vesp̄i ebibat, aut electuarius per
se sumat, superbibatq; haustulū vini po-
tentioris ad faciliore ad cor reliquaq;
viscera trāsumptionem. Vel sic fiant in
tabulis, quas lozengias barbari vocant.

℥ Sp. Aromatic. ros.

El. de Bacc. lauri an. ʒ β

Cardamomi

Sem. citri } an. ʒ β.

Corall. rub. }

Sp. diacymini ʒ i

Redigantur in puluerem tenuissimum,
& cum saccha. in aqua melissophylli dis-
soluto formentur morsuli, seu tabulæ
pondere drachmæ vnius: quorum vna
qualibet vice dabitur, mane tribus aut
quatuor horis ante pastum, altera ve-
sp̄i totidem horis post cœnam, cum
optimi vini vnc. iii. aut iiij. poterit etiā
interdum vti loco vini simplicis, vinum
quod Hippocraticum vocant, hoc mo-
do confectum,

℥ Sacchari albiss. ʒ iiij

Cinamomi ʒ iii

Zingiberis ʒ β

El. de bacc. lauri

Gran. parad. an. ʒ ii

Vini generosi lb̄ ii.

colentur per manicā Hippocratis, fiat-
que

que potus. Singulare huic palpitationi a flatibus remediū est, alternis vel etiā singulis dieb. nisi admodum molestum sit, sumere quatuor horis ante pastum Theriacæ Andromachi veteris scrupulos duos aut 3 ss. cum vino decoctionis macis & Cinamomi. Extrinsec⁹ insuper epithemata imponantur oleū nardinum in quo ambra & moschus dissoluatur, si odorē æger ferat. Tenuioris fortunæ hominib. sufficiet vinū decoctionis melissophylli, roris marini, cumini & baccarū lauri pro Epithemate cum oleo amygdalarū dulciū & puluere caryophyllorum, nucis moschatæ & cinamomi: ditioribus conueniet hoc quod sequitur.

℥ Aq. melissophylli
 Aq. flor. citri an. ℥ β
 Vini maluatici ℥ iiii
 Macis, Caryophyll.
 Nucis moschat. an. ʒ i
 Sp. diambrae ʒ iiii
 Sem. Citri
 Sem. Ocimi añ ʒ ii
 Croci ʒ i.

Misce & fiant cordi Epithemata calide ante pastum. non minus ex vsu erit sacculus ita præparatus.

℥ Fl. anthus }
 Borriginis } an. p i.
 Chamæmeli }
 Sem. & cort. citri
 Ligni aloes
 Cinamomi an. 3 i
 Caryophyll. }
 Cubebærum } an. 3 ℥.
 Cardamo. mai. }
 Croci 3 i

Contundātur grosso modo, fiatque sac-
 culus ex serico interbassatus, qui vino
 maluatico nonnihil conspersus calide
 cordis regioni imponatur. Hoc modo
 procedendū existima in curatione pal-
 pitationis quæ sine fouente causa a solo
 spiritu flatulento ortum habet. Cete-
 rum si crassa viscidaque pituita fomi-
 tem flatui subministret, eam sic præpa-
 rando aggrediemur.

℥ Melissophylli, Borriginis, beronic. ca-
 laminth. rorismar. an. M ℥. Fl. Stœchad. arab.
 Fl. persicorum an. P i. Sem. Ani. Cardamomi
 min. an. 3 ii. passul. ab arillis mundatarum P i.
 Contundantur grosso modo in morta-
 rio, aut scindātur cultello, macerēturq;
 horis xii. in vini Rhenēsis & aquæ melis-
 sophylli an. ℥ ℥. in ampulla vitrea, aut fi-
 &ili

tili vitreato stricti orificij: postea co-
quatur in duplici vase, quod balneū Ma-
riæ vocant, bene obturato osculo, ad ho-
ras tres: demū colētur. In colatura clari-
ficata dissoluatur, Syrupi conseruatio-
nis corticum citri, & Syrupi de bysantiis
ana ℥ ii. aromatizetur cum Sp. cordiali-
um ℥ i. fiatq; (vt aiunt) Syrupus longus:
sumat diluculo per quatuor dies. Dein-
de hoc modo purgabitur.

℥ Agar. trochisc. ℥ i ℥
Zingiberis ℥ ℥

Infundantur per horas duodecim in iu-
re decoctionis melissophylli, cuscuthæ,
calaminthæ, & hyssopi: postea ebulliant
ad tres aut quatuor ebullitiones, auferā-
tur ab igne, & exprimantur fortiter: ex-
pressi colati ℥ iiii addantur, syrupi de stœ-
chade ℥ i. El. indi. maioris, Bened. la-
xatiuæ an. ℥ ii. misce, fiat haustus quem
sumat hora quinta matutina. Hæc si
ob materiæ crassitiem & visciditatem,
nec dum suffecerint: aliis item qua-
tuor diebus illa præparabitur, verum
huiusmodi medicamentis, quæ vehe-
mentius extenuent & incidant, vt sunt
Oxymel simplex, Syrupus de duabus &

quinque radicibus, & Oxy mel squilliticum cum aquis distillatis melissæ, Scabiosæ, Hyssopi, & eius farinæ aliis: vel cum decocto origani, calaminthæ, hyssopi, pulegii, betonicæ, & roris mari-ni. vratur cum syrups Theriacæ Andromachi vel Mitridentis ℥ ii, vel dianisi aut diacalaminth. ℥ i: tum demum sic iterum purgabitur,

℥ Turpeti el. ℥ i
 .Diagridij gr. ii
 Zingib. ℥ ss
 Sacc. albi ℥ ii

Redigantur in puluerem tenuissimum, & cum iure pulli aut caponis sumat diluculo. post ita institutas absolutasq; tū præparationes tum purgationes resumat supradicta medicamēta cordis robur confirmantia, & palpitatiōi appropriata. Ceterum si a melancholico humore flatus palpitatiōem efficiens excitetur, quemadmodum aliquando fieri experientia didicimus in melancholia hypochondriaca: præparabitur ille cum syrups de fumaria, de pomis, de Succo borraginis, de Epithymo seu syrupo conseruationis corticū citri, in decocto

cocto fumariæ, pulegij, Borraginis, cucutæ, summitatum lupuli, Absinthij, rad. polypodij & buglossę dissolutis. purgabitur autem cum confectiōe hamech, diasenæ, & diacatholiconē: aut cum syrupo Ioannis Montani in hoc malo maxime efficaci, cuius descriptionem huic loco libuit adiungere.

℥ Myrobalan. omnium an.	℥ ss
polypodii querc.	} añ ℥ i
Fol. Senæ	
Epithymi	
Liquirit. rasæ	} añ ℥ ii
Caryophyll.	
Sem. citri	
Cort. helleb. nigri	℥ ss.

Myrobalana contendantur grosso modo & macerentur spatio 24. horarum in septem Libris aquæ fumiterræ: & si volueris medicamentum robustius, in septem Libris succi fumiterræ depurati. Huic infusioni postea reliqua adduntur, & bulliant ad consumptionem medietatis: colātur, leuiter exprimuntur, & totum decoctum in sex syrupos diuiditur, & vnicuique dosi miscentur syrapi de fumo terræ ℥ i ss. Syrupi de corticibus citri ℥ ss. vt sint decocti ℥ vi. Syru-

pi § ii. hoc est legitimum doctissimi Montani apozema, efficaciter admodum melancholicum humorem, affectusq; ab eo excitatos debellās. Interim epithemata superius enarrata, reliqua-que tum electuaria tum orbiculi aut morsuli repetita administrabuntur ordine & modo quo in præcedentibus dictum est.

De curatione inflationis ventriculi. Cap. 19.

INflatio ventriculi, quam *πνεύματις* *γαστρός* nuncupant, est membranarum ventriculi, præter naturam a flatuoso spiritu extensio cū dolore. In hac eundem frustratur propria ventriculi actio, quæ concoctio est, quod complectendi facultas non vndiq; cibos constringat, propter eius imbecillitatem, sed locum quendam vacuum relinquit inter ventrem & cibos. Commouetur autem hic dolor magis interdum ante, interdum post cibum. Ante cibum quidem, quod vna cum intemperie vētriculi frigida, crassa etiā viscidaq; phlegmata in ipsius fundo innatant, a quibus oppressus eneruatusq; calor, dum euincere studet, flatum eleuat distendendo magnopere

pere infestum. Dolor interim sedatur nonnihil, dum vel ructus eduntur, vel pituita euomitur. Post cibū vero is ingrauescit magis, cum sit a sola intemperie frigida sine materia. Calor enim naturalis sua sponte debilis, aut ciborum maxime frigidorum & inflatiuorum copia oppressus, sub onere quodammodo succumbens eos dissoluit, non tamen conficit; vnde inflationes suboriuntur. In hisce curandis primus scopus, idēq; cōmunis, est, euacuari quod præternaturā est. Secundus vero & inflationib. proprius, vt tenuissimis & potestate calidis medicamentis, quæ corpus rarefaciendi, & spiritum extenuandi vim habent, id perficiatur. post idoneam itaq; victus rationem, quæ in sex rebus non naturalibus consistit, quamq; ex præcedentibus facile erit colligere, prima cura erit, vt aluus laxa sit : idq; si non sua sponte, lenitiuo seu molliente clystere aut glande moliēdum erit. Deinde (præsertim si pituita crassa ventriculi fundo innatat) ex oxymelle simplici aut squillitico cū decoctione Raphani, anethi, aut Atriplicis, vomendū, interdū ante, nonnunquam

etiam post cibum, prout æger facilis sit ad vomendum aut difficilis: vt,

℞ Raphani concisæ ℥ ii
conterantur in mortario, & affusa aqua mulsa aut decoctione anethi succus exprimatur, & tepide (tepida enim relaxā. do vomitum prouocant) bibatur, aut

℥ Sem. Anethi } an. ℥ i β
Sem. Raphani }
Agar. puluerisati ℥ i

Bulliant in sufficiente quantitate aquæ ad dimidias. colaturæ vnciis sex adde Syrupi acetati vel oxymellis squillitici (si materia valde crassa sit) ℥ i. bibat, post paululum euomat pluma vel digito in fauces immisso. Sin autem ob angustiam pectoris aliaue de causa vomere nō possit, præparata pituita ex melle rosaceo, oxymell. simplici, syrupo de stœchade & decoctione foliorū rutę, pulegij, calaminthæ, hyssopi, origani, seminib. calidis maioribus, purgabitur carharticis phlegmagogis, pilulis aureis, pilulis de hiera cū agarico, de hiera simplici, elect. indo mai. benedicta laxatiua, aut id genus aliis quæ abunde prius recensuimus. hac ratione expurgata pituita, habebit infir-

infirmus in familiari vsu radices cōditas
zingiberis & helenij, & maxime quidē
radices imperatoriæ crudas aut condi-
tas: quib. quidem prærogatiuā omnium
simplicium in hoc affectu & quasi pal-
mā facile tribuo. Deinde etiam quod o-
ptamus, mirifice præstāt Diatrion pipe-
reō, diacalaminthum, dianisum, diaci-
namomum, Electuariū de baccis lauri,
mithridatū & Theriaca, quodlibet per
se, aut cum vino exhibitum. Cuminum
puluerisatum cum salis tantillo ex iure
gallinæ aut vino fuluo propinatū efficax
est: nec minus vinū decoctionis florum
camemeli, sem. anisi aut cumini cū pul-
ueris nucis moschatę momento, & oleo
amygd. dulcium aut communi ebibitū
iuuat, adeo vt dubitē si huic remedio al-
terū par sit. item castorij ꝑ℥, caryophyl-
lorū ꝑ℥. in vino propinata, & poliū mō-
tanum cum vino idē valēt. Quin etiā a-
cetum squilliticum propter vehementē
quā habet incidendi facultatē, aut ex eo
cōpositū oxymel, si cū vino potēte eius
uncia vna bis de die bibatur, potētissime
auxiliatur. Suillus talus ex Æginetæ sen-
tētia crematus & in potu sumptus, tor-

mina & flatus discutit. Idem potenter admodū facit aqua ex cinamomo, in alēbico vitreo secundū Matthioli descriptionē distillata, per se aut cū aquæ vitæ aliquot guttulis sumpta. Vinum etiam odoriferum cum paxillo cinamomi & galangæ, aut vinum decoctionis roris-marini, sem. dauci, cumini, carui, baccis lauri & iuniperi: aut tale pro delicatulis (de quorū palato non minor quam de ægritudine habenda cura est) vinum Hippocraticum præscribemus.

℥ Sacchari albiſſimi ℥ iiii

Cubeb. Gran. parad.

Galang. Zingib. an. ʒ i

Piperis longi ʒ ss

Cin amomi ʒ iiii

Vini Cretici, Romani, aut alterius cuiuspiam generosi ℔ ii. colentur per manicā, fiatq; potus quem Hypocras vulgus appellat. Cæterum diligenti animaduersione tam hic, quam in omnibus & prædictis, & deinceps dicendis obseruandum, quod nullus omnino, aut exiguus admodum vsus sit impense calidorum cum simpliciū, tum cōpositorum medicamentorū, antequā crassa-
que

que pituita quouis modo vomitu aut purgatione sit euacuata. Omnia enim acria, & abunde calida, si in dēsam atq; viscidā pituitā incidant, flatus suscitant, quos non discutunt: quare dum curare satagimus, maioris molestiæ authores fimus, & quæ alioqui post euacuationē crassi humoris salubria sunt, & maxime conuenientia medicamēta, illo adhuc in corpore subsistēte, euadunt pernicio-
sa. Caute itaq; se gerat medicus in horum administratione, nec minime negligenter: ne, si forte leuioribus medelis malum non euincens, aut valentioribus perperā vsus, inflatione diutius perseuerante, ægrum in Tympaniten deliciat, & mali medici nomen sibi conciliet. Extrinsecus optimum est ventriculum arte ligare, vt flatus impediantur, & melior fiat concoctio: ventriculi deinde regionem fouere ex oleo quod Rutam, calamintham, Rosmarinū, vel quoduis seminū calidorum, cuminū, anisum, apium, daucū, vel lauri baccas, aut eius folia, incoctum habuit: vel eadem hæc in vino decoquantur, fotuq; factō, irrigetur vētriculi regio ex oleo, quod tenuio-

rum sit partium, & potissimum si corū copia sit ex oleo macis aut caryophyllorū. Nam præterquam quod sua tenuitate meatus cutis subiectarumq; partiū recludant, & flatus si quid aliud exte-
nuent & discutiant, pulchre quoq; ventriculū corroborant, calfaciunt, suffocatum calorem resuscitant, & substantiæ quadam proprietate recreant. Vnguentum etiam longe vtilissimum ex iis in hunc modum componi potest.

℥ Ol. macis ʒ vi

Ol. absinth.

Mastich. an. ʒ iii

Lig. aloes

nuc. mosch. } an. ʒ β

cubebærum |

caryophyll. |

mosch. benzoini, croci an. gr. vi.

Redigantur in puluerem tenuissimum & cum ceræ quod satis est fiat vnguentum secundum artem. inungatur regio ventriculi calide ante pastum. post fortum paulo antedictum, imo & post inunctiones, nō inutile erit sacculum ex plumis anserinis confectum applicare, aut eum qui sequitur.

℥ Origan. absinth. menthæ an. M β.

Sem.

Sem. milij, Anisi tostorum an. $\text{ʒ} \text{ss}$

Fl. Camemel. lauandulæ

Anthus, furs. an. $\text{ʒ} \text{i}$ Bacc. lauri $\text{ʒ} \text{i}$ Nucis moschatæ $\text{ʒ} \text{ss}$

puluerizentur grosso modo, & insuātur
 pāno sericeo raro & rubro, fiatq; saccu-
 lus interballatus in scuti stomachalis fi-
 gurā. qui vino aliquo generoso resper-
 sus & optime calfactus, vētriculo appli-
 cetur. Hic varię formulæ medicamēto-
 rū huic affectui haud inutiliū forent in-
 ferendæ: quas omnes breuitatis studio
 lubēs prætereo, vna excepta cucurbitu-
 la, quam bonę magnitudinis ter quater-
 ue sine incisione ita medio ventri vt um-
 bilicum comprehendat affigere, in in-
 tegrum sæpe toto symptomate liberat.
 Item lapis molaris, aut later igne can-
 dens, inuoluatur in linteum quadrupli-
 catum quod prius in vino generoso ma-
 duerit, ac calide dolenti ventriculo iun-
 gatur: quo tepescente alius simili modo
 præparatus sumatur, ac sic mutatis vici-
 bushic post illum administretur. Hæc
 sunt, quæ de ventriculi inflationis cura-
 tione dicenda habui. quæ si prudenter &

ex præscripto viti docti vsurpentur: non dubito fore quin paucis diebus liber ab omni molestia æger euadat.

De Melancholiæ flatuosæ curatione. Cap. 20.

Melancholia Flatuosa multiplicē ob causam difficilis curationis est. Nam præter vehementē venarū mēseraicarum a crassa crudaque materia, tum melancholica, tum pituitosa, vnde contumaces perpetuo spiritus eleuantur, obstructionem: maxima etiam intemperaturæ viscerum inæqualitas subest. Huius quidem ratione non leuia accidētia ingruunt, excrementorum nempe suppressio ab exiccante & humiditatē exugēte calido hepate: difficilis spiratio a cōprimēte septū transuersum inflato ventriculo, dolore ventriculi a flatuum distensione & intemperie frigida; eructationes, vomitiones, & successu tēporis ab obstructione putredo, cuius venenata euaporatione perculsa mens deficit, & delirium accidit. Hæc partiū inæqualitas contrarias habet curandi indicationes. Iecoris nempe ardor refrigerationem, & ventriculi frigiditas calefactionē desiderant. Deinde quæ medicamen-

dicamenta crassos humores valide incidendo, colliquando extenuandoq; præparant, præparatos efficaciter euacuât, & collectos spiritus dissipât: pleraq; impense calida esse, palam est. porro calida iecoris & venarum ardorem adaugent: auctior caliditas, quod subtile in humoribus est dissipando, reliquum increâssat, magis infarcit & impingit, flatuq; copiosiores ex tali materia suscitât: frigida e contrario medicamēta cōgelâdo, humores condensant, meatus constringūt & natium ventriculi calorem obtundendo, coctionem impediunt, cruditatem suggerunt, & flatuum procreationem promouēt. Quocirca vna curationis via supereſt, quæ per mediocriter tū præparantia, tū purgantia procedit. At qui cū mediocritas hæc in graui & difficili affectu nihil laudabile præstet: accidit, difficilem hunc morbum habere curationem, & plerumq; diuturnum esse. Verum tamē difficultas non deterreat, sed intrepide affectui occursando eiusmodi enema curationis auspicietur.

℥ Rad. polypod. q.

Fol. Senæ Alex. an. ʒi

k ii

Malux, parietar.

Betæ, caul.rub.an. Mi

Fl. Camemel. pi

Sem.anis. 3 vi.

fiat decoctio secundum artem ad medias. In colaturæ lb i. dissoluantur diacatholiconis, Sacchari rub.an. 3 i. Ol. anethini 3 ii. Salis modicum. mistis omnibus fiat clyster.

Hunc si æger non admittat, sumat sequentem potionem laxatiuam.

℥ Fol.Senæ orient. 3 iiii

Agar.trochisc. 3 i

Zingib. Asarian. 3 ʒ.

infundantur per horas xii. in aqua stillat. in tibi latifolij, deinde coquantur cum drachma vna Seminis anisi grosso modo contusi ad duas aut tres ebullitiones, postea exprimantur fortiter: in colaturæ 3 iiii dissoluantur, si diues sit, mannæ 3 ii. Syrupi ros. solut. 3 i. Si pauper, confect. Hamech. El. de dactylis an 3 j. Syr. ros. solut. 3 i. mistisque omnibus fiat haustus, detur in aurora.

Sequēti die aperiatur, si nihil impediatur, basilica dextri brachij, aut si magna sit lienis obstructio, sinistri: extrahanturq; sanguinis vnciæ quinq; aut sex, plus vel minus, pro virium robore & sanguinis corruptione. Hoc facto sequenti apozemate cum pituitam tum melancholiā

respi-

respiciente (vt plurimum enim vtriuſq;
humoris copia adeſt) præparanda erit
materia.

℥ Radicum cichorii, helenii, polypodii
quer. an. ʒi β. chamædtr. cuſcute, aſpleni, hyſſo
pi an. Mi. Fl. Sambuci, Camemeli, an. p i.
cort. radicū cap. & tamaricis an. ʒ vi. liqui-
rit. raſæ ʒ β. Sem. an iſi ʒ iiii. paſſul. ab arillis
mundat. P i.

Fiat decoctio ſecund. artē ad ℥ i β. in cola-
tura clarificata diſſoluatur Syrupi de cicho-
rio cum Rhab. Oxymell. ſ. añ ʒ ii. aremati-
ſetur cum Sp. diatrionſant. Cinamomi an.
ʒ i. fiatque apozema pro quatuor vicibus,
ſumat ſummo mane. materia præparata ſic
expurgabitur.

℥ Rhabarb. el.

Agar. troch. an. ʒ i

Fol Senæ Alex. ʒ ii

Zingiberis, Spicæ ʒ β

Cardamomi ʒ ſ

infundantur in iure pulli per horas xij.
exprimatur fortiter. in expreſſi colatura
diſſoluantur

Conf. Hamech } an. ʒ i

Diaphœniconis } an. ʒ i

Syrup. roſ. ſolut. ʒ i

Miſc. fiat hauſtus. vel ſumat ſequentem
puluerem.

℥ Sp. Senæ præparat. ʒ iiii. Rhabarb. ʒ ss.
Diagridi gr. ij. Aromatic. ros. gr. viij. Sacchari
ad pondus omnium, aut ʒ ij.

Puluerizanda in puluerem tenuissimū
redigantur, & cum iure galli decrepiti
sumat diluculo. Sequēti post purgatio-
nem die, abstineat ab omni alia medici-
na, præter-quam a sequenti electuario,
cuius sumat vnciam mediam, & super-
bibat aque mellis aut iuris caponis ʒ iiii.
vel fiat elect. solidū in tessellarū figurā.

℥ Sp. Dialaccæ ʒ i
Conf. e bacc. lauri } an. ʒ i
Diarrhod. abb. }

cum saccharo in aqua borrag. & modi-
co vini dissoluto, fiant tabulæ, quarum
quælibet sit ponderis drachmæ vnus: su-
mat tessellā vnā in aurora: circa pran-
dium sumat iusculum galli decrepiti;
qui cū rad. polyp. borrag. fl. roris marini
& calamintho decoctus fuerit: aut eius
loco sumat in pandio media hora ante
aliū cibū hanc prisanam.

℥ Hord. mund. quart. i. Rad. apij. fenicul.
cichorij an. ʒ iij. ciccerum rub. pistaciorum,
passul. de corinth. an. ʒ i. hyssop. M. ss. coquā-
tur in aqua purissima ad lb i. ss.

Ius coletur per manicam hippocratis cum vini albi ꝑ vi. & addēdo cinnamomi ꝑ i. Sacch. q. s. fiat pituita. Hac poterit vti etiam in coena. Sequentibus deinceps quatuor ex ordine diebus iterū preparabūtur humores iā dicto apozemate, aut alio qualitatē humoris peccantis respiciente, quod in imbecillo corpore semel, in robusto autē bis soleo de die propinare, interdum etiam, si ingens copia humorum adsit, alternis diebus duas aut tres ex hisce pilulis media nocte sumendis præscribere.

℥ Massæ pil. aur.

foetid. an. ꝑ ss

Trochisc. alhand. gr. iiii

misce & cum aceto, aut quod melius est oxymell. scillitico fiāt pilulæ quinq; minorum quam modeste singulis diebus hæc aluū soluant materiamq; ab apozemate præparatam educant. absumptis syrups denuo purgabitur cum confectiōe hamech, pilulis de agarico foetidis aut id genus aliis, quorum omnium formulas hic præscribere longum foret. Syrupus quoque Ioannis Montani cap. 18. descriptus, huic affectui, potissimum

si ab humore melancholico ortum habet, instar omnium esse possit. Sufficiēter vti diximus expurgato corpore, venit viscerū inæqualitas corrigenda per medicamenta extrinsecus applicita. & primo si calida admodū sit iecoris dispositio, irrigabitur hypochondriū dextrū cū ol. rosacei completi partib. duabus, olei absinthij parte vna, & modico aceti. Vel oleo communi quod absinthium, plātaginem, nymphææ flores, rosas rubras, santalum vel simile quiddam incoctū habuerit. Sin autem huius mali præcipua causa in lienis obstructione lateat: hoc decocto eius regio fovebitur

℞ Rad. ebuli, Rubiæ mai. an. ℥ ii
 Calaminth. puleg. }
 Cetrach. fol. lauri } an. M ss.
 Fl. Camemeli }
 Sem. agni casti, id est viticis
 Baecar. lauri an. ℥ i
 Absinth. communis Mi

Bulliant in aqua extinctionis ferri pro fomento, abstersus locus inungatur oleo de capp. solo, aut cum olei amygd. amar. æqualibus partibus misto, aut linimento hocq; habet.

℞ Ammoniacci

Bdellian. ʒ ii

Galbani ʒ ss

dissoluantur in aceto acerrimo, deinde cum ol. capp. ol. aneth. pinguedinis anserinæ an. ʒ vi. fiat linimentum. Interim dum hæc aguntur, habebitur etiam ratio ventriculi, & flatuum in eo cōgestorum: quod cum variis medicamentorū formulis, fomentis, linimentis, quarum præscriptiones ex cap. de ventriculi inflatione huc transferre liceat, fieri possit: optime tamen cum eiusmodi sacculo præstabitur.

℥ Menth. Mi. calaminth. origani an. M ss. fl. Camemeli, fl. rotismari. stœchad. arab. an. p i. absinth. m. ss. mastich. ʒ i. Cinamomi, Caryophylli, ligni aloes, Galāg. coral. rub. añ ʒ i.

Pulueriscentur grosso modo, & commistis omnibus fiat sacculus interbassatus pro stomacho, cōspargatur vino maluatico, aut alio quouis generoso; & calide applicetur, recalsiatq; interdū. Singulis diebus accipiet cum syrupis ad obstructionis apertionem, & flatuū discussionem, tessellā vnam solidi istius el. quod prius descripsimus. Enemata quoq; flatuum crassitiem carminantia, & con-

strictam aluum prouocantia, a præsente medico erunt præscribenda.

De colici doloris curatione. Cap. 21.

Colici doloris curationem hic delineaturus, pauca beneuolum lectorem præfationis loco admonere, animus est. Primo non expectet hoc capite alterius speciei colicæ affectionis curationem, præterquam illius quæ a solis flatibus est, aut ab his cum vitrea pituita continente causa coniunctis. Secundo, quod studiose admodum & prudenter eius curatio sit instituenda. perperam enim curatus, causa cur arthritidis sequatur esse solet, facilisq; ex hac, teste Hippocrate, in illum relapsus. Cuidam inquit intestinū colon vocatum, simulatq; articulari morbo detinebatur, dolore vacabat: postquā vero ab eo sanatus est malo, plus doluit. Tertio quod venę sectio magnū momentum adferat, adeoq; necessaria, modo affectus vehemens excruciet, & plethora vel febris adsint. Quarto quod in huius curatione ab impense calidis cane peius & angue abstinatur, saltem ante pituitæ vacuationē. Quinto quod præcipuus curationis scopo

*Lib. 6. epid.
part 4. aphorif. 3.*

pus in enematū vſū cōſiſtat. Sexto quod cucurbitula nihil cōſideratione dignū adferat, niſi opportuno tēpore & idoneo corpori affigatur. Cū itaq; medicus ad huius curationē accerſitur, diligēter cōſideret, nū ex phlegmone coli alteriusue in teſtini, aut biliolis humorib. interiorē eorum tunicā erodentib. an a vitrea pituita, vel diſtendente ſpiritu enaſcatur. Si ab his, denuo obſeruandum vehemētiffimus ſit affectus, an moderatus, idq; eū plethora vel ſine hac. Si vehemētiffimo dolori cōiuncta ſanguinis copia eſt, ilico poſt excremēta emolliente clyſtere educ̃ta vena ſecanda erit, ſanguiniſq; quantitas pro præſentis medici iudicio extrahenda. Metus enim eſt ne vehemens ille dolor ſanguinē trahendo inſlāmationem excitet, vel conturbando febrē efficiat. Sanguine euacuato, validis enematis ex hier. ſ. Electuario Indo mai. aut hiera logodio paratis debet pituita in in teſtiniſ collecta expurgari, nullo equidem remedio cōmodius id fieri poſteſt. Cum enim morbus ipſe, eiꝯq; cauſa in in teſtiniſ, & potiffimū colo ſint, nihilque per os ſumptum teſte Gal. poſſit

integris viribus ad inferiora pertingere;
clyster autē quod optamus sine vlla mo-
lestia vel periculo valeat proficere: quis
quæso tam absurde iudicet, vt vnū cly-
sterem ceteris omnibus medicamentis
non præferat, præsertim cum quæ per os
sumuntur calidiora esse necesse sit, (mor-
bus enim frigidus, & contraria contra-
riis curantur) maioreque copia ingeran-
tur si commodum vllum sint allatu-
ra. Atqui calida omnia quia tenuium
partium sunt, facile permeant venas me-
sentericas. His, iocinorique calidam in-
temperiem inducunt & fundunt san-
guinem. porro caliditas viscidum gluti-
nosumq; phlegma colliquans, flatu ele-
uat, malum malo accumulans: & gene-
rosum alioqui remediū, si bene vsurpe-
tur, nocentissimum abusu fit venenum.
Quare author sum improuidis hisce me-
dicis, vt in posterum cautius suam The-
riacam, mithridatū, diacalaminthū, a-
liaq; valde calefacientia colicis propi-
nent, antequā vitrea pituita crassis inte-
stinis impacta, fuerit expurgata, quini-
mo ne tum quidem vacat periculo fre-
quentior eorū vsus. Tutissima sane ad-
mini-

ministratio & sanitatis citissima recuperatio in clysteribus rite apparatus consistit: primus ergo emolliens esto ad faccum communium educationem.

℥ Diacathol. ʒ x.
 Hier. s. cum mell. ʒ β
 Sacch. rub. ʒ i
 Salis communis ʒ i β.

Dissoluantur in lb i. decoctionis rad. althææ, quinque herbar. emollientium, Fl. Camemeli, furs. cicer. rub. & fiat enema.

quo eiecto, facibusq;eductis infundatur ex Galeni sententia lib. 2 ad Glaucon. oleū aliquod tenuiū partium, quale est rutaceū, laurinū, aut commune, in quo incocta fuerint medicamenta, quæ cum partiū tenuitate calfaciunt, quale est cymminū, apij petroselinij; semen, feniculi, anisi, libystici, seselis, dauci & spondylii, ruta deinde & lauri baccæ, admiscebis quoq; bitumē, quæq; simili calfaciendi facultate sunt prædita, aut ad valentiorē pituitę educationem hoc substituat.

℥ Calaminth. puleg. tanacet. an. Mi
 Fl. Camomillæ p i. Sem. cumini,
 Dauci an. ʒ iii. bacc. laur. p β.

In decoctionis colatæ lb i. misceantur Oxy-
 mel. squil. ʒ i. Ol. rut. aut eius in quo prius di-

Et si medicamenta incocta fuerint ℥ iii. Ele-
lect. Indi mai. ℥ vi. hier. logod. ℥ i. fiat clyster.
Hec si percurauerint, bene est. Sin mi-
nus, eadē repetantur, aut aliter secundū
affectus magnitudinem, materiæ pitui-
tosæ quantitatem, flatuum copiam, aut
ægri debilitatem componantur: hoc ta-
men perpetuo obseruato vt ab iniecto
clystere infirmus in partem magis dolē-
tem decumbat. Interim per os sumen-
tur moderate calida, vt est decoctum fl.
Camemeli in aqua fontana, aut si velis
præstantius, in vino albo tenui. mirificū
enim auxilium hoc præstat in colica af-
fectione, quemadmodum etiam ius
decoctionis cumini per se, aut cum iam
dictis camomill. flosculis. Hisce iusculis
ego soleo nonnunquā admiscere vnciā
vnā aut alterā ol. amygdalarū dulciū
recenter expressi, aut si huius copia non
sit, olei communis, aut ol. seminis lini
quod præstā tissimū est, cochlear vnū ad-
iicere. oleū etiā amygd. dul. ab expressio-
ne adhuc tepidū per se ad ℥ iii. vel quatu-
or vtilissime bibitur. Nec plebeiū hoc re-
mediū minus efficax est, quod sic habet.

✱ Vini Rhenensis ℥ iiii aut quinque

Nuci

Nucis myristicæ ʒi. aut ʒij

Ol. communis cochlear vnum.

mistis omnib. cum saccharo, bibatur calide. In hisce potionibus non temere additur oleum. id enim præterquam quod anodynum sit, latera etiã ventriculi & intestinorũ impinguat, sua vi emplastica venarũ oscilla obstruit, trahendi facultatem eneruat, efficitq; vt dolorẽ sedantia, frigiditatem corrigẽtia, flatusq; discutiẽtia medicamenta, citius ad locũ affectum penetrent, nec tam auide a venis absumantur. Ceterũ cum hic morbus sua spõte nauseabundus existat, oleumq; insuper multis nauseam & vomitũ promoueat, his qui eius vsum aspernabuntur, sequentia conuenient.

℞ Summitatum absinth. vulgaris p ʒ. Sem. cumini ʒii. fl. Camemeli, anthus añ pi. Cubeb. ʒ ʒ.

Coquantur in vino odorifero: Ius decoctionis coletur per manicam cum sacchari & cinamomi conuenienti pondere. vtatur. Castorei etiam ʒ ʒ. in vino cũ cinamomi & croci tantillo dissoluta efficax est. At quibus ita venter flatũ distenditur vt ægre curationem admittat,

aut torminibus vexatur atq; singultu, idq; ob frigidos viscososq; humores, aut crassos nebulososq; spiritus, eos ex oxycrato potū iuuat. hæc sic administrata, & si opus fuerit repetita, vt plurimū integre restituunt. Sin autem contumacior affectus sit, aut egri enematum vsum nō ferāt, aut deniq; ex toto corporis habitu in intestina pituitosi humores defluant: phlegmagoga moderate purgātia, post quā ad expulsionem habilis pituita sit reddita, præscribētur; quorum formulæ ex præcedentib. huc erunt transferendę. porro si vna cum purgantibus pharmacis narcotica (ad quæ in summis doloribus confugere oportet) commiscere est animus, sic erit progrediendum.

℞ El. Ind. mai. ʒ vi aut ʒ iiii

Trochisc. alhand.

Castorii, Opii. an. gr. iiii

misce & cum saccharo fiat bolus. vel fiat talis infusio.

℞ Agar. trochisc. ʒ iiii

Zingiberis ʒ i

infundantur in decocto pulegii, Hyssop. fl. anthus & chamemeli ad horas xii. in expressione dissoluātur diaphœniconis

ʒ iiii.

3 iii. philonii perfici ad minus annotini
 3 i aut 3 β. aut si vetustum sit, & vigoris
 experts, ad maius pondus ascendere li-
 cet. fiat haustus cum saccharo quantum
 satis est ad conciliandam suauitatē. in
 formam etiam pilularū redigi possunt.

℥ pil. de hier. cum agar. 3 ii

massæ pilul. coch. 3 i

Diagrid. castor. Opii an gr. iii.

Cum vino fiant pilulæ septem, sumat.
 Hac medicandi ratione triplex cōsequi-
 mur commodum, pituitā ipsam expur-
 gamus, flatum discutimus, & dolorem
 sopimus: qua sane nulla commodior fe-
 liciorue curandi via in grauioribus his
 doloribus excogitari potest. Galenus in
 hoc affectu narcotica perse præbet. quod
 si, inquit, dolor perseueret, medicamen-
 tis ex opio, quale est Philonis Tarsensis
 omnibus medicis cognitum, vti nō for-
 midabis, etiam si necessario noxam ali-
 quam afflictis partibus ex his accessurā
 non ignores: sed certe ei quod magis vr-
 get obfistendo, hominem doloris vehe-
 mentia animo delinquentem cum par-
 ua noxa seruare satius erit: nam sequen-
 tibus deinceps diebus offensionem me-

*Lib. 2. ad
 Glauco.*

dicamento cōtractam emendare poteris. Si ergo cuipiam simili ratione placeat narcotica medicamenta propinare, det philonij Perfici in vino maluatico dissoluti ʒ ʒ, aut ʒ ii, etiam drachmā integram pro affectus magnitudine: aut pilulas Rondelerij, quarum descriptionem huic loco lubuit inserere.

℞ pulueris diagalang.

Aromat. ros. añ ʒ ii

Castorij ʒ ʒ. Euphorb. gr. x.

Opii diligētissime contusi cum pistillo ferreo calido, dissolutiq; in vino maluatico ʒ i ʒ. piperis, croci, myrrhan. ʒ ʒ.

formentur pilulæ decem pro drachma, capiat quatuor aut quinq; quod si nō sedetur dolor, dentur nouē aut decē. Sunt autem conficiendæ paruæ & molles, vt citius dissoluantur, citius dolorē consopiant, & minus in vētriculo remorētur. cauendum interim vnice ne iam dicta opiata aut vllum aliud præbeantur, nisi prius idoneis euacuationibus corpus perpurgatum sit: & aliquot horis ante pastum ieiuno stomacho, nec non in extremis doloribus, & cum alia anodyna sine vtilitate sint administrata. Colicus dolor

dolor a solis flatibus excitatus medicamenta nec præparantia nec purgantia requirit; ceterum enemata dolo-rem sedantia & ventositates carminantia & discutientia conueniunt. huiusmodi sunt:

℞ Ol. lini, decoctionis fl. camomill,
& cumini an ℥ ss.
Confect. e bacc. lauri ℥ ii
Diacathol. & Sacc. rub. an. ℥ i.
Salis gemmæ ʒ ii

mixtis omnibus fiat enema. ad dolores sedandos efficacissimum est. magis carminans tale est,

℞ Rad. helenij ℥ iii
Calaminth. pariet. an. Mi
Sem. Anis. Cumini, cardamo. an. ℥ iii
Bacc. iunip. Bacc. lauri an. pi

Bulliant in s. q. aque ad mediæ partis consumptionem: in colaturæ ℥ i. addantur vini maluatici aut cretici ℥ iiii. diacalaminth. ℥ iii. ol. rutæ. seu ol. nucum ℥ iii. fiat clyster.

Vel

℞ Vini albi in quo coxerint cuminum, anisum, baccæ lauri & similia ℥ i.

Infundatur calide. per os quoque hic paulo calidiora quam in colica pas-

sione ex pituita admittuntur. Quare præter superius dicta, vtilissima etiam sunt, confectio e baccis lauri, diacyminum, diatrion pip. quodlibet per se in tabellis, aut alia quauis forma sumptum, aut in vino dissolutum. Extrinsecus varia conducunt, & cum primis cucurbitula opportune usurpata. Opportunus autem eius usus est, ut iis dumtaxat corporibus applicetur, quæ a solis flatibus excruciantur, & abdomen non admodum pingue crassum & distentum habent. In quibus namque vitreæ pituitæ copia subest, infructiferum eius usum vel milles experitus sum: dolor enim qui pali infixi similitudinem habet, non a flatu, sed ab intemperie frigida pituitæ nascitur: quam diu itaque eodem in loco persistit pituita doloris causa, tantisper durabit & dolor eius effectus. Cucurbitula autem pituitam non euacuat: ergo nec dolorem tollit. In pingui & multum crasso abdomine raptu vehementissimo osculum suum illa carne & adipe adimplet prius quam vis attractrix ad intestina descendat, flatuique hoc modo via intercluditur. Sed quid miramur hæc? cum sola abdominis
a flatu

a flatu distendēte (vt in tympanite accidit) durities efficax causa sit impediens quominus trahentem cucurbitulā flatus sequatur. Atqui si oportune (vt diximus) larga, cū multa flamma applicetur, videbitur profectio incantamēti cuiuspiam simile quiddam efficere. Sacculi etiam componuntur ex milio, furfure, floribus lauandulæ, chamemeli, anethi, & calamintho, in sartagine frixis, vino vel aceto irroratis; qui calide alter post alterum imponantur. vel & Stercoris cabalini recentis quantum satis est, & cū oleo lini, chamemeli, anethi, facibus olei communis, aut cum vino & fl. pseudo-nardi formetur emplastrū ad ignem in frixorio, admoueaturque loco dolenti quam fert calidissime. Lateres itē calfaciunt nonnulli, & linteis vino madentibus inuolutos imponunt. Eundem vsum habent asser quernus calide impositus, & panis e furno calens, filum etiam ex lixiuio coctum cum cineribus calidum admouetur. Porro infinita alia sunt non sine ratione huic malo inuenta remedia, fomēta, balnea, infessus, illitiones, cataplasmata, & id genus alia, quæ

*Meth.
med. lib. 1.*

*Lib. 2. meth.
lib. 1.*

tempestiue administrata iuuāt: intempestiue autem, non modo non iuuant, sed maxime nocent. quare grauissimus author Galenus hanc nostram sententiam cōprobās scribit in hęc verba: Calfacere præcordia cataplasmatibus, aut perfusionibus non est perpetuo tutum, sed in iis tantum agris quibus in toto corpore nullum errat superfluum. Ceteris omnibus extrema est perniciēs. Iterū; Quo pacto igitur dolores eos quos frigidus humor in medio intestinorum interclusus excitauit, sanare conueniet? Sane non perfusionibus & cataplasmatibus quę valenter excalfaciant: Quippe lenti omnes, crassique & frigidi humores, ab iis quę calfaciunt, nisi etiam valenter digerent, liquantur ac in flatum mutantur. Oportebit igitur eos incidere simul & concoquere: quas res tenuātia medicamenta præstabunt, potissimum tamen si calida vehementer non sint. Quod autem horum quoque ipsorum ea maxime deligenda sint, quę magis flatum discutiant, magisque siccent, nemini potest dubium esse: quorum formulas etiam dudum dictis abunde satis didicisti.

Hic

Hic forent etiā amuleta a proprietate substantiæ auxiliantia, galerita auis, talus suillus combustus ac deinde bibitus, intestinum lupi siccatum, tritum, cum vino sumptum; pellis eiusdem vētri admota, stragulæ ex eadem & cingula confecta; itē lupi stercus album ex vino potum vel nucula inclusum, & e collo vt ventrem contingat suspensum, aliaque multa inferenda. atqui cum ab aliis vel ad nauseam hæc sint inculcata, breuitatis studio lubens prætereo.

De flatuosa obstructionis hepatis curatione. Cap. 22.

Obstrectio vitium est omnibus visceribus familiare, nullis tamen magis quam iecori & lieni. fit autem cū humor crassus, pituitosus aut melācholicus tenuissimos venę portæ ramos per iecoris substantiam dispersos infercit, nec humor dumtaxat, sed & spiritus nebulosus subinde sua crassitie in tantam molem iecur effert, vt veluti a scirrhototum hypochondrium intumescere videatur. Nec mirum tantā obstrectionē a flatu cui exitus non patet, generari in hepate, quod tenuissimis dūtaxat venulis meatibusq; dotatū est; cū amplissi-

ma intestina adeo plerūq; a ventositate obstruantur, vt penitus nihil per anum egredi queat. Quare Arabum hęc ratio- cinatio: Vētositas grossissima subtilior est quā chylus subtilis, sicut ventus sub- tilior est aqua: Sed chylus tenuis, conco- ctus, & pro naturæ ratione affectus, ie- cur nō obstruit: ergo nec flatus eius op- pilationem producere potest: futilis esse merito iudicabitur & inefficax; quod hinc præter reliquas rationes validissi- mas, necessario sequeretur, a nebuloso flatu intestina nunquam (quod tamen doctorum virorum monimēta & quo- tidiana experientia testantur) obstrui, cum crassissima trāsmittāt stercora. Ie- cur itaq; obstruitur, aut a solo flatu, aut ab hoc vna cum humore viscido cōiun- cto. Atqui summo studio hic animad- uertendum, ne cum obstructum iecur a flatuoso spiritu accusamus, vitiū in co- lo sit. Colō enim intestinum sub dextra ilium regione situm, tantopere interdū a pituitæ & flatuum multitudine distē- ditur, vt totum hypochondrium intum- escat. Verum haud difficile est ex præ- dictis, hos affectus internoscere. quare breuitati

breuitati consulentes, curationē huius flatuosæ obstructionis deinceps prosequamur. Si itaque a pituita cum flatu fiat, sequenti apozemate præparanda erit materia.

℥ Rad. helenii, Rubiæ mai. Afari an. ʒ vi
Cort. rad. ebuli, cort. capp. añ ʒ iiii
Chamædr. Aspleni. hyssop. añ Mj
Absinth. rom. Mß.
Sem. dauci, Anisi, añ ʒ iii.
Bacc. iunip. passul. corinth. añ p j

coquantur secundum artem in sufficiens quantitate aquæ ad mediæ partis consumptionem. Colaturæ clarificatæ tibi adde sacchari quod satis est ad conciliandam suauitatem, & aromatizetur cum cinami ʒ iß. sumat quatuor vicibus. aut

℥ prædictæ decoctionis ʒ iiii. Syr. de calaminth ʒ i. Oxymell. scill. ʒ ii. misc. pro vna dosi, & sic pro aliis tribus. Deinde

℥ Sp. dialacc. ʒ ij
Sp. el. de bacc. laur.
Diarrh. abb. añ ʒ ß

cum saccharo in aqua foeniculi & modico vini albi dissoluto, fiant tabulæ pondere drachmæ vnius: sumat tabulā vnā cum Syrupis. præparata materia hoc aut simili phlegmagogo expurgabitur.

℥ Turpet opt. ʒ ii

Zingib. ʒ i

pul. Senæ præpar. ʒ ʒ.

fiat puluis tenuissimus & cū sacchari ʒ ii
sumat diluculo iniure caponis. aut sic.

℥ Agar. troch. ʒ iiiii

Zingiberis ʒ ʒ.

Infundatur per horas xiiii. in aquæ betonicę
ʒ iii: postea exprimatur fortiter, in expresso
dissoluatur El. indi. mai. ʒ iii. Syr. de quinque
rad. ʒ i.

Et fiat haustus vnus in aurora sumendus.
postridie purgationis sumat sequens E-
lectuarium.

℥ Theriac. vet. ʒ ʒ

Cons. fl. roris mar.

Cons. fl. Borrag. añ ʒ i. Misc.

Si quid deinceps materiæ reliquū fue-
rit, iterum id præparandum & expurgan-
dum. hocq; agendi ordine non minor
flatuum & roboris viscerum, quam pi-
tuitæ vacuandæ habebitur ratio. Porro
a solo flatu distensio hypochondrii diu-
turna non est sine pituitæ affluxu. dolor
enim assiduus hanc prolicit, meatuum
extensio admittit: & illius imó vtriuf-
que frigiditas iccoris hæmoptosin debi-
litat; vnde sensim crudi humores coa-
ceruantur.

ceruantur. Quocirca suadeo vtriusque rationem perpetuo medicus habeat: potissima tamen cura versetur circa id quod magis vrget. Velim itaque etiam tum cum a solo flatu affectus sit, alius leni enemate, aut cathartico quod potius lubricando soluit, quam violentius moueat, reddatur fluxilis, & apozematis incidētibus, tessellisque nuper dictis visceris infarctus exobstruantur. Tum demum ad flatuum dissipationem conueniet vinum tenue quod cuminum, anisum, cubebas, grana iuniperi, cardamomum & canellam incocta habuit, vel vinum in quo Sp. diacureumæ & Theriacæ an 3 ß dissoluta sint, ebibere, vel iequens Hippocraticum.

℞ Theriacæ mediæ ætatis ʒ i
Cardamomi, cubeb. an ʒ ii
Canell ʒ iii. Sacc. albiss. ʒ iii
Vini Rhenens. maturi lb ii.

colentur per manicā Hippocratis. Cautetamen, quod etiam in præcedentibus subinde admonui, est his calidioribus vtendum, iis potissimum qui vel plethorici sunt, vel iecur natura, vel victus ratione calidius sortiti. Regio iecoris fo-

uenda est vino decoctionis absinthij, purlegij, baccarum & foliorum lauri: aut ex oleo quod rutam, absinthium, radices cyperi & galangæ incocta habuit. Item sacculi applicandi: & cucurbitula larga bisterue cum multa flamma apponenda, non prius tamen quam pituita perfecte sit euacuata: alioqui periculū est, ne pituitā multo contumacius impingat, & veri scirrhi causa fiat.

De curatione flatuosa obstructionis Lienis. Cap. 23.

Lien sæpe tangēti reniti videtur (teste Gal.) tametsi scirrhusus minime sit, sed potius flatulentus. flatuosæ huic obstructioni eadem propemodum remedia debentur quæ iccoris. Atqui cum magis contumax ea plerunq; sit & longius dissita: peculiaria quædā & valentiora tū apozemata tū cathartica pharmaca, si humores grossi vt fere sit adsint, desiderat. Cortices itaq; rad. capparum, tamaricis & ebuli, cortex medianus fraxini, scolopendrium, lingua ceruina, centaurium minus, polypodiū, semina calida, vt viticis, epithymū, Sena, Acetū scilliticū, Oxymel scilliticum, oxymel diureticum, Syr. de fumaria, & id genus alia conue-

conueniunt: ex quibus apozemata incidentia, & flatus discutientia construi, & deinde confectione hamech diasena & El. Indo maiore humores expurgari poterunt. Fomēta insuper sint valida, præsertim si a grossis & contumacibus flatibus infartus fiant, ex vino potente cū absinthio, bac cis lauri, ruta & seminibus calidis cocto, aut si mauis (vt ego interdū facere soleo) ex aceto forti, quod semē agnī casti vulgo appellatum, rutam, calaminthū, Baccas lauri, marrubium, Centaurium minus, flores genistæ, radices ebuli aut iridis incocta habuit. Nec præter rationē erit, si prædicta minime sufficiant, lienis regionem fouere cū lixiuo ex cineribus bratsicę, ilicis, aut fabarū confecto: cui, si lubet, aquę vitę & olei amygdalarum amararum tantillū adii cere potes. Deinde imponēdū est emplastrum mistę facultatis: quale est quod ex sulphure & alumine constat. Porro si flatuū nō tāta copia sit, iiq; sint tenues sine fouente materia, & habitus deniq; corporis rarior, quæ semel hic admonuisse per omnia sufficiat: leuiora tū intus tum extra medicamēta administranda erūt,

ſepeq; ſola cucurbitula ſatis fuit applicata. quare huic capiti ſinem imponens, leſctorem, ſi qua forte hic deſiderata requireret, ad caput præcedens relego.

De curatione Tympanitis. Cap. 24.

TYmpanites tertia Hydropiſ ſpecies a flatu fit ab imbecillo calore genito; cuius quidē ſuperflua collectio inter peritoneum & omentum aliaſq; abdominis membranas ſe inſinuans, totum id violenter diſtendit, & in maximam molem effert, nullis indiſciis quam rugitu, & ſonitu tympani, dum vngue percutitur, notior. Principium leue eſt, ſola nempe inflatio quæ diſcuti non potuit, inde flatuſ deſiores effecti veluti in nubē, tandēq; in aquā concreſcunt: vnde vna cū nebuloso flatu lenſim humor colligitur. Curatio itaq; poſt bene inſtitutam victuſ rationem quam ex præcedentib. habes, ab humoris concoctione, eiſque euacuatione auſpicāda erit, ſūm opere cauendo ne valentiorib. medicamentis meſerco, chamelæa, colocynthide, bryonia, rithymalli ſpecieb. aut Antimonio, quod multi faciunt, imbecillum calorem ad internecionē ducas. Maniſteſtum enim

enim est quāta vi pharmaca, nec dū diu-
tino & graui morbo afflictis, sed etiā ro-
bustiorib. corpus cōcutiant, quam mo-
lestas torsiones inferāt, vires prosternāt
ac spiritus resoluant; cū tamen e contra-
rio hoc potius sit agendum vt natiuus
calor robur acquirat, quo quod naturæ
noxiū est euincat & expellat. Hunc igi-
tur in modum materia præparabitur.

℞ Rad. Imperat. helenii
Rubiæ mai. Cort. rad. ebuli an. ʒ iii
Rad. Irid. Afari an. ʒ ii
Origani, Calaminth. an. ꝑ i
Soldanell. ʒ i. gratiol. ʒ ii
Sem. Anisi bacc. lauri an ʒ ß.

Bulliant secundum artē in duab. partib.
vini & vna aquę, aut vino integro, in bal-
neo marię bene obturato ad horas tres
aut quatuor: postea coletur, & dulcore-
tur cū saccharo, bibatque mane & ve-
speri cyathum vnum, deinde vacuetur
cum pilulis sequentibus.

℞ Mass. pil. de hier. cum agar.
Turpet, Rhabarb. el. añ ʒ ii
Soldanell. ʒ i. Rad. afari ʒ i
Trochisc. alhād. Succ. cucumer. asinini in
dieb. canicularib. a Gordonio præparati,
Nucis mosch. Galangæ

Canell. piperis, cubeb. an. \mathfrak{z} β .

Redigantur hæc omnia in puluerem tenuissimum & cum succo iridis per residuam defecato fiat massa. \mathfrak{z} huius massæ \mathfrak{z} i & cum oxymell. scillitico fiant pilulæ quinque: sumat media nocte: aut vtatur pilulis nostris de Soldanella dictis, in hoc affectu & omni hydropis specie efficacissimis.

\mathfrak{z} pil. Aggregat. \mathfrak{z} i, Trochisc. alhand. \mathfrak{z} β . Summitatum Soldanell. & Gratiolæ & Cynamomi tenuissime puluerisatorum an. \mathfrak{z} i. Cum succo rad. iridis, fiant pilulæ ex drachma quinque, sumat duas ad summum tres pro dosi, circa mediam noctē. Repetatur subinde superscriptum apozema, vna cum pilulis: siquidem non minus illud flatus subtiliat & discutit, quam humores hæ præparant & educunt. interim ventriculus reliquaque viscera his electuariis erunt corroboranda:

\mathfrak{z} Succ. rad. irid. \mathfrak{z} iiii

Canell. galangæ an. \mathfrak{z} ii

Caryophyll. macis an. \mathfrak{z} i

Zedoariæ \mathfrak{z} ii Soldanell. \mathfrak{z} β

pulueriscentur, & cum melle despumato misceantur in formam Electuarii, sumat

mat alternis vel etiā singulis dieb. quātitate nucis pont. Vel hoc quod sequitur.

℥ El. de bacc. laur. ʒ iiii
 Conf. rad. helenij ʒ ii
 Sp. dianisi
 Diagalangæ
 Diacymini an. ʒ i
 Ol. Iuniperi ʒ i

Misc. & cū syrupo de stœchade fiat cōditū. vtilissima etiā erit sequēs potiūcula.

℞ Aq. cinamomi in alembico vitreo artificiose distillatæ ʒ ii. Aquæ vitæ ʒ iiii. Olei anisi aliquot guttulæ.

Misce, bibatur ieiuno stomacho. Imperatur etiam pulueres a pastu sumendi, vt ventriculus a crudis humoribus refrigeratus modice calfiat, facilius concoquat, flatusque discutiat. vt,

℥ Anis. cond. ʒ iii.

Feniculi ʒ i ʒ

Coriand. præp. ʒ ʒ

Cumini

Carui

Sesel. in vino generoso maceratorū an. ʒ i

Cort. citri sicc.

Cinam. crassi an. ʒ iiii

Sacch. ros. tabulati ad pondus omnium.

miscē, fiat puluis, sumat cochlear vnum post pastū, nec bibat amplius. Euacuatis

humorib. viribusq; refocillaris, summo studio veniunt flatus excutiendi: quod mirifice præstabit decoctum sequens.

℞ albi Græci, hordei integri an. \mathfrak{z} i ss.
Coquantur lento igne in lb trib. aut quatuor vini albi gallici ad hordei crepaturā. Coletur: colatura per residētīā defecata denuo coquatur ad medietatis cōsumptionē: postea clarificetur, & aromatisetur cū cinamomo sufficiente, & dulcoretur cū saccharo. Huius decocti propina vncias quinque; ter de die ieiuno stomacho: emittereq; mirabiles bōbos, & sensim venter sublidet. Huc etiam faciūt conf. c baccis lauri, diacyminū, diagalāga, diatriōpip. diamosch. dul. aliaq; innumera flatui discutiendo appropriata. Verū quod alias admonui, iterū repeto, moderate hisce vtendū esse; alioqui grauissime offendūt: vt hoc exēplo perspicuū euadet. Muliercula quædā tympanite misere afflīcta, curā sui medico familiari cōmendauerat. Hic flatuū discussioni dumtaxat attētus, sine alterius medicamenti prægressu, electuariū aliquod admodū calidū administrauerat. Illa paulo post sentit rugitū solito multo

to maiorē, torsioneq; molestiores, difficilius spirat, & ventris tumore pristino remanente, nouus accrescit: qui a malo punico, vbi prior terminabatur, se eleuās totū pectus mirabiliter distēdebat. tumores vero a sese mediāte fossula distinguebantur. ego ilico accersitus, vaticinor mortē præ forib. esse, ac ob id temerariū esse de medicaminū vltiori exhibitione cōsiliū. nec sefellit opinio. tertio enim ab eo quo vocatus erā die, obdormiuit in domino. porro recētis tumoris causam fuisse iudico calefaciētē & extenuantē medicamento vim, quæ nebulosum flatū extenuādo, arcto quo prius stringebatur loco minime cōrentū, ampliorē capessere coegit. Ea autē est caloris vis, vt crassa tenuādo efficiat liquida, hæc q; deinceps in vaporē cōuertat. Quippe crassa angusto loco contenta, si ignis ardore efferuescant, ampliorē locū capessere, cū in multis aliis, tū vel maxime in lacte perspicuū est: cuius quidē tanta quātitas quæ mediū lebetē nec dū adimpleat, ignis feruore extenuata, vsque adeo excrescit intumescitq;, vt lebetis parietib. non amplius cōtenta effundatur.

Simile profecto quiddā in tympaniticis accidir, dū multū calfacientib. medicamentis exagitantur. Quocirca moderate calida quæ viscera roborando natiuū calorem exuscitant, tum intus tū extra administrata conducunt. Ventriculus itaq; sequenti linimento inungatur.

℥ Ol. nard. ol. mastich. an. ʒ iiii
 Ol. nuc. mosch. ol. macis an. ʒ i
 Menth. sicc. Corall. rub.
 Mastich. Cuminian. ʒ i

cū cerę q. s. fiat vnguentū: vngatur regio ventriculi calide. Totus deinde venter linteis aut manib. calentib. fricetur, donec excitetur rubor, vt apertis meatib. fiat⁹ tenuati exhalēt. quo facto, vel vino sublimato, aut oleo rutaceo, aut vtroq; æqualib. partib. misto, diutissime vngatur, aut sequens emplastrum applicetur.

℥ Empl. de bacc. lauri lb ss.

Misceatur cū stercore caprino aut bouino, addēdo vini potentis quantū sufficit ad malaxādū, fiatq; emplastrū quod ventri apponatur, quam fert calidissime regione hepatis declinata: aut eius loco consuantur sacculi ex absinthio, mētha, ruta, seminib. calidis, baccis lauri, florib. pseu-

pseudonardi, Sābuci, chamemeli, roris-
marini & stœchados, milio, furfure & sa-
le. Frigantur in frixorio cū vini aspersio-
ne, & calide ventri imponantur; tū inde
cū refrigerant, ollæ quæ candens feruū
habeat, cuiq; vinū infusū sit, orificio im-
ponantur, & recalsacti iterū applicentur.
De cucurbitulis non est quod hic quic-
quā adiciā. celebres enim sunt in flatu-
osis affectib. apud omnes: in hoc tamen
affectu, meo quidē iudicio, nihil emolu-
menti adferunt, Clysterū etiā ventrosita-
tē carminatiū vsus prodesse interdū so-
let. Verū his omissis tanquā notis, hoc
vnū admoneo, exercitiū, si vires ferant,
sitim & sudorē, non huic dumtaxat hy-
dropis speciei, sed & duabus aliis præci-
pua esse curationis capita,

De curatione Inflationis vteri. Cap. 25.

VTerinæ inflationes foetum interdū
excutere & abortū facere secundo
aut tertio mense assolent, & intestinis
cōrēti flatus grauidas misere diuexare,
quod vteri pondus rectū intestinū com-
primens his exitū effluxūq; deneget. Ce-
terū de vterina inflatione audi Hippo-

*Lib. de nat.
mulieb. &*

*Lib. 2. de
morb. mu-
lib.*

vteri, venter attollitur & inflatur, ac sonitū edit, & pedes & cauæ faciei partes intumescunt, & color iniucūdus fit. Menses occultantur, & genitura hoc tempore non manet intus, & anhelat, & anxiamœret, & cum expurgiscitur e sono, recta ceruice spiratio ipsā corripit, & quicquid edierit aut biberit, ipsā molestat, & suspirat, ac tristatur magis quā priusquā edit: & suffocatur, & nervi contrahuntur, & vteri ac vesicæ dolent, & manus cōtactum nō admittunt. Accurate sane hac oratione, symptomata vterinā inflationē sequentia deliniauit Hippocrates: quæ quidē omnia a trib. distensione nimirū, cōpressionē, & cū primariis partib. consensu, tanquā a causis producuntur. Quū autē sic habuerit (inquit) pharmacum deorsum purgās bibēdū dato.

℞ Syr. de Artemis. ℥ iii. Syr. de stæchad. ℥ ii decoctionis Artemis. Matricariæ, pulegii, Sabinæ, bacc. iunip. Sem. anis. & dauci lb i. fiat apoz. præparās aromatizatū cū cōfectiōe e baccis lauri ℥ ii. finitis syrupis sic purgetur,

℞ Pil. Aggregat. ꝯ ii

pil. Aurearum ꝯ i

Trochisc. alhand. gr. iiij.

misc. & cū Syrupo de Artemisia fiant pilulæ

lulæ quinq;: sumat media nocte. Si pilulas nō valeat inglutire, sumat pharmacū liquidum cuius formulā ex præscriptis haud difficile erit huc transsumere. porro si maior humorum copia sit, vt semel possit euacuari: repetitis vicib. id præstabis. Post ridie purgationis sumat Theriacę veteris aut Mithridati ʒi. His peractis vngatur regio ventriculi & vteri vnguento quod capite præcedēti pro illius corroboratione descripsimus, aut foueatur vterus oleo rutaceo solo, aut linimento sequenti. ʒ Ol. amygd. amar.

Ol. Rutacei

Vini sublimati an. ʒi.

misceantur exacte, totaq; ventris regio inūgatur. Sacculi insuper quales capite præcedenti, cataplasmata & emplastra ex sem. apij, fenic. dauci, carui, cumini, baccis lauri, farina fabacea, stercore ouiu vel vaccarū, cū vino & oleis confecta conducunt. Non minus etiā electuaria, tessellæ, orbiculi, ex calfacientib. & corroborantib. cōstructa, nec nō vinum hippocraticum cum flatu discutiētib. percolatū, aut vinum maluaticum cū olei iuniperini vel olei anisi aliquot gut-

tulis mistum, & id genus alia quæ vel ad
nauseam vsq; hætenus sunt inculcata,
cōueniunt. Pessus etiam (ait Ægineta)
qui e ficuū pinguium cōtusarum ʒ i. Cu-
mini ʒ ii. Spumæ nitri ʒ i. concinnatur,
cum primis accōmodatus est: sed pro-
pter acrimoniam in lacte prius macerē-
tur: vel oleum rutaceum cum decocto
seminum calidorum vtero infundēdū,
venterq; est constringendus fasciis. Cu-
cubitu læ etiam hic, vt in omnib. ex fla-
tu affectibus, maxime necessariæ sunt.

De curatione herniæ ventosæ. Cap. 26.

Hernia ventosa, vt diximus cap. octa-
uo, cū hydrope fit & citra hydro-
pē. Si cum hydrope accidat, curetur hy-
drops, & hernia curabitur. Si sine hydro-
pe eueniat, duas habet intētiones cura-
tiuās: alteram ad causam antecedentē
quæ est humor phlegmaticus: alteram
vero ad causam coniunctam quæ est spi-
rit⁹ flatuosus in scroto vel in tunicis te-
sticulorum cōsistens. prior intētio perfici-
tur iis medicamentis quæ superfluum
humorē euacuant & viscera corrōbo-
rant: quorum præscripta cum ex omni-
bus ferme, tum vel maxime ex 17. & 18.

cura-

curationis capitibus haurire licebit: posterior intentio absoluitur medicamentis localibus, & cum primis foru.

℞ Origan. Calaminth. Puleg. añ Mi
 Sem. quat. calid. mai. }
 Sem. vitic. bacc. laur. } añ 3 ii.
 Salis communis 3 ii.

Coquantur in vini Gallici sufficiente quantitate, ad medias partes: foueatur pars bis de die. aut,

℞ Lixiuii barbitonf. lb iiii.
 Cumini, bacc. laur. añ 3 ii.
 Fol. lauri, Rorismar. añ Mi.
 Salis communis 3 iiii.

facta secundum artē decoctione, foueatur pars spōgia noua, bis aut ter de die calide exiccata, vngatur sequēti linimēto.

℥ Ol. de castor. }
 Ol. rutac. } añ 3 vi.
 Ol. de Euphorb. }
 Vng. Martiati 3 β.

Misce, aut apponatur sequēs Emplastrū.

℥ Farinæ fabaceæ lb β.
 Cumini, Sem. dauci an. 3 β
 Bacc. lauri 3 iiii
 Fl. Camemel. & lauand. an. pi.
 Salis pug. i β.

Coquantur in f. q. vini albi ad consistentiā cataplasmatris, & apponatur. aut hoc:

& Stercoris vacc. lb ii. Sulph. Cum. an. ʒ iiii.
misc. & addito pauco melle fiat cataplasma.
Ego multos paruulos hoc malo labo-
rantes curauī, ex multa & frequenti ca-
lesfactione ad luculentum ignem facta :
& cum siccis fomentationibus quæ fi-
unt cum panno laneo albo valde calen-
te & sæpius applicato.

De priapismo, ex Aetio transcriptum. Cap. 27.

Priapismi curationem dicturo mihi
vtilissimum visum fuit, vt Aetii hic
usus opera nihil de proprio addam, ob
id potissimum quod hæctenus is affe-
ctus sese curandum mihi non obrulerit,
ac ob id nihil magnifice de nostra expe-
rientia polliceri possim : tum etiā quod
null^o meo quidē iudicio succinctius ac-
curatiusq; Aetio huius affectus tū gene-
rationē tum curationem ex Galeni sen-
tētia percurrerit. Priapismus (inquit) tē-
tigo est membri pudendi & auctio in lō-
gum & spissum citra rei veneræ appe-
tentiam, ex caliditate quadam acquisi-
ta, cum inflatione quadam dolore lo-
corum consistens. appellationem au-
tem accepit priapismus, a Priapo vidē-
licet Satyro: tale enim a natura habentem

tē pudendum homines fingunt & pingunt. fit autem affectio aut ob dilatata venarum & arteriarum in pudendo ora, aut flatu vaporoso iuxta antrosum neruum, ipsum inquam pudendum, oborto. Mihi autem, inquit Gal. propter vtrunq; fieri videtur, laxius tamen ad dilatata venarum ora consequi. Aliquando autē propter abstinentiam a reb. venereis, quidā hac affectione apprehēditur. atq; hoc ipsum eis quimulto semine abundāt, simulq; prāter consuetudinē se abstinent, euenit, quum non per frequens & multum exercitium sanguinis abundantiam discusserint: maxime vero hoc illis contingit qui rebus quidem venereis opus habent, in imaginationem autem ipsarum perueniunt per visiones quæ ipsos in rerum venerearum recordationem impellere possunt. Ceterum dolores eis cōtingunt quales tetanici habent, & hi qui reliquis membris distenduntur: inflatum enim & distentū pudendum cōuulsionis modo afficitur, & ex præcipiti hoc modo affecti per eūt, nisi confestim eis auxilium feratur: quum vero moriuntur, ventre inflan-

tur, & frigidum exudant: id quod & eis
euenit, qui aliis cōuulsionis modis peri-
muntur. propter dolores igitur & inflā-
mationes venam secare statim a princi-
pio conuenit hac affectione prehenſos,
& in inedia adseruare vsq; ad dies tres,
irrigareq; pectinem & coxendices vna
cum pudendo ex lanis succidis vino &
oleo imbutis: siti item premere, & al-
uum obturatam euacuare non acri ni-
mum clyſtere, ne inflammationes exa-
cerbentur. Cibum autem exhibere fru-
mentaceum paucum, atque omnino ni-
hil inflantem, & in aquæ potu contine-
re. Quod si diutius duret affectio, etiam
cucurbitæ cum scarificatione affigen-
dæ sunt: & si amplius sanguinis multitu-
do adiacere videatur, hirudines adhibē-
dæ in ipsum locum: cataplasmata vero
imponenda sunt ex cruda hordeacea fa-
rina. Optimū etiam fuerit aluum sub-
mollire per betę & maluæ decoctū pau-
co mercurialis succo admixto. Cōcha-
rum itē decoctum in potu exhibēdum:
ab efficacioribus autem purgantibus
pharmacis in totum abstinendum. Ca-
uenda etiam quæ vrinæ ciendæ facul-
tatem

tatem habent. Utendum autem cibis frumētacei generis, qui leniter attenuare valent citra manifestam calefactionē. Lumbis vero quæ euidenter refrigerant imponenda, velut est solanū, portulaca, hyoscyamus & semperuiuū. Necessario etiam coles & intercapedo inter anum & pudendū ex aliquo leniter refrigerante illinitur, velut est argenti spuma, cimolia, & cerusa, si aceto, aut posca, aut aqua sint diluta. Optime autem facit in ipsis ceratum ex rosaceo optimo apparatus, & frigida aqua saepe elutum, si tū pudendis tum lumbis imponatur. Porro in latus decumbere ipsos ex re est: & substernere ea quæ ad seminis profluuiū sunt accommoda. A spectaculis vero & narrationib. ac commemoratione eorum quæ ad venerem excitare queant, penitus sunt arcendi.

De inflatione seu Apostemate ventoso. Cap. 28.

INflationes nascūtur a flatuoso spiritu alias sub cute, alias sub membranis, quæ ossa vestiunt, aut musculos includunt: alias in carnosis partibus collecto. Colligitur autem (vt Ægineta ait) vel propter membrorum densitatem, vel

spiritus crassitiem. Spiritus crassus locum quo retinetur sua copia distendendo, tumorem efficit, nō laxum quidem, aut digitorum cōpressioni cedentem, vel fossulam, dum premitur, vt œdema relinquentem, sed renitentem tactui. Harum inflationum communis scopus est, vt quod præter naturā est, vacuetur in quocunque id contineatur. Vacuari autem nō potest, nisi ex propria indicatione quod densum est relaxetur, & flatuum crassities extenuetur. Vtrumque iisdem præsiidiis, nempe tenuissimis & potestate calidis, perficitur. Atqui quod ventriculus reliquaque viscera a distendente flatu afflicta, oleo quod tenuium partium sit, aut rutam seminaue calida incoctū habuerit, curētur, abunde satis in præcedentibus declaratum existimo. Reliquum est vt de inflatione quæ in artubus & musculis, aut membranis periostris oritur, dicamus. Hæc fit interdum cum dolore, interdum etiā omnino sine dolore; idque ex simplici causa, nempe imbecillo calore, aut a contusione. Inflationi quæ citra dolorem sit, lixiuium (ex sententia Galeni) noua sponsia exceptum,

ceptum, abunde fuerit. esto autem tale:

℞ Aquæ pluuiæ, aut potius vini q. f. infundatur per horas 24. in cineres ficus vel iuniperi, fiatque lixiuium. Vel sic.

℞ Bacc. laur. rad. Irid. an. ℥ i

Fol. laur. Rorism. Nepet. an. M i.

Fl. lauand. pi. Cumini ʒ vi.

Coquantur in aqua suff. ad medias partes. In huius decocti ℔ iiii. infundantur cinerum ficulneorū, fabarum aut brassicæ ℔ i. fiat lixiuium: excipiatu noua sponsia, & tumor foueatur calide. uehementer enim abstergit, exiccat, absumit, & flatulentum tumorem discutit. Si autem dolor vrgeat, non quidem lixiuio fouēda pars est (sua enim acrimonia dolorem magis irritaret) sed oleo quod relaxandi remittendiq; vim habeat, quale est Anethinū, rutaceum, aut chamæmelinum, inungenda. Incidunt ex percussionibus eiusmodi affectus, vbi scilicet vel musculus, vel membrana quæ os circuit est contusa. Ac super membranam quidem quæ os ambit, antedicta imponenda est sponsia. Ad musculos vero (nanq; hi aliquando dolent) medicamentum quod magis mitiget est adhibendum.

Quo fit vt ad hos solo lixiuio non vta-
mur, sed immiffa ei tum fapa, tū paucu-
lo oleo. Satius autem fuerit in principio
non addidiffe lixiuium, sed fapa cum vi-
no & aceti pauxillo, mediocriq; olei por-
tione omnibus vna modice calfactis, at-
que lana succida exceptis, locū foueri.
Quocirca fi dolor vehemens vrgeat, mi-
tigatiua magis vteris medendi ratione:
Sin vero ille abfit, maiore vi cōtra infla-
tionem instabis per valentiora medica-
menta, cuiusmodi funt lixiuium, acetū,
& post hæc vinum. Quoties ergo de mi-
tigando non laboras, lixiuij & aceti plus
in mifturam coniicies. Quæ vero huius
generis inflationes neglectæ inuetera-
runt, primo quidem loco his ea quæ ex
lixiuio componuntur adhibeas. Secūdo
loco emplastrū aliquod, quale illud est
quod de strigmentis gymnasiorum cō-
ponitur. Atqui cum eius vfus hoc nostro
æuo inoleuerit, emplastrū de baccis lau-
ri substituemus, aut hoc quod sequitur.

℥ Empl. de melilot. }
Emp. de bacc. laur. } an. ʒ iiii
Nitri, Cumini
Sulph. Calcis viuæ

Salis an. ʒi

℞l. laurini & ceræ q. s. fiat Emplastrum.

*Tagault.**lib. 1. cap. 11.*

Ceterum si huiusmodi flatuosus spiritus qui inflationem cōmittit, fumosus fuerit, malus, corrupt⁹ & a materia venenata excitatus, cum dolore intolerabili, & vehementi calore per membra discurrens, nullum tutius ac melius consilium dari potest, quam quod vbi in parte quapiam substituerit, pars ipsa protinus infra supraq; deligetur, ac in medio nouacula vel ferro candente tumor aperiatur, ita vt facile vapor ille venenosus egredi possit. Deinde hīas plaga implēda erit aloe & bolo armeno, ex rosaceo & aceto dissolutis. Transactis vero dieb. tribus aut quatuor, vulnus carne opplendum erit, & ad cicatricem perducendum. Porro in venenosis eiusmodi inflationibus, vitus ratio tenuior esse debet, egetq; corpus medicamento purgatorio. quod si Theriaca sumenda daretur laboranti, recto illi consultum esset.

HActenus cā dide lector pro meo virili flatuum naturā, effectus, morbosq; ex iis procreatos & eorum curationes in medium attuli. quod quidem

non alio consilio factum existimabis quam vt rudiores in horum cognitio-
nem introducerem, afflictiſ optime cō-
ſulerem, & doctis ingenioſiſq; viris an-
ſam quo in hac materia diligentius in-
cumbant, præberem. quapropter has lu-
cubrationes noſtras æqui boniq; conſu-
las oro, quandoquidem vt prodeſſem,
non vt animos irritarem, hunc ſumpſi
laborem. Has primitias ſi tibi eſſe acce-
ptas cognouero, præclariora in poſte-
rum expectato.

FINIS.

Index capitum præſentis operis.

Q uod Flatus ſpiritus ſit, & de diuiſione ſpiri- tuum, Cap. 1. fol.	1
De Analogia ſeu proportionẽ flatus cum vento. Cap. 2. f.	5
Quid flatus ſit. Cap. 3. f.	13
De loco generationis flatuum. Cap. 4. f.	15
De ratione generationis flatuum. Cap. 5. f.	20
De flatuum differentiis. Cap. 6. f.	24
Quot morbi genera flatus producant. Cap. 7. f.	28
De cauſis flatuum. Cap. 8. f.	32
De ſignis flatuum. Cap. 9. f.	48
De ſymptomatibus a flatuoſo ſpiritu productis. Cap. 10. f.	53
De prognostiſis flatuum. Cap. 11. f.	84
De vi-	

	198
De victus ratione in flatibus obseruanda. Cap.	
12.f.	90
De communi flatuosorum affectuum curatione.	
Cap.13.f.	101
De curatione doloris capitis. Cap.14.f.	103
De curatione sonitus aurium a flatuoso spiritu.	
Cap.15.f.	113
De curatione doloris dentium, a flatuoso spiritu con-	
tracti. Cap.16.	117
De curatione ventosæ pleuritidis. Cap.17.f.	121
De curatione palpitacionis ventosæ. Cap.18.f.	127
De curatione inflationis ventriculi. Cap.19.f.	138
De melancholice flatuosæ curatione. Cap.20.f.	146
De solici doloris curatione. Cap.21.f.	154
De flatuosa obstructionis hepatis curatione. Cap.	
22.f.	167
De curatione flatuosæ obstructionis Lienis. Cap.	
23.f.	172
De curatione Tympanitæ. Cap.24.f.	174
De curatione inflationis Vteri. Cap.25.	181
De curatione hernie ventosæ. Cap.26.fol.	184
De priapismo, ex Aëtio transcriptum. Cap.27.	186
De Inflatione seu Apostemate ventoso. Cap.28.	
fol.	189

IOHANN. POSTIVS, AVLÆ
PALAT. EL. ARCHIATER,
candido Lectori S.

RES levis est flatus: sed enim firmissima quæq;
Concruit, & terris & dominatur aquis:
Horrenda igni uo more boare tonitrua calo
Audisti, & trepidis fulmina missa polis?
Iratum vastis agitari fluctibus aquor
Vidisti, & mersas per freta seuæ rates?
Annosæque ima quercus tellure reuulsas,
Et validas turres, & cecidisse domos?
Tum sonitu ingenti torqueri immania saxi
Pondera per longos ignibus acta tubos?
Sensisti & quondam tremore intima viscera terre,
Credulus extremum iam fore iamque diem?
Scilicet efficiunt violenti hæc omnia flatu:
Qui simili affligunt corpora nostra modo:
Si quando inclusi per summa, per ima vagantur,
Et miseri vexant viscera torminibus.
Illorum causas medica bonus arte FIENVS
Explicat, & pelli qua ratione queant.
Ergo sibi laudem peperit famamque perennem,
Vtile qui nobis hoc dedit auctor opus.
Quod præsens gratis animis amplectitur atas,
Assidua ac voluent postera sæcla manu.

Pag. 137. lin. ultima pro 3 B Postius legit 3 B